

ԷԶՄԻԱԾԻՆ



Բ
1999

ԾԵՆՈՒԹՅՈՒՆ

Է. ԶՄԻԱԾԻՆ

ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՒՈՅ
Ս. Է. ԶՄԻԱԾԻՆԻ

ՓԷՐԵՐՈՒՄ
1999



ԲՈՎԱՆԴԱԿՈՒԹՅՈՒՆ

ԽՄԲԱԳՐԱԿԱՆ

Պահեցողությունը՝ հաղթանակ մեղքի 3

ՊԱՇՏՈՆԱԿԱՆՔ

- Ն.Ս.Օ.Տ.Տ. Գարեգին Ա Ամենայն Հայոց Կաթողիկոսը ենթարկվեց
նոր վիրահատության 8
- Ամենայն Հայոց Կաթողիկոսն ապաքինման ջրջանն
ամցկացնում է Նյու Յորքում 9
- Բարեմաղթանքներ՝ Ն.Ս.Օ.Տ.Տ. Գարեգին Ա
Ամենայն Հայոց Կաթողիկոսին 10
- Տ. Ներսես արքեպիսկոպոս Պոզապայանի ջնորհավորական
հեռագիրը Ն.Ս.Օ.Տ.Տ. Գարեգին Ա Ամենայն Հայոց Կաթողիկոսին,
վարդանանց տոնի առիթով 11
- Ընդհանրական հեռագիր Ալեքսիյ Բ Պատրիարքին 12
- ՀՀ նախագահը հանդիպեց Կաթողիկոսական Ընդհանուր
Փոխանորդ Տ. Գարեգին արքեպ. Ներսիսյանի հետ 13
- Տ. Ներսես արքեպիսկոպոս Պոզապայանի ջնորհավորական հեռագիրը
Ամենապատիվ Տ. Թորգոմ արքեպիսկոպոս Մանուկյանի՝ ծննդյան 80 և
քահանայական ձեռնադրության 60-ամյակների առիթով 14

ԿՐՈՆԱԿԱՆ

- Տ. Ներսես արքեպիսկոպոս Պոզապայանի քարոզը՝ խոսված
Մայր Տաճարում Տյառնընդառաջի տոնի առիթով 16
- Կանադայի հայոց թեմի առաջնորդ Տ. Հովնան արքեպ.՝
Տերտերյանի քարոզը՝ խոսված Մայր Տաճարում 18
- Տ. Միքայել Ծ. Վրդ. Աջապահյանի քարոզը՝ խոսված
Ս. Հոփսիսմե եկեղեցում 20
- Տ. Վազգեն վարդապետ Միքայելյանի քարոզը՝
խոսված Մայր Տաճարում 24
- Տ. Հայկազուն Ծ. Վրդ. Նաջարյանի քարոզը՝ խոսված
Մայր Տաճարում 27
- ՄԻՔԱՅԵԼ Ծ. ՎՐԴ. ԱԶԱՊԱՀՅԱՆ - Մեծի Պահոց պատմական հիմքը 31
- ԱՐԹՈՒՐ ԴՊԻՐ ԿԱՐԱՊԵՏՅԱՆ - Տյառնընդառաջի խարույկը 35

ԱԱԲԿԵՆ ՆԱՆՑԱՆ – Սուրբ Երրորդության ամենքի	
Քաղաքականությունը դավաճանաբանական համակարգում	38
ՖՐԱՆՑԻՍԿՈՍ ԴԸ ՍԱԼԻ – Ուղեցույց քարեպաշտ կյանքի	43

ՀԱՅԱԳԻՏԱԿԱՆ

ՆՎԻՐՎՈՒՄ Է ՀԱՅԱՍՏԱՆՈՒՄ ԶՐԻՍՏՈՆԵՈՒԹՅԱՆ ՊԵՏԱԿԱՆՈՐԵՆ ԸՆԴՈՒՆՄԱՆ 1700-ԱՄՅԱԿԻՆ

ՊԻՈՆ ՀԱԿՈՐԹԱՆ – Եպիսկոպոսական Աթոռները	
Գրիգոր Լուսավորչի օրերին	54
Հ. ՄԱՐՏԻՐՈՍԹԱՆ – Առաջին եկեղեցական հաստատությունները	
Հայաստանում՝ ըստ Պետինգեթյան քարտեզի	65
ԿԱՐԵՆ ՄԱԹՎՈՍԹԱՆ – Նոր էջեր Նորավանքի եպիսկոպոսական	
Աթոռների պատմության	71
ԼԱՐԻՍԱ ՆԱՎԱՍԱՐԴՅԱՆ – Լուս տեսալ Ն.Ս.Օ.Տ.Տ. Գարեգին Ա	
Վեհափառ Հայրապետի «...եվ օրորվում է մավր ալիքների վրա» գիրքը	87

ՄԱՅՐ ԱԹՈՌՈՒՄ ԵՎ ԹԵՄԵՐՈՒՄ

ՀՐԱՆՏ ԿՈՍՏԱՆԹԱՆ – Վարդաճառք տոմին մվիրված հանդիսություն	
Ս. Էջմիածնի Հոգևոր Ընտրանում	92
ՀՐԱՆՏ ԿՈՍՏԱՆԹԱՆ – Տյառնընդառաջի խարույկ Մայր Աթոռում	97
ՎԱՀԵ ԴՊԻՐ ԲԵԳՈՍԱՆ – Տյառնընդառաջը՝ համաքաղաքային	
տոմ Զարեմազվանում	98
ՄԱՐԻԱՄ ՎԱՐԴԱՆԹԱՆ – «Ս. Սահակ-Ս. Մեսրոպ» շքանշան	
Հովհաննես Զեքիջյանին	100
ԱՐԾԵՆ ԱԲԵՂԱ ՍԱՆՈՍԹԱՆ – Կյանքի կոչվեց մոր՝	
Հովվական Գործունեությունը Համակարգող Գրասենյակը	102
Ուսանելի մախաձեռնություն	104


1700-ԱՄՅԱԿԻՆ ԸՆԴՈՒՆԱԶ

Ուխտագնացություն 1700-ամյակի ծրագրում. Այցելություններ	
Սփյուռքի թեմեր և Հայաստան	105
Համաժողով Մայր Աթոռ Սուրբ Էջմիածնում	107
ՄԱՅՐ ԱԹՈՌՈՒՄ – Եկեղեցական թեմ. լուրեր	109
«Эчмиадзин» официальный журнал Эчмиадзинского Католикосата	114
«Etchmiadzin» official monthly of Holy Etchmiadzin	116
«Etchmiadzine» organe officiel du Saint-Siege d'Etchmiadzine	118

ՀՐԱՄԱՆԱԻ

Տ. Տ. ԳԱՐԵԳՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱԶՆԱԳՈՅՆ
ԿԱԹՈՂԻԿՈՍԻ ԱՄԵՆԱՅՆ ՀԱՅՈՅ



ԽՄԲԱԳՐԱԿԱՆ

ՊԱՀԵՑՈՂՈՒԹՅՈՒՆԸ՝ ՀԱՂԹԱՆԱԿ ՄԵՂՔԻ

*«Եւ յորժամ պահիցէք, մի՛ լինիք իբրեւ զկեղծա-
տորսն տրտմեայք, որ ապականեն զերեսս իւրեանց,
որպէս զի երեեսցիմ մարդկան թէ պահիցեն. ամէն
ասեմ ձեզ, այն իսկ են վարձք մոցա»:*

(ՄԱՏԹ. Զ 16)

Ներկա դարը, ավելի ճիշտ՝ դարավերջը, մորաձևության, մոր մտա-
ծումների, մոր տարազավորման, մոր արժեքների որոնման, մոր ճաշակ-
ների արթնացման, մոր զգացումների հետապնդման կնիքն ունի: Նորը
հաճախ կշիռ է ու արժեք, երբ իմաստավորված է, ստեղծագործական ճիգ
է, գեղեցիկ ու բարու հաստատումն է: Սակայն միշտ չէ մորն այդպիսին:

Նորությունների հետապնդման այս ճանապարհին միշտ անտեսվում,
մսեմացվում է հիմը, ամգամ՝ արհամարհվում: Այլ խոսքով՝ մենք հաճախ
հասարակությունից դուրս և մանավանդ ժամանակակից երևալու համար
որդեգրում ենք տեսություններ, դյուրությամբ յուրացնում կարծիքներ,
որոնք հոգեկան սնանկության դրսևորումներն ու արտահայտությունն են:

Տարօրինակ, թերևս մույնիսկ անիմաստ կնկատեն ոմանք, երբ
գիտության մվաճումներով, ինչպես մահ քաղաքական անակնկալներով
աղեցուն մեր ժամանակներում առօրյա մտահոգություններով, հոգս ու
ցավերով բեռնավորված անհատին, որպես խորհրդածության մյուս,
ընծայենք գեղեցիկ տոների այն ոսկեղենիկ շղթան («Սրբոց Ղեռնդեանց
քահանայիցն», «Սրբոց վարդանանց զօրավարացն մերոց՝ հազար
երեսուն եւ վեց վկայիցն, որք կատարեցան ի մեծի պատերազմին»,
«Տեառնընդառաջ»), որով զարդարված է ողջ փետրվար ամիսը, և որն իր
ամբողջական լրումն է ստանում Սուրբ Հարության շաբաթը կանխող
քառասնօրյա պահեցողության շրջանով:

Սակայն որքան էլ ժամանակավորեպ կնկատեն հատկապես մրանք,
ովքեր, ժամանակակից երևալու ձգտումից և մյութականի մեղ տեսանկյու-
նից ելնելով, հոգևոր արժեքների ու բարոյական սկզբունքների մկատմամբ
մակերեսային մոտեցում ունեն, քայց և այնպես գիտակից մարդու համար,
ընթացիկ օրերի հոլովություն, հավիտենական ձգտումը մնում է կյանքն
առավել արժևորելու հույսը և կյանքում իմաստ որոնելու ու գտնելու
իրողությունը...



Սիմեոն Ծերունի, իր հույսի պսակումը տեսնելով, հրճվեց, ապրեց իր կյանքի ամենաներջանիկ պահը: ԼՈՒԹՍՆ աշխարհ էր եկել և, տարիների սահմանքից հետո, քաշխվելու էր համայն մարդկությանը: Տիրոջն ընդհանուր զնալու դրվագում, ամկախ Սիմեոնի հրճվանքից, ԻՄԱՆԱԼԻ ԼՈՒԹՍՈՎ ՓՐԿՎԵԼՈՒ գաղափարն է պարագրված: Յուրաքանչյուր անհատ, ինչպիսի պայմաններում էլ գտնվի, գեղեցիկ ցանկություններ ու երազանքներ ունի՝ ներկայի և ապագայի հանդեպ: Նա հարատևորեն ճգնում է, ուղիներ որոնում՝ դրանք իրականությանը զգեստավորելու համար: Իսկ երբ իրականացած է տեսնում, վայելում է իր տքմանքի ու հաղթանակի քերկրանքը: Հիրավի, յուրաքանչյուր հաղթանակով պսակված գործ, նվաճում հոգեկան վայելք ու հրճվանք է: Բայց և նվազ ցնծայի չէ ուրախությունը բոլոր նրանց, ովքեր անձկագին տեսնում են հոգու փրկության և մի օր էլ, ԻՄԱՆԱԼԻ ԼՈՒԹՍՈՎ ողողված, Սիմեոնի նման ապրում երջանկության երկար սպասված պահը:

Կյանքում ձգտում ենք տնտեսապես ավելի բարվոք վիճակների, ջանում ենք, աշխատում, և մեր փոքրիկ հաջողությունները, առաջադիմություններն ուրախացնում են մեզ, թափ հաղորդում՝ ավելից ձգտելու և հասնելու: Սա մարդկային սովորական հատկանիշ է, և այստեղ դատապարտելի ոչինչ չկա: Այսպես կարելի է խոսել նաև մարդկային մտքի մասին: Մեր ունեցած աշխարհնաճառողությամբ, ծանոթություններով երբեք չենք բավարարվում: Միշտ էլ կամենում ենք ավելի ընդգրկուն գաղափարներ ունենալ, և որքան ընդլայնվում է մեր մտահորիզոնը, այնքան գոհունակություն ու բավարարություն ենք զգում և ձգտում ենք նորանոր նվաճումների: Հոգեկանը ևս՝ մարդահաճո ու Աստվածահաճո լինելու ձգտումն է, որ մեզ պարտադրում է է՛լ ավելի կատարելագործվել և առաքինություններով օժտվել:

Մեզանից յուրաքանչյուրը ձգտում է հասարակության մեջ իր մասին լավ տպավորություններ ու բարի հիշատակներ թողնել, որն էլ իրականանում է, երբ իրապես առաջնորդվում ենք Աստվածահաճո դառնալու սկզբունքներով: Բացառիկ մարդկանց է միայն հաջողվել Աստվածահաճո և առաքինի կյանք ապրել: Այդ քչերից էր Սիմեոն Ծերունին: Բոլոր նրանք, ովքեր Սիմեոնի նման անձկագին լույս ունեն և սպասում են, անպայմանորեն իրենց հոգում զգում են ԼՈՒԹՍԻ ՇՈՂԱԿԱԹՈՒՄՆԵՐԸ, ու մի օր էլ, երբ հպանեն իրենց նպատակին, կյանքին կամովին հրաժեշտ տալիս, խաղաղությամբ կրկնելու են իմաստուն ծերունու խոսքերը. «*Արդ արձակեա զծառայս քո, Տէր, ըստ բանի քում ի խաղաղութիւն. զի տեսիմ աչք իմ զփրկութիւն քո*» (ՂՈՒԿ. Բ 29-30:



ՄԵԾ ՊԱՀՔ. այսպես են կոչել Սուրբ Հայության շաբաթը կամ խող քառասնօրյա շրջանը Հայոց եկեղեցու Հայրերը և կարևոր տեղ տվել եկեղեցական կյանքում: Ինչո՞ւ: Ի՞նչ կապ ունի այն մեր այսօրվա կյանքի հետ, երբ փոխվել և հարատև փոխվում է ողջ աշխարհը: Ժամանակավրեպ չէ՞ արդյոք պահքի մասին խոսելը: Դեռ ավելին: Մեծ Պահքի հետ են առնչվում ման *մեղք, մեղքի գիտակցություն, գղջում և ապաշխարություն* հասկացությունները:

Ներկա հասարակության թույլատու սահմաններում այսպիսի գաղափարների արծարծումը շատերի համար մուգմիսկ անընկալելի է, միամտության, տգիտության, սնոտիապաշտության դրսևորում: Սակայն ասում են, թե ծառն իր պտղից է ճանաչվում: Հասարակության որդեգրած այս կեցվածքը շոայլորեն իր պտուղներն է տալիս, որոնք դառնահամ են ու անցանկալի: Մեր այսօրվա քաղաքակիրթ կյանքը լցնող որոշ իրողությունների պարզ մատնանշումն իսկ կարող է խորհրդածության տեղիք տալ: Այդպիսիք են՝ *ընտանեկան երջանկության բացակայությունը, անբարո վարք ու քարքը, վայրագ արարքների ծաղկումը, անհորիզոն ու աննպատակ կյանքը*: Այս ամենի մասին կշռադատորեն խորհելուց հետո, կարելի՞ է դրանք թույլատրելի, բնական ու օրինաչափ համարել, թե՞ պետք է ընդունենք, որ այս պտուղներն աղետաբեր շեղումներ են, առկա՝ կյանքում, բայց ո՛չ երբեք՝ բնականոն և ընդունելի: Այս դեպքում է արդեն, որ մենք անհերքելիորեն պետք է ընդունենք ՄԵՂՔԻ ներկայությունը և Ավետարանչի պես միշտ հիշենք, թե «մեղքը ԱՆՕՐԻՆՈՒԹԻՒՆ Է» (Ա ՀՈՎՀ. Գ 4): Այսինքն՝ մեղքը ոչ այլ ինչ է, եթե ոչ՝ օրինաց խախտում, զանցառություն՝ օրենքի դեմ:

Արդ, եթե մեղքն էսպես և տիրականորեն ներկա է մեր կյանքում, ապա մեծագույն ինքնախաբեությունն է «ՄԵՂՔ» բառից ու բառաբացատրությունից խուսափելը, փախչելը: Եթե մեղքը կա, ուրեմն ժամանակավրեպ չէ երբեք գղջման ու ապաշխարության մասին խոսելը: Հետևաբար, ՄԵԾ ՊԱՀՔՆ այսօր մուգնաճան աշմեական է իր իմաստով ու մշանակությամբ: Եվ, սակայն, թող մեզ չմոլորեցնի «ՊԱՀՔ» բառը, որն առհասարակ կապում ենք կերակուրների հետ: Եթե իրավամբ պահեցողությունը միայն կերակուրների հետ առնչվեր և կամ ինքն իրեն ֆիզիկապես տրտմեցնելն ու չարչրկելը լիներ, ապա այն ոչ միայն մեթօրյա, այլև բոլոր ժամանակների համար էլ թյուրիմացություն կնկատվեր: Սակայն Աստված Ինքը Եսայի մարգարեի բերանով քննադատեց պահեցողության այդ սխալ ըմբռնումը և փոխարենը մատնանշեց մրա իրական գաղափարը (ԵՍԱԹԻ ԵԸ 3-7, 9-10, 13-14):

Որքա՞ն պարզ ու հստակ է Աստծու խոսքը: Տիրոջ պահանջած

պահեցողությունն ուղղումն է մեր կյանքի, սրբագրումը մեր թերացումների, բարեփոխումն ու բարվոքումը մարդկային և ընտանեկան մեր հարաբերությունների, մեր բարոյական ամուր և օրհնաբեր սկզբունքների, ինչպես նաև՝ դերի ու պատասխանատվության բարձր գիտակցումը: Իսկ այս ամենը կյանքը դեկավարող սկզբունքներ են:

Մեծի Պահոց շրջանը տարվա մեջ մեկ ամգամ մեզ կոչում է ինքնակրթության, վերադաստիարակման: Կարելի՞ է ժամանակավորեա համարել Աստծու կամքին հաղորդ դառնալը: Երբե՞ք: Իսկ թե որո՞նք են պտուղները Աստծու պահանջած պահեցողության, դարձյալ կիմանա՞նք հենց Աստվածային խոսքի ընթերցումից՝ մեր ձեռքն առնելով Գրքերի Գիրքը (ԵՍԱԹԻ ԾԸ 8-9, 11, 14):

Որքան իրական են պատվիրանագանցության (=մեղքի) հետևանքները, մոլորքան իրական է պատվիրանապահության (=պահեցողության) բերած օրհնությունը, Աստծու օրհնությունը: Այդ օրհնությունը, լուսավորության, բժշկության, արդարության ու ամենալից հաջողության խոստումները չեն վերաբերվում անդենականին, այլ մեր ներկա կյանքին, ա՛յս աշխարհին, ա՛յս «*երկրի վրա*»:



Վերջում կամենում եմ փոքրիկ, սակայն սքանչելի ու քացառիկ մի օրինակ ընծայել «*Էջմիածին*» ամսագրի ընթերցողներին՝ հետևություն և դաս քաղելու հնարավորությունը թողնելով յուրաքանչյուրին յուրովի...

Զմեռան մի օր ուսուցիչը կանչում է աշակերտներին և պատվիրում վազել ձյան վրայով՝ պարզև խոստանալով նրանց, ովքեր, ուղիղ հետագիծ թողնելով, կանցեն իրենց ճանապարհը: Բոլոր աշակերտներն էլ վազում են: Սակայն միայն մեկին է հաջողվում ուղիղ հետագիծ թողնել: Ուսուցիչը հարցնում է՝ ինչպե՞ս վազեցին: Բոլորն էլ պատասխանում են, թե, ուշադիր հետևելով իրենց ոտքերին, ջանացին ուղիղ վազել: Նրանք անհաջողակներն էին: Ուսուցիչը մոլմ հարցն ուղղում է նաև պարզևի արժանացողին: Վերջինս պատասխանում է, թե, ոտքերին ուշադիր հետևելուց ավելի, համդիպակաց բարձր, երկնուղեք ծառն է իր համար նշանակետ ընտրել և, դիմելով դեպի այն, կարողացել է, ուղիղ ընթացքով անցնել իր ճանապարհը...

Կամենո՞ւմ եք արդյոք դուք ևս արժանանալ ուղիղ և անխտոր այս ընթացքի պարզևին, ուրեմն ընդառաջ գնացեք դեպի ազնիվ ու բարձր գաղափարները, դեպի Աստվածատուր պատվիրանների ամրագրումը, դեպի հավիտենություն...

ՀԱՅԱՍՏԱՆԻ ՏՐԴԱՏԱԿ

ՊԵՇՏՈՆԵԿԱՆԻՔ



**Ն.Ա.Օ.Տ.Տ. ԳԱՐԵԳԻՆ Ա
ԱՄԵՆԱՅՆ ՀԱՅՈՑ ԿԱԹՈՂԻԿՈՍԸ
ԵՆԹԱՐԿՎԵՅ ՆՈՐ ՎԻՐԱՀԱՏՈՒԹՅԱՆ**

Ինչպես հայտնի է, Ն.Ա.Օ.Տ.Տ. Գարեգին Ա Ամենայն Հայոց Կաթողիկոսը, անցած տարվա հոկտեմբեր ամսին Նյու Յորքում կատարված նոր վիրահատությունից հետո, շարունակում էր հետվիրահատական ապաքինման շրջանն անցկացնել Միացյալ Նահանգներում: Նորին Սուրբ Օծության առողջական վիճակին հետևում էր դոկտոր Ռոյ Սեյշոնը:

Վերջերս Վեհափառ Հայրապետը ենթարկվեց լրացուցիչ բժշկական քննության:

Համաձայն փետրվարի 3-ին Մայր Աթոռ Սուրբ Էջմիածնում ստացված հաղորդագրության, որն ուղարկել է Հայաստանյայց Առաքելական Եկեղեցու Հյուսիսային Ամերիկայի հայոց թեմի առաջնորդ գերաշնորհ Ս. Խաժակ արքեպս. Պարսամյանը, տեղեկանում ենք, որ քննության արդյունքում բժիշկները նպատակահարմար են գտել կատարել ևս մեկ վիրահատություն: Վեհափառ Հայրապետի վիրահատությունը նշանակվել էր սույն թվականի փետրվարի 5-ին, ուրբաթ օրը:

Այս կապակցությամբ փետրվարի 4-ին ԱՄՆ մեկնեց Կաթողիկոսական Ընդհանուր Փոխանորդ գերաշնորհ Ս. Գարեգին արքեպս. Ներսիսյանը՝ տեսակցելու Նորին Սրբության հետ:

Վիրահատությունը տեղի ունեցավ փետրվարի 5-ին Նյու Յորքում, որտեղից ուղարկված հաղորդագրությամբ Ս. Խաժակ արքեպս. Պարսամյանը հայտնում է, որ, ըստ գլխավոր վիրաբույժ դոկտոր Ռոյ Սեյշոնի, վիրահատությունն անցել է քարեհաջող:

Վիրահատությունից հետո Վեհափառ Հայրապետը, բժիշկների անմիջական հսկողության տակ, կանցկացնի ապաքինման շրջան: Դոկտոր Սեյշոնի գնահատմամբ, Նորին Սուրբ Օծության վիճակը կայուն է: Վեհափառ Հայրապետը հիվանդանոցում կմնա շուրջ տասն օր:

**

**ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԱՊԱՔԻՆՄԱՆ
ՇՐՋԱՆՆ ԱՆՑԿԱՅՆՈՒՄ Է ՆՅՈՒ ՅՈՐԺՈՒՄ**

Փետրվարի 17-ին Ն.Ա.Օ.Տ.Տ. Գարեգին Ա Ամենայն Հայոց Կաթողիկոսը դուրս գրվեց հիվանդանոցից և շարունակում է ապաքինման

շրջան անցնել 'Նյու Յորքում' գլխավոր վիրաբույժ Ռոյ Սեյշոնի անմիջական հսկողությամբ:

Մայր Աթոռ Սուրբ Էջմիածին ստացված հաղորդագրության համաձայն, Հայաստանյայց Առաքելական Եկեղեցու Հյուսիսային Ամերիկայի Արևելյան թեմի առաջնորդ գերաշնորհ Տ. Խաժակ արքեպս. Պարսամյանը տեղեկացնում է, որ կազմույթն շրջանը հավանաբար կտևի 4-6 շաբաթ:

Բժիշկները գոհ ու լավատես են վիրահատության արդյունքներով:

Փետրվարի 19-ին Նյու Յորքից Մայր Աթոռ Սուրբ Էջմիածին վերադարձավ նաև Կաթողիկոսական Ընդհանուր Փոխանորդ գերաշնորհ Տ. Գարեգին արքեպս. Ներսիսյանը:

Սրբազան Հայրը ևս հաստատեց Մայր Աթոռ ստացված տեղեկությունները՝ Նորին Սրբության ապաքինման ընթացքի և արդյունքների մասին:

Հավատալիքի հայ ժողովրդի հետ շարունակենք աղոթել Ամենայն Հայոց Վեհափառ Հայրապետի շուտափույթ ապաքինման և արևշատության համար:

ԲԱՐԵՄԱՂԹԱՆՔՆԵՐ Ն.Ս.Օ.Տ.Տ. ԳԱՐԵԳԻՆ Ա ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ

Ն.Ս.Օ.Տ.Տ. Գարեգին Ա Ամենայն Հայոց Կաթողիկոսին, վիրահատության առիթով, շուտափույթ ապաքինման բարեմաղթանքներ են հղել Մեծի Տանն Կիլիկիո Ն.Ս.Օ.Տ.Տ. Արամ Ա Կաթողիկոսը, Երուսաղեմի Հայոց Պատրիարք ամենապատիվ Տ. Թորգոմ արքեպս. Մանուկյանը, Կոստանդնուպոլսո Հայոց Պատրիարք ամենապատիվ Տ. Մեսրոպ արքեպս. Մութաֆյանը, վատիկանից՝ Կաթոլիկ Եկեղեցու պետ Ն.Ս. Հովհաննես Պողոս Բ Պապը, Ռուս Օրթոդոքս Եկեղեցու պետ Ն.Ս. Ալեքսիյ Բ Պատրիարքը, Հայաստանի Հանրապետության նախագահ Ռոբերտ Քոչարյանը, ՀՀ Ազգային Ժողովի նախագահ Խոսրով Հարությունյանը, Լեռնային Ղարաբաղի Հանրապետության նախագահ Արկադի Դուկասյանը, պաշտոնատար այլ անձինք:

Ամենայն Հայոց Կաթողիկոսը խորին շնորհակալություն է հայտնել թուրի՜ն՝ իր նկատմամբ ցուցաբերած ուշադրության և ազնիվ զգացումների այս արտահայտությունների համար:

**Տ. ՆԵՐՍԵՍ ԱՐՔԵՊԻՍԿՈՊՈՍ ՊՈԶԱՊԱԼՅԱՆԻ
ՇՆՈՐՀԱՎՈՐԱԿԱՆ ՀԵՌԱԳԻՐԸ Ն.Ս.Օ.Տ.Տ.
ԳԱՐԵԳԻՆ Ա ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ,
ՎԱՐԴԱՆԱՆՑ ՏՈՆԻ ԱՌԻԹՈՎ**

**Ն.Ս.Օ.Տ.Տ. ԳԱՐԵԳԻՆ Ա
ԿԱԹՈՂԻԿՈՍԻՆ ԱՄԵՆԱՅՆ ՀԱՅՈՑ**

Ի ՆՅՈՒ ՅՈՐՔ

Վեճափառ Տեր,

Վարդանանց տոնի և Ձերդ Սրբության անվանակոչության տոնի առթիվ, հանուն Մայր Աթոռի միաբանության, պաշտոնեության, Գևորգյան Հոգևոր Մեմարանի տեսչության, դասախոսների և ուսանողության, շնորհավորում եմ Ձերդ Վեճափառությանը՝ մաղթելով Ձեզ շուտափույթ և կատարյալ առողջություն:

Թող Բարեգութն Աստված Ձեզ շնորհի համբերություն, որպեսզի լիովին ապաքինված վերադառնաք ի Մայր Աթոռ Ս. Էջմիածին՝ իբրև մեր սիրելի Վեճափառը և Հովվապետը Հայաստանյայց Առաքելական Սուրբ Եկեղեցու՝ Ռովվելու մեզ:

Հանուն բոլորի մատչիմ ի համբույր Օծյալ Աջույդ՝

**ՆԵՐՍԵՍ ԱՐՔԵՊԻՍԿՈՊՈՍ ՊՈԶԱՊԱԼՅԱՆ
ԴԻՎԱՆԱԿԵՍ ՄԱՅՐ ԱԹՈՒ Ս. ԷՋՄԻԱԾԻՆԻ**

11 փետրվարի 1999

ՇՆՈՐՀԱՎՈՐԱԿԱՆ ՀԵՌԱԳԻՐ ԱԼԵԺՍԻՅ Բ ՊԱՏՐԻԱՐԷԻՆ

Համայն Ռուսիո և Մոսկվայի Պատրիարք Ալեքսիյ Երկրորդի ծննդյան 70-ամյա հոբելյանի առիթով փետրվարի 16-ին Ն.Ա.Օ.Տ.Տ. Գարեգին Ա Ամենայն Հայոց Կաթողիկոսի և Մայր Աթոռ Սուրբ Էջմիածնի միաբանության անունից շնորհավորական հեռագիր հղեց Մայր Աթոռի դիվանապետ գերաշնորհ Տ. Ներսես արքեպս. Պողոսյանին: Հեռագրում ասվում է.

«Ձերդ Սրբություն,

Հանուն Գարեգին Ա Ամենայն Հայոց Կաթողիկոսի և Մայր Աթոռ Սուրբ Էջմիածնի միաբանության, մեծագույն ուրախությամբ ու սիրտ մեծ զգացումով շնորհավորում ենք Ձեզ՝ Ձեր ծննդյան 70-ամյակի առիթով:

Աղոթում ենք առ Աստված, որպեսզի Տերը շնորհի Ձեզ քաջառողջություն, երկար տարիների կյանք և անսպառ իմաստություն՝ ի նպաստ Ռուս Ուղղափառ Եկեղեցու և ողու ժողովրդին ծառայելու մեծ գործին»:

**« ՆԱԽԱԳԱՀԸ ՀԱՆԴԻՊԵՅ ԿԱԹՈՂԻԿՈՍԱԿԱՆ
ԸՆԴՀԱՆՈՒՐ ՓՈԽԱՆՈՐԴ Տ. ԳԱՐԵԳԻՆ
ԱՐՔԵՊՍ. ՆԵՐՍԻՍՅԱՆԻ ՀԵՏ**

ՀՀ նախագահ Ռոբերտ Բոչարյանը փետրվարի 19-ին ընդունեց Կաթողիկոսական Ընդհանուր Փոխանորդ գերաշնորհ Տ. Գարեգին արքեպս. Ներսիսյանին:

Սրբազան Հայրը, որ նոր էր վերադարձել Միացյալ Նախագներից, Ռոբերտ Բոչարյանին տեղեկացրեց Ն.Ա.Օ.Տ.Տ. Գարեգին Ա Ամենայն Հայոց Կաթողիկոսի առողջական վիճակի մասին և նշեց, որ Ռեուփիրաթատական ապաքինումը բավականին հաջող է ընթանում:

Զրույցի ընթացքում արծարծվեցին նաև Հայաստանում քրիստոնեությունը որպես պետական կրոն հռչակման 1700-ամյակի նախապատրաստական աշխատանքների ընթացքին, ինչպես նաև պետություն-Եկեղեցի փոխհարաբերություններին վերաբերող հարցեր:

**Տ. ՆԵՐՍԵՍ ԱՐՔԵՊԻՍԿՈՊՈՍ ՊՈԶԱՊԱԼՅԱՆԻ
ՇՆՈՐՀԱՎՈՐԱԿԱՆ ՀԵՌԱԳԻՐԸ ԱՄԵՆԱՊԱՏԻՎ
Տ. ԹՈՐԳՈՍ ԱՐՔԵՊԻՍԿՈՊՈՍ ՄԱՆՈՒԿՅԱՆԻ՝
ՇՆՆԴՅԱՆ 80 ԵՎ ՔԱՀԱՆԱՅԱԿԱՆ ԶԵՌՆԱԴՐՈՒԹՅԱՆ
60-ԱՄՅԱԿՆԵՐԻ ԱՌԻԹՈՎ**

**ՆՈՐԻՆ ԱՄԵՆԱՊԱՏՎՈՒԹՈՒՆ
Տ. ԹՈՐԳՈՍ ԱՐՔԵՊԻՍԿՈՊՈՍ ՄԱՆՈՒԿՅԱՆ
ՊԱՏՐԻԱՐՔ ՀԱՅՈՑ ՍՐԲՈ ԵՐՈՒՍԱՂԵՄԻ**

ԵՐՈՒՍԱՂԵՄ

Ամենապատիվ Սրբազան Հայր,

Համուճ Մայր Աթոռի միաքանության, Գերագույն Հոգևոր Խորհրդի, Մայր Աթոռի պաշտոնեության և Գևորգյան Հոգևոր Ճեմարանի տեսչության ու սաների, սրտի անհուն զոհունակությամբ քերում ենք մեր շնորհավորանքները՝ Ձերդ Ամենապատվության 80-րդ տարեդարձի, ինչպես նաև քահանայական ձեռնադրության 60-ամյակի առիթով:

Բեղուն ծառայությամբ և հոգևոր նվիրումով առկեսում այս տարեդարձները միայն պատիվ ու փառք կարող են շնորհել Հայաստանյայց Առաքելական Սուրբ Եկեղեցուն բոլորով սրտիվ նվիրված Ձեր անձին:

Մեր բոլորի սրտագին մաղթանքն է, որ Ամենաբարին Աստված Ձեզ պարգևի երկար տարիների բեղմնավոր կյանք և իմաստություն՝ առաջնորդելու Սրբոց Հակոբյանց զինվորյալ միաքանությանը փառքից փառք և ուղիղ վարդապետությամբ հովվելու Ձեզ վստահված դարավոր պատմություն ունեցող առաքելաֆաստատ Սուրբ Աթոռը Սրբոց Հակոբյանց:

Ծնորդավոր երջանիկ զույգ տարեդարձեր և քաջառողջ երկար կյանք Ձերդ Ամենապատվության:

Խոնարհ աղոթակից՝

**ՆԵՐՍԵՍ ԱՐՔԵՊԻՍԿՈՊՈՍ ՊՈԶԱՊԱԼՅԱՆ
Դիվանապետ Մայր Աթոռ Ս. Էջմիածնի**



ԿՐՈՆԱԿԱՆ

Տ. ՆԵՐՍԵՍ ԱՐՁԵՊԻՍԿՈՊՈՍ ՊՈԶԱՊԱԼՅԱՆԻ ՔԱՐՈՋԸ՝ ԽՈՍԿԱԾ ՄԱՅՐ ՏԱՃԱՐՈՒՄ ՏՅԱՌՆԵՐԱՌԱՋԻ ՏՈՆԻ ԱՌԻԹՈՎ

(14 փետրվարի, կիրակի, 1999 թ.)

*«Այդ, արձակեա զծառայս քո, Տր. ըստ
բանի քում ի խաղաղութիւն. զի տեսին աչք իմ
զփոկութիւն քո՝ զոր պատրաստեցեր առաջի
ամենայն ժողովրդոց»:*

(Դուկաս Բ 29-31)

«Յանուն Դօր եւ Որդւոյ եւ Դոգւոյն Արքոյ. ամեն»:

Չիսուս Զրիստոսի քառասնօրյա եղած ժամանակ Տաճարին ընծայման տոնն է այսօր: Երեկ գիշեր, երեկոյան ժամերգության ընթացքում, մենք կատարեցինք «Չիսուսի Տաճար ընծայման» նախատոնակը, ապա անդաստան կատարեցինք և Դոգևոր ճեմարանի մարգարաշտում եկեղեցուց տարված մոմի կրակով լուցանեցինք, վառեցինք այն խարույկը, որ խորհրդանշում է Լույսը՝ բերված Զրիստոսի աշխարհ գալով: Եվ այսօր հոծ բազմությամբ հավաքվել ենք այստեղ՝ հիշատակելու Չիսուսի Տաճար ընծայման պատմությունը՝ դեռևս քառասուն օրական եղած ժամանակ:

Չիսուսի ծնողները՝ Դովսեփն ու Մարիամը, ըստ հրեական ավանդության, իրենց անդդամիկ որդուն տարան Երուսաղեմ՝ ընծայելու Տաճարին: Սովորություն էր, որ ընտանիքի առաջնեկ որդին Աստծուն պատկաներ: Եվ որովհետև Աստծուն պատկանելը նշանակում է Տաճար ընծայել, այդ սովորությունը Չիսուսի համար ևս կատարվեց. տարան Նրան և ընծայեցին Աստծուն: Եվ այդ առթիվ, ըստ սովորության, տարան մի զույգ տատրակ:

Պատմությունից գիտենք, որ ըստ օրենքի միայն դատացիները քահանայության աստիճան կարող էին ունենալ, և երբ հրեական տասներկու ցեղերից զավակներ էին ընծայվում Տաճար, այդ առթիվ ընծա էր բերվում՝ դատացի քահանային տալու համար: Տաճարում շատ հատկանշական մի դեպք պատահեց. այնտեղ մի ծերունի կար, պատմությունն ասում է, թե երեք հարյուր երեսունհինգ տարեկան էր նա, և իրեն խոստացված էր տեսնել Սեսիային և նոր միայն կյանքից հեռանալ: Համաձայն եկեղեցական ավանդության, դեռևս Զրիստոսի ծննդից երկու հարյուր ութսունհինգ տարիներ առաջ նա մասնակցել է Սուրբ Գրքի եբրայեցերենից հունարենի թարգմանությանը, որ կոչվում է «Յոթանասնից թարգմանություն»:

Տիրոջ Տաճար ընծայման օրը երեք հարյուր երեսունհինգ տարեկան այս ծերունին, Սուրբ Դոգու առաջնորդությամբ, գտնվում էր այնտեղ: Հավանաբար նա դատացի քահանա էր: Այս մասին Ավետարանը ոչինչ չի գրում: Ծերունին,

Հիսուս մանկանը՝ Տաճարի խորանի առջև բերելով, փառք է տալիս Աստծուն և ասում՝ արդ, արձակիր Զո ծառային, որովհետև իմ աչքերը տեսան մարդկության փրկությունը:

Ծերունին, երեք հարյուր երեսունհինգ տարեկան հասակում, Տաճարում, աղոթքի պահին, հանդիպում է իր Փրկչին՝ Մեսիային, և, գրկելով Նրան, փառք տալիս Աստծուն, քանզի վերջապես տեսավ աշխարհի փրկությունը: Հանդիպեց ողջ մարդկության համար մոր վարդապետության սկիզբը դնողին, հանդիպեց մարդ-Աստված հաշտությունը կնքողին, և ինչպե՞ս պիտի չուրախանար՝ գրկելով այդ մանկանը: Հավանաբար ուրախության, խանդավատանքի արցունքներ աչքերից հոսեցին և անմիջապես մտածեց, որ, իր ժողովրդի փրկությունը տեսնելով, եկել է նաև իր վախճանը: Այնտեղ գտնվող մի մարգարեուհի, Աննա անունով, նույնպես փառք էր տալիս Աստծուն և փառաբանում Հիսուս մանկանը և մարգարեական իր շնչով ասում, թե ինչ պիտի պատահեր Նրան, ինչպիսի դժվարությունների միջից պիտի անցներ, խաչի վրա պիտի բարձրանար՝ իր անմեղ արյունը թափելու, դրանով իսկ սրբելու ու մաքրելու ոչ թե իր մեղքերը, այլ մերը, մարդկության մեղքերը, և ինչպիսի վեհ գոհողություն էր կրելու այդ փոքրիկ մանուկը:


Սիրելի հավատացյալներ, չմոռանաք, որ այսօր Բուն Բարեկենդան է նաև, բայց քանի որ Տյառնը նդառաջը Տիրոջը նվիրված տոն է, այդ պատճառով Բուն Բարեկենդանի Պատարագը փակ վարագույրով տեղի չի ունենում, վարագույրներով փակված չէ խորանը, և մենք կախողանում ենք Բուն Բարեկենդանի այս օրը, որ տերունի տոնակատարությամբ դարձել է Տյառնը նդառաջի տոն, իսկ Պատարագից հետո Սուրբ խորանները պիտի փակվեն, այս երեկոյից սկսած մեր եկեղեցու արարողություններն ավելի հանդարտ, խաղաղ և աղոթալից չեշտով պիտի կատարվեն: Վաղվանից սկսվում է Մեծ Պահքը:

Նրանք, ովքեր պատրաստ են այս գոհողությունը հանձն առնել, թող քառասուն օր մեզ հետ քայլեն Քրիստոսի խաչի ճանապարհով՝ գոհողությամբ, աղոթքով, պահեցողությամբ: Բայց պահեցողությունը ուտելիքը չէ միայն, պահեցողությունը լեզուն ևս զսպելն է: Ով կարողանա լեզուն զսպել, հավանաբար մտեղեն չուտելուց ավելի մեծ գոհողություն արած կլինի:

Վաղվանից ապաշխարության շրջան է. աղոթքով, հսկումով, ներքին անդրադարձով և գոհողություն կատարելով այն անցկացնենք: Եթե տեսնենք, որևէ մեկը հաց չունի, մեր հացի կեսը նրան տանք, եթե տեսնենք որևէ մեկին նեղության մեջ, օգնենք նրան, որովհետև Ավետարանն ասում է. «Կուգեմ գոհողություն և ոչ թե գոհ» (Մատթ. ԺԲ 7): Աշխարհը փրկության կգնա գոհողության վրա հիմնված: Աշխարհը առանց գոհողության, առանց բարերարության և առանց համեստության այսօր հնարավոր չէ փրկության տանել:

Ուրեմն, սիրելի հավատացյալներ, այսօր Հիսուսի՝ Տաճար ընծայման տոնով խանդավառված, լցված և Լույսի փառաբանությունը կատարելով, գնանք դեպի վաղվա օրը՝ գոհողություն հանձն առնելով, ապաշխարության դիմելով և քառասունօրյա պահեցողության շրջանը դարձնելով մեզ համար մեղքերից սրբվելու, մաքրվելու մի առիթ:

Օրհնված լինեք, հանուն մեր Տիրոջ՝ Հիսուս Քրիստոսի. ամեն:



**ԿԱՆԱԴԱՅԻ ՀԱՅՈՑ ԹԵՄԻ ԱՌԱՋՆՈՐԴ՝
Տ. ՀՈՎՆԱՆ ԱՐՔԵՊՍ. ՏԵՐՏԵՐՑԱՆԻ ԶԱՐՈՋԸ՝
ԽՈՍԿԱԾ ՄԱՅՐ ՏԱՃԱՐՈՒՄ
(7 փետրվարի, կիրակի, 1999 թ.)**

«Յանուն Հոր և Որդւոյ և Հոգւոյն Սրբոյ. ամեն»:

Սիրելի միաբանակից եղբայրներ, ճեմարանի սաներ և հավատացյալ ժողովուրդ:

Այսօր ձեզի, որպես քարոզի բնաբան և այդ բնաբանի վրա զարգացած խորհրդածություններ, կուգան ներկայացնել Պողոս Առաքյալի՝ Տիմոթեոսին ուղղված երկրորդ նամակեն հատված մը, որը տակավին շաբթվա ընթացքին, հինգշաբթի երեկոյան, դարձուցի նաև խոկումի և խորհրդածության նյութ, երբ այս տաճարի մեջ աղոթքի և խոկումի միացա ճեմարանի սաներու հետ: «Մեծ տան մը մեջ ոչ միայն ոսկե և արծաթե անոթներ կունենանք, բայց նաև փայտյա և խեցե: Կան այնպիսիները, որոնք պատվավոր գործածության համար են, կան էլ այնպիսիները, որ ոչ պատվավոր գործածության համար են: Եվ եթե մեկը ինքն իրեն կմաքրե, կդառնա պատվավոր անոթ, սրբագործված և պիտանի՝ իր Տիրոջը՝ պատրաստված բոլոր տեսակի բարի գործերի համար» (Բ Տիմոթեոս Բ 20-21):

Տունը, սիրելի բարեպաշտ հավատացյալներ, որու մասին կխոսի Պողոս Առաքյալ, Եկեղեցին է, որուն մեջ անոթները մենք ենք, և եթե մեր անձերը հոգևորապես կհարստացնենք, ապա կդառնանք պատվավոր անոթ, սրբագործված և պիտանի Աստծո՝ մանավանդ պատրաստ բոլոր տեսակի բարի գործերի համար: Եկեղեցին, որու մասին Պողոս Առաքյալ կխոսի «Մեծ տան» պատկերով, Աստծո կողմն ճարտարապետված չենք է, որպես սյուն և հաստատություն ճշմարտության, որուն հիմքերն են մարգարեները և առաքյալները, և անոր անկյունագլուխը Քրիստոս ինքն է: Եկեղեցին, որու մասին Պողոս Առաքյալ կխոսի «Մեծ տան» մտածումովը, այն ընտանիքն է, որուն անդամներուն մեջ կխմորվի «զՔրիստոս զգեցարուք» գիտակցությունը:

Եկեղեցին, որի մեջ կփառավորվի Քրիստոս, Ավետարանի լույսովը կպատգամե մեզի, որպեսզի հավատացյալներս դառնանք Աստծո պիտանի անոթ, և ինչպես ամեն տունի մեջ, նույնպես Աստծո տան մեջ կան բազմաթիվ անոթներ. մենք իսկ ենք այդ անոթները: Ինչպես այդ կարգի իրեղեններու, անոթներու բուն արժեքը ոչ այնքան իրենց նյութի բնության, որքան իրենց գործածելիության հարմարության մեջ կկայանա, ահա նույնպես մեր արժանիքը պետք է տեսնենք ոչ թե մեր դիրքի և աստիճանի առավելության, այլ ընդունակության ու պատրաստակամության մեջ, որոնցմով մենք կրնանք ինքզինքնիս պիտանի ու վայել անել Աստծո կամքին՝ մարդկության փրկության ծրագրի գործածության համար:

Սիրելի բարեպաշտ հավատացյալներ, մեր Տիրոջ և Փրկչի՝ Հիսուս Քրիստոսի Ծնունդեն հետո հինգերորդ կիրակին է այսօր, և առաջիկա կիրակին, մեր Եկեղեցվո տոնացույցի համաձայն, Տյառնընդառաջի տոնն է:

Տյառնընդառաջը մանուկ Դիսուսի «Քառասնօրյա Տաճար ընծայման» օրն է: Գրեական սովորության համաձայն, նորածին մանուկը իր ծնունդն քառասուն օրեր հետո Տաճար կտանին՝ Աստծուն ընծայելու համար, և այդ սովորությունը անցած է մահ մեր եկեղեցվո կյանքին մեջ: Սակայն այդ տոնը՝ Տյառնընդառաջը, միայն մանուկներու համար Տաճար ընծայման օր մը չէ, որ պետք է ըլլա: Տյառնընդառաջը պետք է ըլլա բոլորիս համար մկրտական տոն մը՝ մեր կյանքը Աստծուն վերընծայելու տեսակետեն: Սիավասիկ, հրաշալի առիթ մը, որպեսզի մեր հոգևոր կյանքը առաջնորդենք վերածնունդի և Աստծուն վերընծայումի: Որպես եկեղեցվո սպասավորներ, հոգևորականներ, ուսուցիչներ, հասարակական գործիչներ, վերջապես, բոլորս ամիստիր, ամեն ժամ պետք ունինք նորոգելու աստվածապարզ մեր կյանքը, որպեսզի այն դարձնենք պիտանի Տիրոջը, և մեր լույսան մեջ վերակերտենք երկնավորի պատկերը:

Սիրելի հավատացյալներ, Ավետարանը կպատգամե, որ մեր կյանքը կապենք եկեղեցիին, որը մեզի կպատմե Դիսուսի կյանքը բոլոր հանգրվաններով՝ անոր ծնունդն մինչև հարություն, Առաքյալներն մինչև Սուրբերը, որպեսզի հոգևորապես զարգանանք և դառնանք ճշմարիտ հետևողները Քրիստոսի և արժանի ըլլանք՝ ստանալու քրիստոնյայի կոչումը: Մեր խորհրդածություններն ամփոփելով, կհրավիրենք ձեզի, որ, մեզի հետ միասին, դուք ալ հաջորդ շաբաթը դարձնեք հոգևոր պատրաստության ժամանակամիջոց մը, որպեսզի երբ տոնախմբենք Դիսուսի «Քառասնօրյա Տաճար ընծայումը», զգանք ու ապրինք այնպես, որ մեր կյանքը, աղոթքով սրբելն ու մաքրելն հետո կընծայենք Աստծո և այդ ընծայումը կիմաստավորենք ժողովրդին ծառայելով: Գետնաբար, թող զալիք օրերը ըլլան աղոթքի, ներհայեցողության շրջան մը, կյանքը ծառայության վերափոխելու գիտակցությունը մշակելու օրեր և, վերջապես, կյանքը դարձնելու զննարկած փնտրելու ճանապարհ. այժմ և միշտ և հավիտյանս հավիտենից. ամեն:

«Շնորհի, սեր և խաղաղութիւն եղիցին ընդ ձեզ՝ ընդ ամենեսեանդ. ամեն»:

Սիրելի բարեպաշտ հավատացյալներ, լուսարարապետ Արքագանի խնդրանքով կուգենք ձեզ բոլորդ իրազեկ դարձնել, որ անցնող ուրբաթ օրը, Նյու Յորքի մեջ, ազգիս Վեհափառ Դայրապետ Ն.Ս.Օ.Տ.Տ. Գարեգին Առաջին Ամենայն Դայոց Կաթողիկոսը վիրաբուժական գործողության մը ենթարկվեցաւ: Փառք-Աստծո, մեզի տրված տեղեկությանց համաձայն, այդ գործողությունը, որ երկրորդն է անցնող ամիսներու ընթացքին, անցած է բարեհաջող, և միաբանությունը Վեհափառ Դայրապետին հղած է իր բարեմաղթությունները բարի ապաքինման, ինչպես մահ ձեր բոլորի ամուսնով՝ բարի զգացումներ, և ձեր բոլորի սերը և հարգանքը:

«Տեր ողորմեայի» պահուն, սիրելի բարեպաշտ հավատացյալներ, բոլորս միասին աղոթք վերառաքենք առ Աստված, որպեսզի զորացնե, բժշկե Վեհափառ Դայրապետը, որպեսզի կարճ ժամանակամիջոցի մը ընթացքին անհկա, ամբողջապես վերագտած իր նախկին առողջական վիճակը, վերադառնա Մայր Աթոռ Սուրբ Էջմիածին, որպեսզի այստեղն շարունակե հովվապետել Դայաստանյաց Առաքելական մեր Մայր Սուրբ եկեղեցին:

**Տ. ՄԻՔԱՅԵԼ Ծ. ՎՐԴ. ԱԶԱՊԱՅՑԱՆԻ ՔԱՌՈՋԸ՝
ԽՈՍՎԱԾ Ս. ՀՈՒՓՈՒՄԵ ԵԿԵՂԵՑՈՒՄ**
(21 փետրվարի 1999 թ.)

«Տեր, ողորմեաց մեզ, զի ի Զեզ յուսացաք»:

«Տեր, ողորմիր մեզ, որովհետև Զեզ հուսացինք»:

(ԵՍՍՅԻ ԼԳ 2)

Սիրելի հավատացյալներ, ահա մեկ շաբաթ անցավ ապաշխարության, պահեցողության, խոկումի ու աղոթքի այն շրջանից, որ կոչվում է Սեծ Պահք: Եվ ահա Սեծի Պահոց այս առաջին կիրակի օրը, փակյալ խորանի առջև, որը մեզ հիշեցնում է կորուսյալ դրախտի իրականությունը, հավաքվեցինք՝ աղաղակելու և ասելու. «Տեր, ողորմիր մեզ, որովհետև Զեզ հուսացինք»: Եսայի մարգարեի այս խոսքերն են այսօր հնչում մեր ականջներին, երբ մեր Առաքելական Սուրբ Եկեղեցու կանոնի և կանոնակարգի համաձայն առաջին կիրակին, Բուն Բարեկենդանից հետո, նվիրված է դրախտից մարդու արտաքսման իրողությանը: Այսինքն՝ հիշեցնում է մեզ, որ կար մի ժամանակ, երբ մարդն ապրում էր երանական դրախտում:

Այն ամենը, ինչ ստեղծվել էր Արարչագործության ժամանակ Աստծո կողմից, տրված էր մարդուն ի վայելումն, և ոչ միայն այդ, այլ նաև ողջ Արարչագործության ծիրի մեջ Աստված ստեղծել էր մի երանական և եղբմական պարտեզ, որտեղ չկար ո՛չ ցավ և ո՛չ հեծություն, չկար ո՛չ վիշտ, ո՛չ հալածանք, ուր կար միայն Աստծո ներկայությունն ու Աստվածային տեսությունը: Եվ վայելում էր մարդն այդ Աստվածային ներկայությունը, Աստվածային տեսությունը՝ լիակատար և լիարժեք կերպով, անձ՝ անձի հետ հարաբերությամբ: Սակայն գիտեք, որ Արարչագործության այդ սկզբնական օրերին տեղի ունեցավ խաթարումը մարդկային կյանքի, խափանումը արարչագործ ներդաշնակության, խանգարումը Աստծո և մարդու իրական հարաբերության ու Աստվածային տեսության, խառնակումը բարու և չարի: Սա տեղի ունեցավ այն պատճառով, որը մենք ուրիշ բան չենք անվանում, քեթ ոչ՝ մեղք: Աստվածաշնչական պատումը շատ գեղեցիկ և բանաստեղծական կերպով ու հուզումով է նկարագրում այդ մեղքը՝ եղբմական պարտեզում մարդու՝ Աստվածային պատվիրանին չհնազանդվելու և, Աստվածային պատվիրանին չհնազանդվելով, այդ պատվիրանը ոտնահարելու ու իր սեփական մտքով, սեփական խելքով, սեփական ձեռնհասությամբ Աստծուն մոտենալու և աստվածանալու այդ մոլուցքը:

Բազմիցս կարդացել ենք այդ պատմությունը, բազմիցս հնչել է մեր ականջներին, թե ինչպես մեր նախնայրը՝ Եվան, երկխոսության մեջ մտավ չարի հետ: Երկխոսության մեջ մտնելով՝ կասկածի սերմը ցանվեց իր հոգուց ներս, և նա կասկածեց աստվածային անհուն բարությանը, աստվածային անհուն գթությանը, աստվածային անսահման ողորմությանը և Աստծո

ստեղծած այն կարգ ու կանոնին, որի մեջ ապրում, գործում էր ոչ միայն մարդը, այլ նաև ողջ ստեղծագործությունը: Նախամայրը կասկածեց Աստծո պատվիրանի ճշմարտացիությանը: Այդ կասկածը եկամուտ էր, դրսից էր, այն նախասկզբնական չարից էր, որին մեր Տեր Դիսուս Զրիստոս անվանում է «ի սկզբանե մարդասպան»: Եվ այդ կասկածամտությամբ, արդեն մինչև իսկ այդ խորհրդանշական կամ իրական պտղի ճաշակումը, Եվան մեղանչեց: Մեղանչեց նաև Ադամը: Նրա մեղքը կայացավ Աստծո ներկայությունը, Աստծո իրական գոյությունը իր կյանքից ներս մեթծելու և արհամարհելու մեջ, որովհետև Ադամը կարծեց, թե այն, ինչ ինքն անում է, Աստված կարող է չտեսնել, Աստված կարող է չնկատել, որովհետև այդ պահին ինքն իր կողքին չգզաց Աստծո ներկայությունը, ինքն իենից այդ պահին դուրս վանեց Աստծո ներկայությունը:

Նա իր մարդկային նախնական միամտության մեջ կարծեց, թե Աստված կարող է տեսնելով տեսնել և չնկատել գործված մեղքն ու կատարված ոճիրը: Ուրեմն, մեր նախամայրն ու նախահայրը մեղանչեցին յուրաքանչյուրը յուրովի. մեկը՝ կասկածամտությամբ, մյուսը՝ Աստվածային ներկայությունն անտեսելով, սակայն երկուսի գործած մեղքն էլ իր արտահայտությունը գտավ միևնույն արարքի մեջ, որ էր՝ մոտենալ ծառին և քաղել ծառից այդ պտուղը: Դա հենց նշանակում էր Աստվածային պատվիրանի ոտնահարում: Ուրեմն երկու տարբեր մոտեցումներ, երկու տարբեր հոգեմտավոր գործողություններ տարբեր մարդկանց մղեցին միևնույն մեղքին՝ Աստվածային պատվիրանի ոտնահարմանը:

Այսօր, երբ մենք հավաքված մեկ անգամ ևս մեր մտքի ու հոգու մեջ վերաթնացնում ենք այդ արտաքսման դառն իրողությունը, և եթե նայում ենք ինքներս մեր մեջ, ինքներս մեր շուրջը, ապա տեսնում ենք, որ դարձյալ, ինչպես այդ նախասկզբնական ժամանակներում, այնպես էլ այսօր, աստվածային պատվիրանների զանազան ոտնահարումները տեղի են ունենում այդ երկու հոգեմտավոր մղումներից: Ոմանց մոտ մեղքը և մեղանչումը տեղի է ունենում կասկածամտությունից: Եվ դարձյալ, ինչպես ամենասկզբում, սկզբնատիպ չարը մոտենում է, քաշում մեզ երկխոսության մեջ և մեր սրտի ու հոգու ներսում կասկածամտություն սերմանում այն սկզբնական և հավիտենական ու անփոփոխելի բարու նկատմամբ, որ է Աստված: Եվ հաճախ մենք այդ երկխոսության, այդ խոսակցության ընթացքում պարտվում ենք, մեր զենքերը վայր ենք դնում, կասկածի սերմը ծլում և ծլարձակում է մեր հոգիներից ներս, և մենք կասկածում ենք Աստվածային բարությանը, Աստվածային ողորմությանը, Աստվածային անսահման ու անհուն ներդաշնակությանը:

Ձանազան առիթներով մարդկային հասարակության մեջ, մեր պատճառով, մեր սխալների, մեր մեղանչումների պատճառով, մենք ականատես ենք լինում դժբախտությունների, վշտերի, հալածանքների: Այդ ամենը փոխանակ բացատրելու այն իրողությամբ, որ աստվածային պատվիրանների ոտնակոխ անելու հետևանքով ենք մենք հանդիպում նման հալածանքների, նման վշտերի, ընդհակառակը՝ կասկածում ենք. կասկածում ենք Աստծո բարությանը, և մեզանից ծնված չարը, մեզանից ծնված չարիքը փորձում ենք վերագրել Աստծուն: Նման կասկածամտությամբ այսօր ևս բազմաթիվ

արարքներ են տեղի ունենում, բազմաթիվ հանցագործություններ և զանցանքներ են կատարվում, որովհետև կասկածում ենք Աստվածային իրապես անսահման և անհուն բարությանը: Շատ հաճախ գործում ենք նաև մեղքեր՝ աղամական հոգեմտավոր կարողության սահմաններում, որովհետև կարծում ենք, թե Աստված բացակա է:

Սեղանչում ենք, որովհետև կարծում ենք, թե Աստված չի տեսնում, մեղանչում ենք, հանցանք ու զանցանք ենք գործում, որովհետև կարծում ենք, թե Աստված այս պահին ուրիշ գործերով է զբաղված, կամ մեր այդ փոքրիկ հանցանքը կամ զանցանքը Աստծո ուշադրության համար անարժան ենք համարում: Եվ շարունակում ենք այդ իմաստով մեղանչել և նմանվել ինչպես առաջ, այնպես էլ այսօր՝ մեր նախամորն ու նախահորը: Սակայն Սուրբ Գիրքն ասում է, թե ո՞վ է այն մարդը, որ ապրում է և մեղք չի գործում:

Մարդկության արշալույսին տեղի ունեցած այդ ողբերգությունը խաթարել, խափանել, հաղթահարել է մեր բնությունը, և մենք, որպես մարդ, մեղանչական էություն, մեզ դնելով ուղղակի չար գործությունների հարծակման տակ, ստիպված ենք մեր ամենօրյա կյանքում պայքարել: Այդ պայքարը շատ հաճախ ուղեկցվում է մեղանչումներով: Սակայն երբ կարծում, մտածում ու համոզվում ենք, որ մեղավոր ենք, ինչպիսի՞ն է լինում մեր անդրադարձը՝ մեղավոր լինելու իրականությանը: Դարձյալ վերադառնանք արտաքսման այդ պատումին: Տեսնենք, թե մեր նախահայրն ու նախամայրը ինչպիսի՞ անդրադարձ ունեցան իրենց մեղավոր լինելուն, երբ զգացին, որ Աստված տեսավ, երբ զգացին, որ Աստված իմացավ: Երբ Աստված մտավ եղբնական պարտեզ ու հարցրեց՝ ո՞ւր ես, Ադամ, ինչպիսի՞ն եղավ Ադամի ու Եվայի անդրադարձը: Փորձեցին թաքցնել՝ փոխանակ ներկայանալու Աստծուն, ներողություն խնդրելու, ապավինելու Աստծո անսահման գթությանն ու ողորմությանը, որ ոչ թե արդարությամբ է դատում, այլ գթությամբ՝ քավում: Թաքնվեցին՝ մտածելով, որ թաքնվելով կարող են խուսափել մեղավոր լինելու զգացումից և որպես դրա հետևանք՝ պատժից:

Այսօր էլ մեզանից շատերը երբ մեղք են գործում և երբ զգում են, որ մեղավոր են, անհունորեն ու անսահմանորեն մեղավոր են, փորձում են թաքնվել, խուսափել Աստծուց: Եվ այն ճանապարհով, որ տանում է դեպի Աստված, փորձում են չընթանալ, մեջք են դարձնում այդ ճանապարհին, շուտ են գալիս դեպի այն: Երբ անցնում են փողոցով և տեսնում Քրիստոսի եկեղեցին, շրջանցում են այն, չեն մտնում ներս, չեն խոնարհվում մեր Տեր և Փրկիչ Դիսուս Քրիստոսի Սուրբ Սեղանի առջև՝ կարծելով, թե այդ խուսափումով կամ թաքնվածությամբ պետք է խուսափեն Աստծո ամենատես աչքից: Սակայն Աստծո ամենատես աչքն ամենուր է, նամանավանդ, ամենից առաջ և ամենից առավել, յուրաքանչյուր մարդու հոգու և մտքի ներսում: Յուրաքանչյուրի խիղճը, որպես դատավոր, խոսում է և մշտապես հիշեցնում այդ մասին, որ ինքը մեղանչել է, մեղավոր է:

Եվ նաև Ադամի մյուս անդրադարձը՝ ի դեմս իր մեղավոր լինելու զգացման. Աստծո «ի՞նչ արեց» հարցին ի պատասխան, փորձեց իր մեղքը բարդել կնոջ վրա՝ իր ընկերոջ, իր միակ բարեկամի, իր կողակցի և լծակցի վրա, որովհետև ուրիշ մեկն արդեն իսկ չկար: Այսօր էլ մեզանից շատ-շատերը, երբ մեղանչում

են և մեղք են գործում, փորձում են այդ մեղքի պատճառը և առիթը փնտրել ուրիշների մեջ, այն բարոյել ուրիշների վրա, իրենց մեղավորությունը և մեղանշականությունը բացատրել զանազան սոցիալական, ընկերային, հասարակական երևույթներով, ազգային կյանքի խաթարումով, հասարակական կյանքի թերացումներով, ծնողների սխալ դաստիարակությամբ և այլն, սակայն շատ քչերն են փորձում իրենց հոգու և մտքի ներսում տեսնել յուրաքանչյուր ուրիշի ու մեղքի սկզբնապատճառը:

Եվ ի վերջո տեսնում ենք, թե որքան մման ենք մեր նախահորն ու նախամորը՝ մեր անբացատրելի մղումով դեպի մեղանշումն ու մեղքը և մեր խուսափումով ու չքմեղությամբ: Ուստի Մեծի Պաիոց շրջանը հենց այն ժամանակահատվածն է, երբ մենք ներս ենք մտնում հոգևոր առողջադան՝ ախտորոշելու մեր հոգու հիվանդությունները և ըստ այդմ դեղ ու ճար դնելու մեր հոգևոր վերքերին: Եվ ինչպես մարմինը կարիք ունի բուժման ու խնամքի, այնպես էլ հոգին կարիք ունի սրբվելու և մաքրվելու: Ուրեմն ճիշտ ապրենք մեզ ընձեռնված այս հնարավորությունը՝ փորձելով առավելագույնը քաղել մեր և ձեր օգտի համար: Եվ արտաքսման պատումից ստացած մեր բարոյական դասով ուրիշ բան չունենանք ասելու, եթե ոչ կրկնենք Եսայի մարգարեի խոսքերը՝ «Տէր, ողորմեաց մեզ, զի ի Քեզ յուսացաք»: Ամեն:

**Տ. ՎԱՋԳԵՆ ՎԱՐԴԱՊԵՏ ՄԻՐՋԱԽԱՆՅԱՆԻ ԶԱՐՈՋԸ՝
ԽՈՍՎԱԾ ՄԱՅՐ ՏԱՃԱՐՈՒՄ**
(21 փետրվարի, կիրակի, 1999 թ.)

*«Եւ մի՛ կերպարանիք կերպարանօք
աշխարհիս այսորիկ, այլ նորոգեցարուք ի
նորոգութիւն մտաց ձերոց»:*

(Հոռմ. ԺԲ 2)

«Յանուն Հօր եւ Որդւոյ եւ Հոգւոյն Սրբոյ. ամեն»:

«Եվ մի՛ կերպարանվեք այս աշխարհի կերպարով, այլ նորոգվեցեք ձեր մտքի ու ձեր հոգու նորոգությամբ»:

Սիրելի հավատացյալներ, Պողոս Առաքյալի՝ հռոմեացիներին ուղղված սույն հորդորը շատ պատշաճ է մանավանդ այսօրվա համար, այս կիրակիին, որ Մեծ Պահքի ոսկե շրթայի մեջ անվանված է Արտաքսման Կիրակի: Աստվածաշունչ Մատյանի Ծննդոց գիրքը մեզ ներկայացնում է, թե ինչպես Աստված նստեղծեց ողջ տիեզերքը, որը Աստծու բարության և անպարփակելի սիրո արդյունք էր: Աստված չէր կարող այդ սերը, այդ բարությունը միմիայն իր մեջ պահել: Նրան անհրաժեշտ էր ստեղծել տիեզերք, ստեղծել իր նմանությամբ, իր կերպարով անձնավորություն, ում հետ կարողանար հաղորդակցվել, ով իր նմանողությամբ կարողանար հասկանալ ողջ արարչությունը՝ տիեզերական գեղեցկությունը: Եվ ահա, ստեղծելով իրաշալի տիեզերքը, ստեղծեց նաև դրախտը և մարդուն դրեց այդ դրախտի մեջ:

Ամենքս էլ, սակայն, Սուրբգրային պատմությունից տեղյակ ենք, թե ինչպես առաջին մարդը անհնազանդության մեղքով արտաքսվեց դրախտից ու, այդ օրվանից սկսած, իր աշխարհային կյանքը ձևավորեց ինքնուրույն՝ որպես Աստծու ստեղծած ներդաշնակ տիեզերքից խեղաթյուրված մի առանձին էություն: Որքան դժվար է մեզ համար, սիրելիներ, երբ մի պահ փորձենք պատկերացնել, թե ինչ տխուր երևույթ է մարդու համար Աստծու ներկայությունից արտաքսվելը: Եթե երբևէ մեր ծնողները, մեր ընկերները կամ աշխատանքի ծառայության վայրում մեր ղեկավարները մեզ հեռացնում, մեզ վտարում են իրենց ներկայությունից, որքան տխրում և որքան տրտմում ենք, և որքան ևս առավել, երբ մեր մեղքերի դիմաց Աստված մերժում է մեզ, հեռացնում իրենից. անշուշտ այստեղ ոչ թե Աստված ինքն է հեռացնում, այլ մարդը, մեղք գործելով, ինքնին հեռացնում և մերժում է իր մեջ Աստծուն: Մարդը եթե չմերժի Աստծուն, չի կարող մեղք գործել: Երբ թերթում ենք Աստվածաշունչ Մատյանի Թագավորաց Առաջին գիրքը, մեր առջև բացվում է մի շատ տխուր պատկեր, երբ ասվում է, թե այդ օրերին Իսրայելի ամբողջ ժողովրդի համար Աստված ոչ մի հայտնություն չէր կատարում, և ինքն իրեն չէր հայտնում: Նույն այս իրավիճակում էր գտնվում Առաջին մարդը: Եվ ահա շատ անգամ մեր կյանքում դա կրկնվում է:

Աստվածաշունչ Մատյանից իմանում ենք, թե ինչպես մարդուն Աստված

ստեղծեց իր կերպարով, թե ինչպես մեղքը մտավ աշխարհի և թե այդ մեղքը նրանից հետո ինչպիսի ավերածություններ գործեց: Ահա, քառասնորդական Պահքի այս շրջանը, հաստատված մեր եկեղեցու հայրերի կողմից, հնարավորություն է ընձեռում, որ Աստծու կողմից արտաքսված մարդը, Պողոս Առաքյալի հորդորով, նորոգվի նոր հոգով, նոր մտքով և նորից վերադառնա դեպի Աստված: Սա մի հնարավորություն է, որպեսզի մարդը ներհայեցողությամբ, անդդադառնա իր ներսի հոգևոր մարդուն, նրա հոգին վերափոխի, վերածնունդ տա այդ հոգուն, այնտեղ որոնի Աստծուն ու գտնի Նրան: Եվ, ինչպես պիտի ասեր հետազայում Հակոբոս Առաքյալը. «Մերձենա՞նք Աստծուն, և Աստված կմերձենա մեզ» (Հակոբոս Դ 8):

Երբեք չենք կարող, անշուշտ, ապաշխարող և զղջացող մարդու համար օրեր ժամեր հաստատել: Դա մի ներքին հոգեկան զգացում է, ներքին հոգեկան մղում, որ ամեն օր, ամեն վայրկյան մարդու ներսում խղճմտանքի հետևանքով հնարավոր է, որ բացավառվի: Սակայն, քառասնորդական այս Պահքի շրջանում, եկեղեցին դադարի, հանգստի մի հնարավորություն է տալիս մարդուն, որովհետև մարդը կարիք ունի առօրյա հոգսերից, պատասխանատվություններից՝ պետության, եկեղեցու, ընտանիքի, տարբեր սրբազան հաստատությունների, նաև իր նկատմամբ պատասխանատվության, դադարի և ինքնաքննության, ինքնամաքրման և ինքնասրբման՝ Աստծուն մերձենալու ճանապարհը որոնելու:

Սիրելի հավատացյալներ, կարող ենք, անշուշտ, հարց տալ. «Ինչու՞ Աստծու նմանողությամբ ստեղծված մարդը մեղք է գործում նաև այսօր»: Իհարկե բազում են պատճառները, մեղանչելու համար բազմաթիվ գայթակղություններ կան, դրանք շատ են մեր կյանքում: Բայց այդ գայթակղությունների կողքին ավելի ցավալի մի երևույթ կա, երբ մարդը չարիքներ է գործում: Եկեղեցու վարդապետները բացատրում են, որ դա անգիտությունից է: Երբ մարդը Սուրբգրային ուսմունք չունի, կարող է, այո՛, նաև չարիք գործել: Ահա, անգիտությունը և գայթակղությունը կարող են մարդուն հեռացնել Աստծուց և տանել դեպի կորուստ: Եվ, անշուշտ, այս ամենով հանդերձ, չենք կարող երբևէ հուսահատվել և հուսալքվել, որովհետև Ինքը՝ Քրիստոս մարմնավորվեց, դարձավ մարդ մեր նմանողությամբ, որպես նոր Ադամ, որպես նոր մարդ:

Այսօրվա եկեղեցին, որ հաստատված է իր կողմից, այդ նույն հնարավորությունն է տալիս երկրի վրա՝ դեպի դրախտ գնացող, դեպի Աստված բարձրացող ճանապարհին է ցույց տալիս: Այսօրվա ավետարանական ընթերցվածները գալիս են օգնելու մեզ: Եթե ուշադիր հետևեցիք, Պողոս Առաքյալի՝ հռոմեացիներին ուղղված թուղթն ամբողջությամբ հորդոր էր հոգևոր նորոգության, չարությունների չանելու, այլ լինելու բարի, և ապա՝ դրա ամենակատարյալ ավարտը, որ երբեք չարին չարով մի հատուցեք, այլ բարության: Չեր թշնամիներին օգնեք, եթե նրանք ծարավ են, ջուր տվեք, ու դուք դրանով ավելի մեծ պատժի կենթարկեք ձեր թշնամուն: Ապա գալով արդեն Նոր Կտակարանին, երբ ընթերցվեց Մատթեոսի Ավետարանը, Լեռան քարոզի շարունակությունը, այնտեղ ևս Քրիստոս նորոգության կոչ էր անում, թե Ինքը չի եկել հիմք ոչնչացնելու, այլ՝ նորոգելու: Իսկ ո՞րն է այդ նորոգությունը: Նորոգությունը՝ կատարյալ մարդ լինելն է, նորոգությունը ողջ

աստվածապաշտության մեջ կատարելության ձգտումն է: Մարդկային այս փոխադարձ հարաբերություններից ձևավորվում է նաև երկնային՝ մարդ և Աստված հարաբերությունը:

Սիրելի քույրեր և եղբայրներ, Արտաքսման Կիրակիի խորհուրդը կրկին ու կրկին հուշում է մարդուն, որ ինքը, հոգեղին արարած լինելով, նաև հոգեղեն արարած է: Նրա ներսում կա հոգի, և այդ հոգով է, որ ինքը կապվում է իր Արարչին: Աստված իր ներունակ էությանը, մնայուն կերպով հետևում է մարդու գործունեությանը: Ինքը մեզ հեռացնելով, արտաքսելով, խրատեց, ինչպես Պողոս Առաքյալը պիտի ասեր՝ «խրատեց այդ ամենով դեպի Քրիստոս առաջնորդելու համար»: Եվ ահա այսօր, երբ մենք այդ հմարավորությունն ունենք պահեցողության միջոցով մեր հոգին մաքրելու, հիշենք ավետարանական մի քանի գեղեցիկ դրվագներ, ուր Քրիստոս ցույց տվեց, թե գուցե մարդը մեղանչել է, բայց նրա հոգում կա առողջ շունչ, պարզապես այն թմրած է:

Կարող ենք հիշել ամառակ կնոջ դարձը, կարող ենք հիշել մաքսավորի դարձը, կարող ենք հիշել նաև ամառակ որդու դարձը: Արանք այն նուրբ և շատ գեղեցիկ հմարավորություններն են, որոնցով Քրիստոս ցույց տվեց, որ Աստված պատժիչ մահակով չի հարաբերվում իր ժողովրդի հետ: Նա հասկանում է մարդուն, ներթափանցում մարդու հոգու խորքը, որոնում այնտեղ բուն մարդուն, նրա խղճմտանքն արթնացնում և այդ խղճմտանքի միջոցով դարձ դեպի Աստված նրան առաջնորդում:

Որքան ենք մենք շոյվում, իրոք որքան ենք ներքին հիացական պահապրում, երբ մեր դիմացինը, մեր ընկերը, հեռավորը կամ մերձավորը մեզ հասկանում է, իր խոր հայացքով թափանցում մեր հոգուց ներս ու տեսնում, թե այնտեղ ինչ է կատարվում, որքան ևս առավել այս նույնը հաճելի է Աստծո համար: Ուստի, սիրելիներ, երբեք մի հուսահատվեք, միշտ հիշեք, որ կա ապաշխարության միջոցով փրկություն: Եվ Քրիստոսի՝ Աստծու Որդու մարմնամաշու մեծագույն խորհուրդն էլ հենց դա է. ավետիսը, հույսը փրկության, ճանապարհը դեպի Աստված մերձենալու՝ սա է: Մենք այս խնդրին, այս կարևոր հարցին պիտի շատ լրջորեն մոտենանք: Դա երբ էլ լինի՝ Քառասնորդական Պահքի ժամանակ, թե առանձին օրերի, անպայման անսանց մեր խղճի ծայրին, դառնանք դեպի Աստված և Արտաքսման Կիրակիի փոխարեն նշենք մերձեցման ու Աստծու հետ հաղորդակցության կիրակին՝ որպես խորհուրդ մեր նորոգության:

Ահա այս մտածումներով, այս հույսով էլ ձեզ համար աղոթում ենք, սիրելիներ, հավատքի ամրությամբ, այս Քառասնորդական Պահքը ապրեք աղոթքով, բարեպաշտությամբ, բարի գործերով, ներողամտությամբ, դարձի գալով դեպի Աստված: Այս է այսօրվա մեր հորդորը, և թող Աստված զորացնի ու իր առատ շնորհները պարգևի ձեզ. Այժմ և միշտ և հավիտյանս հավիտենից, ամեն:

Տ. ՀԱՅԿԱՋՈՒՆ Ծ. ՎՐԴ. ՆԱԶԱՐՅԱՆԻ ԶԱՐՈՋԸ՝ ՆՈՍԿԱՆՍ ՄԱՅՐ ՏԱՃԱՐՈՒՄ

(28 փետրվարի, կիրակի, 1999 թ.)

*«Հայր, մեղա յերկինս եւ առաջի քո. ոչ եւս
եմ արժանի կոչել որդի քո»*

(Ղուկաս ԺԵ 21)

«Յանուն Հօր եւ Որդւոյ եւ Հոգւոյն Սրբոյ. ամէն»:

Հիսուս իր կյանքի ընթացքում հաճախ շրջապատված էր լինում մեղավորներով, մաքսավորներով, և սա ասեկոսների պատճառ էր դառնում: Մաքսավորները հրեա ցածր դասակարգի մարդիկ էին, ովքեր մի կտոր հացի համար ստիպված էին լինում աշխատել հոռմեացիների իշխանության տակ՝ իբրև հրեաներից տուրք հավաքողներ: Հետևաբար հրեաները կրկնակի ատում էին այդ մարդկանց. նախ իբրև դավաճանների և, երկրորդ, որ իրենց հիշեցնում էին հոռմեական ծանր լծի տակ գտնվելը: Այնպես որ այն ժամանակվա ուսուցիչները՝ հրեա րաբբիները և դպիրները, մեղադրում էին Հիսուսին՝ ոչ սուրբ մարդկանցով շրջապատված լինելու համար, որովհետև, ըստ նրանց, եթե մարդը սուրբ է, չպետք է հարաբերվի անսուրբ մարդկանց հետ: Իսկ Հիսուս նրանց ասում էր. «Ես արդարներիցն կանչելու չեմ եկել, այլ մեղավորներիցն» (Մատթ. Թ 13), որովհետև Աստված չի կամենում մեղավորի կորուստն ու մահը, այլ նրա դարձը առ Աստված: Որպեսզի Հիսուս իր ասածը ավելի հստակ դարձներ, մի առակ պատմեց նրանց:

Առակը կյանքի մի պատկեր էր: Հատկապես Արևելքի ժողովուրդները, գիտեք, պատմություն շատ են սիրում և, մանավանդ, այդ ժամանակաշրջանում մի խոսք ասելու համար ավելի հարմար էր, որ այն պատմությամբ ներկայացվեր: Եվ մեր մտքում, որ Հիսուսի առակներից մանկուց ենք ծանոթանում, գեղեցկորեն տպավորվում են դրանք, առավել ևս, երբ պատկերների հետ են զուգորդվում: Սակայն, չափահաս հասակում, հատկապես այս առակի օրինակով, անդրադառնում ենք, թե այն ինչ է ուզում ասել մարդուն: Առակը մտածել է տալիս մեր մեղքերի մասին, իսկ երբ ավելի տարիք ենք առնում, ալեհեր դառնում, մեզ զգում ենք հոր դերի մեջ, իմանում ենք, թե ինչպես պետք է ներել մեզանից փոքրերին:

Այս նկատի ունենալով, Հիսուս նրանց պատմում է մի մեծահարուստ մարդու մասին, որ երկու զավակներ ուներ: Գիտենք, որ ընդհանրապես, մարդ իր փոքր զավակին մի քիչ ավելի է սիրում, ավելի է կապվում նրան: Կրտսեր այս զավակը, որը երևի մի քիչ էլ չար էր, մի օր իր հորն ասում է. «Խնձ հասանելիք ժառանգությունը տուր: Ես պիտի գնամ ու վայելեմ այն: Մեկ է, մի

ինչ, որ իմն է, քոնն է, բայց պետք է ուրախ լինես և ցնծաս, որովհետև քո այս եղբայրը մեռած էր և կենդանացավ, կորած էր և գտնվեց»:

Հետևաբար, ինչպես քարոզի նախաբանում ասացինք, այս շատ գեղեցիկ առակը առիթ է տալիս, հատկապես Պահոց այս շրջանում, մտածելու մեր գործած մեղքերի մասին: «Ով է այն մարդը, որ ապրում է ու մեղք չի գործում, այդպիսի մարդ չկա: Բոլորս էլ մեղավորներ ենք այս աշխարհում: Նարեկացին՝ մեր ամենամեծ սրբերից մեկը, ասում է. «Եթե բոլոր ծովերը թանաք դառնան և բոլոր անտառները գրիչ, և ես փորձեմ ցրել իմ մեղքերը, չեմ բավարարի»: Դրանով, իհարկե, նա ուզում է գրել ոչ միայն իր մեղքերը, այլ բոլոր մարդկության և բոլոր ժամանակների մեղքերը, սակայն քրիստոնյան, դրանով հանդերձ, գիտենալով ադոնց իր մեղքերի մասին, անհույս չէ: Եվ այս նույն մտքով Հիսուս շարունակում և ասում է. « Եթե քո եղբայրը մեղանչի, սխալ գործի, սաստիկ նրան, և եթե դարձի գա, ներիր նրան» (Մատթ. ժԸ 15-20):

Շատ կարևոր տողեր են սրանք. եթե մեղանչի, ապա սաստիկ նրան: Սաստելը պարզապես բարկանալ չէ, այլ, այն անձին, որ սխալ է գործել, կարգի հրավիրելն է: Նրան ուշադրության է հրավիրելու այն հանգամանքը, որ այդ ճանապարհը, և այդ ընթացքը իրեն միայն դեպի կործանում կարող են տանել: Հետևաբար, մեզանից ամեն մեկի պարտականությունն է՝ մեր մտերիմներին զգուշացնել, երբ տեսնում ենք, որ թավալվոր ցեխի մեջ են գնում, ոչ թե մի հարված էլ մենք տանք, որպեսզի ամբողջովին ընկղմվեն, այլ ընդհակառակը, իրենց ուշադրություն դարձնենք, որ վտանգի մեջ են և մեր այդ սաստելով նրանց ուշքի բերենք:

Առաջին քայլը, սակայն, ամենակարևորը մեզ համար, որպես անհատներ, անդրադարձն է մեղքին և սխալին: Հիսուսի ժամանակաշրջանին մոտիկ ապրող այդ բոլոր դպիրները, րաբբիները՝ վարդապետները, չէին ընդունում, թե իրենք մեղավոր են, ընդհակառակը, իրենց սուրբ էին համարում: Ջանի մենք մեզ սուրբ կհամարենք, մեր սխալները չենք տեսնի, այդ սխալների մեջ ավելի խորը կթաղվենք:

Աստված ոչինչ չի կարող անել, եթե մենք, նախ և առաջ, չընդունենք, որ մեղավոր ենք: Առաջին հերթին պետք է ընդունենք մեր սխալը: Մի անգամ որ սխալն ընդունեցինք, դրանից հետո հաջորդ քայլն առիթի կունենա: Առօրյա պայմանում հիվանդը, եթե չի ընդունում, որ ինքը հիվանդ է, հիվանդանոց չի գնա, բժշկի չի դիմի, հետևաբար, չի բուժվի: Նույն ձևով էլ հոգևոր հիվանդը նախ պետք է անդրադառնա իր սխալին, իր մեղքին և մի անգամ որ անդրադառնա, դրանից հետո կարող է բուժման մասին մտածել: Դա էլ այդ մեղքի ապաշխարանքն է, անդրադարձումը: Ամենքս էլ մեր եսասիրական ձգտումներով միշտ ուզում ենք ցույց տալ, թե կատարյալ ենք և ուզում ենք զարմացնել դրանով բոլորին, բայց Աստծուն էլ հո չենք կարող զարմացնել կամ նաբել, հետևաբար, որպես ճշմարիտ քրիստոնյաներ, պետք է բանալք մեր սրտերը առ Աստված, պետք է խոնարհվենք և ընդունենք մեր սխալները, որովհետև եթե չընդունենք դրանք, կտապալվենք, կկործանվենք:

Սիրելի հավատացյալներ, ես մաղթում եմ, որ այս Մեծի Պահոց շրջանին

մաքրենք մեր հոգիները ոչ միայն արտաքին երևույթներից, ոչ միայն մեր մարմինը ծոմապահությամբ մի քիչ տկարացնելով, այլ նաև մեր հոգիները խոնարհեցնելով, որպեսզի երբ մաքրվենք մեր մեղքերից, կարողանանք մաքուր սրտով ու հոգով դիմավորել Քրիստոսի հրաշափառ Հարությունը և ընդունել Նրան մեր սրտերում և մեր հոգիներում: Հետևաբար, ես մաղթում եմ, որ այս Մեծ Պահքի շրջանը նախ և առաջ բոլորիս համար անդրադարձման մի շրջան լինի մեր մեղքերին ու սխալներին: Նրանք, ովքեր իրենց տարիքի մեջ բավականին առաջացել են, որպես հասուն և իմաստուն մարդիկ, ջանան ներել իրենց դիմացինի մեղքերը: Եթե մենք իրար չկարողանանք ներել, չենք կարող մոտենալ Աստծուն, որն անբասիր մաքրություն է և սրբություն:

Հետևաբար, պետք է կարողանանք ներել միմյանց Մեծ Պահքի այս շրջանում՝ մի կողմ դնելով ամեն տեսակի փոքրիկ ճղճիմություններ և հաշիվներ: Դրա համար էլ մենք մաղթում ենք, որ Աստծո զորությունը բոլորիս հետ լինի, և թող Սուրբ Հոգին ամենքիս առաջնորդի մինչև այն փառավոր և օրհնյալ օրը, երբ կրկին անգամ կկարողանանք ականջալուր լինել Քրիստոսի Հարության ավետիսին և ընդունել Նրան մեր մաքրված և սրբված սրտերում ու հոգիներում, այժմ և միշտ և հավիտյանս հավիտենից, ամեն:

ՄԻՔԱՅԵԼ Ծ. ՎՐԴ. ԱԶԱՊԱՀՅԱՆ

ՄԵԾԻ ՊԱՀՈՅ ՊԱՏՄԱԿԱՆ ՀԻՄՔԸ

Մեծի Պահոց շրջանը, իր այսօրվա վիճակով, արդյունք է երկար և խորապես բարդ պատմական զարգացման, որի ոչ բոլոր բնագավառներն են համապատասխան կերպով ուսումնասիրված: Մի շարք հարցեր դեռևս անպատասխան են մնում, և բավական հետազոտական աշխատանքի կարիք կա ոչ միայն երկրորդական մանրամասնություններին մարզում, այլև հիմնական հարցերի վերաբերյալ: Մենք փորձելու ենք ընդամենը համառոտ կերպով ուրվագծել եղած վկայություններն ու հետազոտությունները՝ իրենց էական գծերի մեջ:

Բոլոր հիմքերը կան կարծելու, որ Բ դարի կեսին Եկեղեցուն ծանոթ էր միայն մի շատ կարճ պահեցողության շրջան, որ նախորդում էր ամենամյա Ջատկական տոնին: Սակայն վկայություններ կան, որ անգամ այս պահեցողության շրջանը տարբեր վայրերում անցկացվում էր տարբեր կերպ:

Խոսելով Ջատկական վեճի¹ մասին՝ Ս. Իրենեոս (Երանոս) Լուզդոնացին (մոտ 130–200) գրում է, որ վեճը «ոչ միայն օրվա վերաբերյալ էր, այլև պահեցողության իրական բնույթի մասին, քանզի ոմանք կարծում են, որ պետք է պահել մեկ օր, ուրիշներ՝ երկու, այլ՝ նույնիսկ ավելի. ոմանք իրենց օրը քառասուն ժամ են հաշվում՝ ցերեկ ու գիշեր: Եվ կիրառության այսպիսի զանազանությունը չի սկսել մեր օրոք, այլ շատ ավելի վաղ՝ մեր նախորդների օրոք»²:

Տերտուղիանոսը (մոտ 160–225) վկայում է, որ ինքը տեղյակ է ընդամենը այն պահին, որ ձգվում էր Ավագ Ուրբաթից մինչև Ջատիկ³: Նույնն է վկայում նաև Հիպոլիտոս Հոմեազին (մոտ 170–236)⁴:

Սակայն Գ. դարի կեսերից մենք արդեն տեսնում ենք, որ այս զատկական պահքը (առնվազն որոշ շրջաններում) ձգվում էր մեկ

¹ Գրիստոնեական Եկեղեցու դիմագրաված առաջին վեճերից մեկը, որ վերաբերում էր Ջատիկը հրեաների հետ (ճիսամի 14–ին) կամ առանձին առնելուն: Իրենեոսն այս հարցում հակված էր ազատ ընտրության իրավունքի կողմը:

² Մեջբերված Եվսեբիոսի կողմից՝ Եկեղեցական պատմություն, Ծ 24:

³ Պահեցողության մասին, Բ 13–14, Ազոթի մասին, ԺԸ, տե՛ս նաև Մկրտության մասին, ԺԹ:

⁴ Առաքելական Ավանդություն, Բ, 20, 21:

շարութ (այսօրվա «Ավագ Շաբաթը»): Այսպես, ասորական «Առաքելական Ուսուցման» (Didascalia Apostolorum) (Գ դարի կես) մեջ մենք կարողում ենք. «...ուստի դու Զատկի օրերին պետք է պահես շաբաթվա երկրորդ օրից (այսինքն՝ երկուշաբթի օրվանից) և պետք է դիմանաս միայն հացով և աղով և ջրով մինչև հինգերորդ օրվա (այսինքն՝ հինգշաբթի) իններորդ ժամը... Սակայն ուրբաթ և շաբաթ օրերին պահիր ամբողջությամբ և ոչինչ մի ճաշակիր»⁵:

Գրեթե նույն ժամանակ Դիոնիսիոս Ալեքսանդրացին (մահ. 264) Բասիլիդեսին ուղղված իր նամակում կրկին խոսում է մեկշաբաթյա պահեցողության մասին⁶:

Երեք ֆառորդ դար հետո մենք ունենք արդեն առաջին վկայությունը ֆառասնօրյա պահեցողության մասին՝ Նիկիայի ժողովի (325) և Կոնստանտինոպոլի ժողովի (381) տարածվածությունը, որ այն արդեն ծանոթ էր և ոչ թե արմատական նորամուծություն:

Ե՛րբ, որտե՞ղ և ինչպե՞ս գատկական պահել երկու կամ վեց օրից վերանց ֆառասնօրյա պահեցողության: Սրանք հարցեր են, որոնց ժամանակակից ծիսագետները տալիս են երկու տարբեր պատասխաններ:

Ոմանք կարծիքով Մեծ Պահել վերոհիշյալ գատկական պահի և սկզբում գատկական շրջանից անկախ ու Իր Մկրտությունից հետո անապատում Քրիստոսի պահեցողությունը հիշատակող մեկ այլ պահի «միաձուլման» արդյունք է: Երկրորդ պահել կապված չէր Զատկի հետ, այլ Աստվածահայտության տոնի, և սկսվում էր հունվարի 7-ին: Երկուսի միաձուլումը տեղի է ունեցել երախայից դրության և նրանց Զատկից առաջ Մկրտության նախապատրաստելու կիրառության ազդեցության ներքո: Այս տեսակետը պաշտպանել են այնպիսի հայտնի ծիսագետներ, ինչպիսիք են Ա. Բաումշտարկը⁷ և Յ. Դանիելուն⁸:

Միսագիտության պատմության մյուս մասնագետներն այն կարծիքին են, թե ֆառասուն օրերը արդյունք են գատկական պահի հարաճուն մեծացման և ծագել են երախայից դրության իրականությունից⁹:

Այս երկու կարծիքն էլ մնում են վարկածի սահմաններում, մինչ փաստն այն է, որ Դ և Ե դարերում Քառասնօրյա պահին արդեն հաստատված և ընդունված իրողություն էր ողջ Տիեզերական Նկեղեցում: Սակայն Ե դարում հանդես են գալիս Քառասնօրյա պահեցողության

⁵ R. H. Connolly, *Didascalia Apostolorum*, Oxford, 1929, էջ 189:

⁶ Migne, *Patrologia Graeca*, X, 1277.

⁷ A. Baumstark, *Liturgie Comparée*, 208.

⁸ J. Daniélou, *Le Symbolisme des Quarante Jours*, La Maison Dieu, 31 (1932), 19.

⁹ A. McArthur, *The Evolution of the Christian Year*, London, 1953, 114; G. Dix, *The Shape of the Liturgy*, London, 1945, 354-355.

կիրառության մեծ զանազանություններ, որոնց մասին խոսում են Սուրաանսն (մոտ 380-450) ու Սոզոմենոսը (Ե դար):

«Ջատկին նախորդող պահքը, - գրում է Սուրատեսը,- տարբեր տեղերում տարբեր ձևով է կատարվում: Հռոմում առանց ընդհատման երեք շաբաթ են պահում՝ բացի շաբաթ և Տերունական օրերից, մինչ Իլլիրիկիայում, Հունաստանում և Ալեքսանդրիայում Ջատկից առաջ վեց շաբաթ են պահում, և այն կոչվում է Քառասնորդաց. և դեռ ոմանք պահել են սկսում տոնից յոթ շաբաթ առաջ»¹⁰:

Սուրատեսի կրտսեր ժամանակակից Սոզոմենոսը կրկնում է նույն տեղեկությունը. «Ջատկին նախորդող, այսպես կոչված, Քառասնորդացը երբ ժողովուրդը պահում է, ոմանք սկսում են վեց շաբաթ առաջ, ինչպես Իլլիրիկիան և Արևմուտքում, Լիբիայում, Եգիպտոսում ու Պաղեստինում բնակվող քրիստոնյաները, իսկ ուրիշներ՝ յոթ շաբաթ, ինչպես Կ. Պոլսի և իր շրջակայքի բնակիչները... Այս վեց կամ տվելի շաբաթների ընթացքում ոմանք պահում են երեք շաբաթ ընդմիջումներով, ոմանք՝ երեք ամբողջական շաբաթներ նախքան տոնը, և ոմանք (ինչպես մոնտանականները)՝ միայն երկու շաբաթ»¹¹:

Պարզ է, որ այս տարբերություններն ինքնին արդյունք էին «ֆառասուն օրերի» հասկացության նկատմամբ զանազանվող ըմբռնումների: Արդյո՞ք դրանք ընդգրկում էին Ավագ Շաբաթը, որն, ինչպես մենք տեսանք, գոյություն ուներ նախքան ֆառասուն օրերի ի հայտ գալը. արդյո՞ք այդ ֆառասուն օրերի մեջ էին մտնում շաբաթ և կիրակի օրերը, որոնք ավանդությունն անվերապահ կերպով համարում էր ուտիֆի օրեր:

Դ Դարի վերջին երուսաղեմում, համաձայն հայտնի «Եթերիայի ուխտագնացության» (ԻՆ 1), Պահքն ընդգրկում էր Ավագ Շաբաթը, սակայն բաց էր թողնում շաբաթ և կիրակի օրերը: Այսպիսով, Պահքը բաղկացած էր ութ շաբաթից, որոնցից յուրաքանչյուրն իր մեջ ներառնում էր հնգօրյա պահեցողություն, որով պահեցողության օրերը ճշգրիտ կերպով հավասարվում էին ֆառասուն օրվա: Ուրեմն երուսաղեմում «Քառասնորդացը» հասկացվում էր ուղղակի ճշգրիտ ֆառասուն օրերի պահեցողության իմաստով:

Այս կիրառությունը Ս. Եպիփան Կիպրացին (315-403) ներմուծեց Կիպրոս, իսկ Ս. Հովհան Ոսկեբերանը (347-407)՝ Անտիոք (387-ին)¹²:

Սակայն Կ. Պոլսում, ինչպես նաև Եգիպտոսում և Արևմուտքում, «Քառասնորդացը» հիմնականում նշանակում էր նախապատրաստության մի շրջան, երբ պահեցողության օրեր էին շաբաթվա հինգ օրերը.

¹⁰ Սուրատես, Եկեղեցական Պատմություն, Ե 22:

¹¹ Սոզոմենոս, Եկեղեցական Պատմություն, Է 19:

¹² A. Schmemann, Great Lent, New-York, 1974, 136.

իսկ մյուս երկու օրերը (թեև մաս էին կազմում Քառասներդասին) պահեցողությունից ազատ օրեր էին: Այս իրողության արտահայտությունն է համարվում այն երևույթը, որով Ս. Աթանասը իր 330-ի «Զատկական նամակում» խոսում է Քառասներդասի «ժամանակի» և Ավագ Շաբաթվա «պահի» մասին:

Ուստի Կ. Պոլսում «Քառասներդասն» ընդգրկում էր շաբաթ և կիրակի օրերը, սակայն բացառում էր ոչ միայն Ավագ Շաբաթը, այլև Ղազարու Հարությունը և Մաղկազարդը: Մինչ Արևմուտքում և Եգիպտոսում Քառասներդասը ընդգրկում էր նաև շաբաթ ու կիրակի օրերը և Ավագ Շաբաթը, որի պատճառով պահեցողության շրջանն ավելի կարճ էր ստացվում:

Այս տարբերություններն անկասկած պատճառ դարձան ուժեղ հակամարտությունների ու վեճերի, որոնք շարունակվեցին հաջորդ դարերի ընթացքում: Ծավալված վեճերի ու հակամարտությունների բովում էր ծնունդ առնելու Հայ եկեղեցու ուրույն տեսակետը և մոտեցումը Մեծի Պահոց ինչպես ժամանակի, այնպես էլ ընթացքի մասին: Սա արդեն ավելի լուրջ ֆննդության և ավելի ընդգրկուն ուսումնասիրության կարիք ունի, որն առայժմ դուրս է մեր նպատակից:

ՏՅԱՌՆԸՆԴԱՌԱՋԻ ԽԱՐՈՒՅԿԸ

«Եվ հուրը բորբորելով՝ Նրա սիրո

հուրն ենք խնդրում...»:

/Ս. Գրիգոր Տաթևացի/

Հայաստանյայց Առաքելական Սուրբ Եկեղեցու հնավանդ հոգևոր բարեպաշտական արարողություններից է Տյառնընդառաջի տոնի մախօրեին, երեկոյան ժամերգությունից հետո, խարույկ վառելը:

Սույն ավանդույթը, ինչպես բացատրում են մեր Եկեղեցու հայրերը, հեթանոսական մի ատվորություն է՝ կապված Հայոց դիցաբանում կրակի, լուսի ու Արեգակի աստվածությունը մարմնավորող Միևր չաստծո հետ¹, որ, մեր Հավատո Հոր՝ Ս. Գրիգոր Լուսավորչի կողմից վերինաստավորվելով և պառչածնեցվելով, կցվել է քրիստոնեական տոնին. այս պարագայում՝ «Քառասներեայ Գալստեանն Զրիստոսի Աստածոյ մերոյ ի Տաճարն»² տոնին: Անավասիկ, հավանաբար այդ իսկ նկատի ունենալով, Հայոց Եկեղեցու «Տօնացոյց»-ի մեծ քայեկարգիչ Սիմեոն Ա Երևանցի Կաթողիկոսը նշել է. «Հրի շաքջը պատվիր խառելի է, որը տգետների կողմից է մերմուծված»³: Սակայն միևնույն ժամանակ պետք է նշել, որ հայոց աստվածաբանական կուռ միտքն իր բացատրություններն է տվել Տյառնընդառաջի մախօրեին վառվող խարույկի կապակցությամբ:

Արդ, ստորև թարգմանաբար ներկայացնում ենք Հայոց Եկեղեցու եռամեծ վարչապետ Ս. Գրիգոր Տաթևացու քաջատրությունները.

«Իսկ թե ինչո՞ւ ենք կրակ վառում:

Նախ՝ որովհետև [երբ] Տերը տաճարին մոտեցավ՝ դուռն ինքնիրեն բացվեց, մեծ ճայթում եղավ, և քաղաքը տիեզերքի օրինակով դրդեց: Եվ բոլորը վառված լույսերով եկան տաճար՝ Տիրոջն ընդառաջ, և ասացին, «Տերն անցավ այս դռներով»: Ուստի այդ օրվա տոնն անվանվեց «Տեռնընդառաջ», «Տէրն ընդ այս», որն աղավաղելով ասում ենք՝ «Տէր ընդ էս»: Եվ մենք դրա համար մույն օրինակով՝ հուր ու ջան վառած, Տիրոջ [տաճար] գալստյան մախատոնակն ենք կատարում:

Երկրորդ՝ հեթանոսները բոլոր արարվածներին էին պաշտում, առավելաբար երին, ինչպես պարսից ազգը: Այժմ էլ էյուսիսայլին կողմնելու շատերն են կրակապաշտներ: [Ուստի] դրա համար մենք վառած հուրն ընծայում ենք ի պատիվ Աստծո, թե՛ «Դ-ու՝ ես ճշմարիտ Աստված, որ այժմ երևացիր», իսկ հուրն աստված չէ, այլ՝ Զո արարածը: Դրա համար Զեզ ծառայություն ենք բերում, ինչպես որ

¹ «Լոյս», 1905, էջ 150, 162-165: Նաև՝ «Ազգային տոներ», էջ 11:

² «Տօնացոյց նախապէս կարգնալ նւ սահմաննալ սրբոյն՝ Սահակայ Պարթևի Հայրապետին՝ Հայոց ըստ աստիճանին՝ Հայաստաննայց Արքայ Եկեղեցոյ: Եւ զկնի յոգնեցան՝ կարգաւորութեամբ նւ աշխատասիրութեամբ Տնտեմ: Միմեծի սրբազան՝ Կաթողիկոսին՝ յերկուս հաշորս բաժաննալ», Էջմիածին, 1887, էջ 17:

³ Նույն տեղում, էջ 18:

եբրայեցի մանուկները՝ ծառերի ոստերն ընծայեցին. ի պատիվ Քրիստոսի⁴. որովհետև Նա է ճշմարիտ Աստված. մույնպես, և մենք հուրն ենք ընծայում: Եվ ինչպես որ [Ամանիան ու իր ընկերները] երբ երի մեջ ընկան, գովում ու օրհնում էին Աստծուն⁵, այլև՝ բոլոր արարածներին օրհնության էին հրավիրում՝ ջրին, երին, ցրտին, տոթին ու մյուսներին⁶: Նույնպես և մենք խոսքով ու զործերով՝ վառված հուրը, ի պատիվ արարածների Արարչի, ընծայում ենք Քրիստոսին:

Երբորդ՝ որովհետև Քրիստոս իր գալուստյամբ ասաց. «Ես եմ աշխարհի լույսը, ամեն ոք, որ ինձ հավատում է, խավարում չի մնա»⁷, մաս ասաց. «Երկրի վրա կրակ գցելու եկա, և որքան եմ կամենում, որ արդեն իսկ բոլորեցված լինի»⁸: Դեռ Սուրբ Հոգին էր խորհրդանշում, որ հրեղեն լեզուներով ասալույների վրա իջավ. նրանց մեղքերը մաքրեց ու միտքը լուսավորեց: Սրա համար ենք Քրիստոսին ընդառաջ ելնում ու լույս վառում, որովհետև Քրիստոս [իրեն] Լույս եկավ (այս) աշխարհ. մենք էլ Լույսին հավատացինք և Լուստ որդիներ դարձանք: Եվ հուրը բոլորեցնելով՝ Նրա սիրտ հուրն ենք խնդրում, որպեսզի մաքրի մեր մեղքերի ժանգն ու աղտեղությունը և սրբելով՝ սրայծառացնի մեր միտքն ու հոգիները: Դրա համար (այդ) երեկո կրակ ենք վառում:

Չորբորդ՝ քանի որ Քրիստոսի հաջորդ ու վերջին գալուստը հրով է լինելու վախճանի ժամանակ, ինչպես ասում է մարգարեն՝ «մեր Աստված հայտնապես է գալու, և Նրա ասած հուր է բոլորեցվելու»⁹: Որովհետև ասաջին գալուստը խոնարհությանը ու ծածուկ էր, ինչպես [որ անձայն իջնում է] ցողը բրդի վրա¹⁰, որպեսզի ով իր անձնիշխան կամքով կամենա, Քրիստոսին հավատա ու փրկվի: Իսկ վերջին գալուստը սրա պես չէ, այլ՝ հայտնապես ու տիեզերատես՝ Հայրական փառքով ու բոլոր հրեշտակները մրա հետ. «Ինչպես փայլակը, որ ելնում է արևելքից և երևում է մինչև արևմուտք»¹¹, և հուր(ը) Նրա ասցև կբոլորեցվի, և Նրա շուրջն էլ աստիկ մրդիկ [կլինի]¹²: Մրդիկն ու մեզը՝ մեղավորներին ծածուկ ու անտես լինելն է խորհրդանշում, որովհետև մեղավորներն ու անհավատները չեն կարող Քրիստոսի Աստվածությունը տեսնել, քանի որ հուրը մատնանշում է սրբերի ու հավատացյալների պայծառ տեսությունը, որ հայտնապես տեսնում են Քրիստոս Աստծուն մարդացած, մարմնով երևացած, և մարդուն (այսինքն՝ Մարդացյալ Քրիստոսին-Ա. Կ.)՝ որպես մարդկանց Արարիչ են տեսնում: Դարձյալ կրակը երկու հատկություն ունի: Եվ Քրիստոս հրով պիտի երևա, որպեսզի սրբերին լուսավորի, պսակի ու ամստվեր լույսը մտցնի, իսկ մարդկանցից չարերին ու անհավատներին՝ սատանայի հետ հավիտենական հուրն ողորակի ու տանջի: Ըստ այնմ՝ «անիծյալներ, հեռացրե՛ք ինձից հավիտենական կրակը, որ պատրաստված է սատանայի և

⁴ Հմմտ. Մատթ. ԻԱ 8:

⁵ Դանիել. Գ 51:

⁶ Դանիել. Գ 61-79:

⁷ Հովհ. Ը 12, ԺԲ 46:

⁸ Դավ. ԺԲ 49:

⁹ Սաղմ. Թ 3:

¹⁰ Սաղմ. ՀԱ 6:

¹¹ Մատթ. ԻԴ 27:

¹² Սաղմ. Թ 3:

իր հրեշտակների համար»¹³։ Այս խորհրդով կրակ ու ջահ ենք վառում և Քրիստոսի գալուստը պատվում։ Կրակը ծախս ու ալրում ունի, որենք աչքերի լացն ու մեղավորների տանջանք(ներ)ն են խորհրդանշում, իսկ լույսը պայծառությամբ ու լուսավորելու (հասկությամբ) ունի, որ արդարների պայծառությամբ խորհրդամիշն է. և Քրիստոս՝ որպես Լույս եկավ ու (այս) աշխարհում ծագեց¹⁴։

Սրանք են այդ օրը հուր և լույս վառելու պատճառները»¹⁵։

Վերջում ցանկանում ենք մշել, որ քրիստոնեականացված սույն ավանդույթը կրկին չայետք է վերածել հեթանոսական խտտելի արաքողության՝ մախկին տնթույլատրելի սովորությունները վերականգնելով, այն է՝ խարույկի վրայից թռչել, շուրջը պտտվել, ծխից գուշակություններ անել ևն¹⁶, քանի որ «եթե մեկը հեթանոսների սովորություններն ընդունի՝ [Քրիստոսին] խաչողների հետ կլինի (այսինքն՝ անիծյալ - Ա. Ա.)»¹⁶։

ԱՌԹՈՒՐ ԴԴԻՐ ԿԱՐԱՊԵՏՅԱՆ

ԳԵՎՈՐԳՅԱՆ ՅՈԳԵՎՈՐ ՃԵՄԱՐԱՆԻ
Դ ԼՍԱՐԱՆԻ ՍՆՆ

¹³ Մատթ. ԻԵ 41։

¹⁴ Հովհ. ԺԸ 46։

¹⁵ Ս. Գրիգոր Տաթևացի, «Քարոզ Գալստեանն՝ Տեառն՝ քառասներեա ի տանարն», «Գիրք քարոզութեան, որ կոչի Ձմեռան հատոր», Կ. Պոլիս, 1740, էջ 79-80։

¹⁶ Նշենք, որ եռյժ ցանկայի է. որ Տյառնինդատաջի նախօրնի խարույկը վառվի միայն՝ ու միայն՝ Եկեղեցիների քակերում, քահանեա հայրերի հսկողության՝ նմրքո՝ վերոհիշյալ հեթանոսական խտտելի սովորություններից խուսափելու համար։

¹⁶ «Կանոնագիրք Հայոց»՝ «Կանոնն Բարսեղի Կոստանացու», Կառնն՝ ՀԶ, հտ. Բ, էջ 119։

ԱՐԱԿԵՆ ՆԱՆՅԱՆ

Գեորգյան Հոգեւոր Ծննդարանի 2 լսարանի սան

ՍՈՒՐԲ ԵՐՐՈՐԴՈՒԹՅԱՆ ԱՆՁԵՐԻ ՀԱՏԿՈՒԹՅՈՒՆՆԵՐԸ ԴՊՎԱՆԱՐԱՆԱԿԱՆ ՀԱՄԱԿԱՐԳՈՒՄ

Դավանաբանական այս կետը իր որոշակի՝ եւ ուրույն տեղն է գրավում ընդհանուր դավանաբանության համակարգում: Անշուշտ այն իր բարդությամբ զիջում է Սուրբ Երրորդության եւ քրիստոսաբանական դոգմաներին, սակայն, այդուհանդերձ, կարելի է այնքանով, որ առանց դրա հստակ պատկերացման, առանց համապատասխան ընկալման վերլուծության, առանց հայրաբանական եւ ավելի ուշ շրջանների գրողների՝ խնդրո առարկայի առնչությամբ իրենց արտահայտած մտքերին ու մտեցնմանը ծանոթանալու, հնարավոր չէ մուտք գործել աստվածաբանական բոլոր այն հարցերի ոլորտները, որտեղ խոսքը, այսպես թե այնպես, վերաբերում է Սուրբ Երրորդությանը:

Իրապես, խորամուխ լինելով Հոր, Որդու եւ կամ Սուրբ Հոգու Անձերի շուրջ ծագած աստվածաբանական վեճերի մեջ, հաճախ նկատում ենք, որ դրանք ուղղակի կամ անուղղակի կերպով կապված են Երրորդության Անձերի հատկությունների հետ, էլ չենք նշում ոչ պակաս թվով այն դեպքերը, երբ քանավեճերի բուն պատճառը եղել է հենց ընկճվող այս հարցը:

Սույն հարցի ուսումնասիրությունը կարելի է նաեւ նրանով, որ ոչ բոլոր Եկեղեցիներն ունեն այս խնդրի նույնական աստվածաբանական ընկալումը: Խոսքը կաթոլիկ աստվածաբանական ավանդության մասին է, որը, հակառակ հռոմեադավան աստվածաբանների բազմահատոր ուսումնասիրությունների եւ աշխատությունների, այնուամենայնիվ հստակ կերպով չի սահմանազատում ու որոշակիացնում Հոր միեւրոպայության ու միապետության [*«единоначалие»*, *«монархия»*, *«monarchy»*] դոգման Երրորդության անձերի դոգմայից, որի դեպքում տրամաբանորեն եւ մեխանիկորեն կրպակվեր, *«Filioque»*-ի տեսությունը¹, որը խորթ է հայ աստվածաբանական մտքին:

Հաշվի առնելով բոլոր այն բարդություններն ու դավանաբանական շեղումները, որոնք ի հայտ էին գալիս առանձնավորական հատկությունների շփոթության հետեւանքով, Եկեղեցու հայրերն ի սկզբանե իսկ որդեգրեցին խիստ դիրքորոշում թե՛ նման սայթաքումների եւ թե՛ սայթաքողների նկատմամբ: Երեսուկայեցեք, թե ինչպիսին կլինեք Եկեղեցու վերաբերմունքը մեկի նկատմամբ, որը Հոր փոխարեն Սուրբ Հոգուն վերագրեր անսկիզբությունը եւ կամ Որդուն համարեք Հոր պատճառը եւ այլն:

Խնդրո առարկա հարցն ունեցել է երկար ու դժվարին պատմական զարգացում, բայց եւ հարկ է նկատել, որ առանձնավորական հատկությունների վարդապետությունը, որպես այդպիսին, իր գոյությունն առնում ու բխում է Սուրբ Երրորդության համագոյության վարդապետությունից: Սկզբնապես Եկեղեցու հայրերը այն անվանեցին *«Προσώπων γυναικεὶς ἰδιότητες»*:

Անտարկելիորեն ընդունելով, որ Սուրբ Երրորդության երեք Անձերի՝ Հոր, Որդու եւ Սուրբ Հոգու միջեւ չկա ոչ մի էութենական տարբերություն, որը որեւիցե կերպով ազդեր նրանց վրա, միեւրույն ժամանակ դավանում ենք, որ գոյություն

¹ Протосвященник Михаил Помозанский, «ТРАВОСЛАВНОЕ ДОГМАТИЧЕСКОЕ БОГОСЛОВИЕ» [в сжатом изложении], Новосибирск, 1993, стр. 49.

ունեն անհամեմատորակա՝ եատկություններ, որոնք տարբեր են միմյանցից և պատկանում են Սուրբ Երրորդության տարբեր Անձերին: Ընդհանրապես, էութենական մակարդակի վրա Երրորդության որևէ Անձին տրվող մակդիրը լիիրավորեն կարող է տրվել մահւ մնացյալ երկու Անձերին, քանզի այն, ինչ հատուկ է մեկի էությանը, հատուկ է նաև մյուսներին, քանի որ Նրանք մույն էությունն ունեն: Սակայն պետք է տարբերակել Սուրբ Երրորդությանը և նրա անդամներից յուրաքանչյուրին առանձին-առանձին տրվող ստորոգելիական [ատրիբուտական] մակդիրը, հատկություններին վերաբերող եզրերից: Այսպես, «ճշմարտությունը» հատուկ է Սուրբ Երրորդության երեք Անձերին², ինչպես նաև մի շարք մակդիրներ, գործիքնակ՝ «արդար», «զովեալ», «փառատրեալ», «սուրբ», «ամենօրինեալ», «բարեբար», «եզոր», «սեւաւոր» և այլն:

Հատկություններն իրենց տեսակի մեջ բաժանվում են 2 խմբի.

Ա. էական հատկություններ են՝ *օստանդ լնձմառա, proprietates essentielles*

Սրանք եւս իրենց հերթին վերաբերում են եւ՝ Հորը, եւ՝ Որդուն, եւ՝ Սուրբ Հոգուն:

Դրանք են՝

1. Անսահմանություն կամ ամենակատարություն,
2. Ինքնագոյություն,
3. Անկախություն,
4. Անպարագրելիություն ու ամենուրեքություն,
5. Հավիտենություն,
6. Անփոփոխելիություն,
7. Ամենակարողություն:

Բ. առանձնավորական հատկություններ են՝ *որոսատառ լնձմառա, proprietates personales*

Ա. Այսպիսով, Եկեղեցին սովորեցնում է, որ թեև Հոր, Որդու և Սուրբ Հոգու էությունը մույնն ու մեկն է, Հայրը միշտ Հայր է և ոչ երբեք Որդի կամ էլ Սուրբ Հոգի, Որդին միշտ Որդի է և ոչ երբեք Հայր կամ էլ Սուրբ Հոգի, և մանապես Սուրբ Հոգին միշտ Սուրբ Հոգի է և ոչ թե Հայր կամ էլ Որդի³:

Բ. Հորը հատուկ է հայրությունը, Որդուն՝ որդիությունը, Սուրբ Հոգուն՝ ինդոլությունը: Սրանք եւս անշփոթելի են⁴:

Ը. Սուրբ Երրորդության Անձերի տարբերությունները չեն սահմանափակվում միայն վերոհիշյալներով և Նրանք աստվածային հայտնության բացահայտման հերթականությամբ, այլ առանձնավորական այն հատկություններով, որոնք բացառապես վերաբերում ու պատկանում են Երրորդության Անձերից կոնկրետ որևէ մեկին, օրինակ՝ միայն Հորը, Որդուն կամ էլ Սուրբ Հոգուն:

Այս հարցի վրա առանձնակի ուշադրություն դարձվեց հատկապես 4-րդ դարում, երբ քրիստոնեական աստվածաբանության առջիկ ծառացել էր աստվածային միության ու տարբերության արտահայտման գերխնդիրը⁵: Այս ժամանա-

² Տե՛ս «ԿՆԻԷ ՀԱՄԱՏՈՅ» [=Կ. Հ.], Ս. Էջմիածին, 1914, էջ 26. «Թէ Հայր և միայն ճշմարիտ Աստուած է. Միածինն և միայն ճշմարիտ ... և միայն Սուրբ Հոգին Աստուած ճշմարիտ»:

³ Տե՛ս «Ս. ԱՐԵՋՍԱՆԴՐՈՒՅ ՀԱՅՐԱՊԵՏԻ ՃԱՌԷ, ԹՈՒՂԹԷ ԵՒ ԸՆԴՐԻՍՄԱՍԱՅՈՒԹԻՒՆ», «Յաղագս մարմնատուրեան Որդւոյն և Սրբոյ Երրորդութեան», Վենետիկ, 1899, էջ 113. «Որպէս ոչ երբեք է Հայր Որդի, այսպէս ոչ եղիցի և Որդի Հայր և որպէս ոչ դադարէ Որդի՝ միայն գոյ Որդի, քանզի մոլորութիւն, ապա է միայն և մտաւ ածել զայս և ասել առ Որդւով եղբայր, կամ առ Հայր և գՀոգւոյն անուն»:

⁴ Վարդան Այգեկցի, «ԳԻՐԷ ՀԱՍՏԱՏՈՒԹԵԱՆ ԵՒ ԱՐՄԱՏ ՀԱՄԱՏՈՅ», Երեւան, 1998, էջ 76-77. «գի որ ինչ Հայր և Որդւոյ է՝ Հոգւոյ է, քաց ի հայրութենէն և յորդիութենէն, և ամենայն որ ինչ Հոգւոյ և Հայր է՝ Որդւոյ է, քաց ի հայրութենէն և յերդութենէն և ամենայն որ ինչ Որդւոյ և Հոգւոյ է՝ Հայր է, քաց յորդիութենէն և յերդութենէն»:

⁵ В. Н. Лосскыя, "ДОГМАТИЧЕСКОЕ БОГОСЛОВІЕ", Москва, 1991, стр. 212.

կաշքջանում ապրող եւ գործող Եկեղեցու նշանավոր հայր Գրիգոր Նյուսացին իր «Յերրորդութիւնն» ճառում գրում է. «Ձի կարգատրապէս ցուցանի Սրբոյ Երրորդութեան բնութիւնն՝ ոչ խառնակեալ յիրաքանչիւր գոյութեանց առանձնաբար երեւելոյ նոցա յատկութիւնն»⁶: Իսկ Գրիգոր Աստվածաբանը իբրեւ պարտադիր հանգամանք նշում է, որ միաստվածությունը պահելով «պարտ է» այն եռադեմ խոստովանել, այսինքն՝ երեք գոյացությունները «իրաքանչիւրովը հանդերձ յատկութեամբն»⁷: Առանձնավորական հատկություններին մասնավորաբար անդրադարձել են նաեւ Հայ Եկեղեցու հայրերը: Մամբրե Վերծանողը գրում է. «Իսկ յատկութիւնն յիրաքանչիւր յերեսս քաժանին եւ ի դէմս»⁸: Խոսքովիկ Թարգմանիչը, խոսելով մեկ բնության ու աստվածության գործության խոստովանության մասին, ասում է. «ոչ կասկածեմք» մեկ բնության մեջ տարբերակել «գառանձնատրական յատկութիւնն»⁹: Նույն գաղափարն է արտահայտվում նաեւ Գրիգոր Նարեկացու անունով մեզ հասած դավանաբանական բնույթի մի գործում, ուր հեղինակը, անդրադառնալով Սուրբ Երրորդությանը, ասում է, որ Նրանում չկա ոչ առավելություն, ոչ նվազություն, այլ բոլորը համահավասար են, «քաց յանձնատրութեանցն յատկութեանց, եւ որ նոցին հետեւի»¹⁰:

1. Միավասիկ Հայր Աստծո առանձնավորական հատկությունները, որոնց համաձայն Նա ճանաչվում է որպէս՝

ա. Անձին - *ἀνένητος, ingenuus, non natus, не рождённый*¹¹

բ. Անսկիզբ - *ἀσπαρχος, principii expers, principio carens, незначущий*¹²

⁶ Կ. Հ. էջ 24:

⁷ Նույն տեղում, էջ 38:

⁸ Տես՝ «ԿՈՐԻՆԻԱ ՎԱՐԴԱՊԵՏԻ, ՄԱՄԲՐԵԻ ՎԵՐԾԱՆՈՂԻ ԵՒ ԴԱՎԹԻ ԱՆՀԱՂԹԻ ՄԱՏԵՆԱԳՐՈՒԹԻՒՆ»-ը, Վեներիկ, 1833, էջ 70, ճառ «ՎԱՍՆ ՅԱՐՈՒԹԵԱՆ ՂԱԶԱՐՈՒ ԶԱՒՈՒՐ ԸԱՐԱԹՈՒՆ»:

⁹ «ԽՈՍՐՈՎԻԿ ԹԱՐԳՄԱՆԻՉ», Վարդաշապատ, 1903, Գլուխ Ա, էջ 32:

¹⁰ Տես՝ «ՃԱՆՔ ԵՒ ԽՈՍՏՈՎԱՐՈՒԹԻՒՆ ԷԼԻԱՏՈՅ ԱՐԱՐԵԱՆ ՍՐԲՈՑ ՀԱՐՑ ՄԵՐՈՑ ԳՐԻԳՈՐԻ ՆԱՐԵԿԱՅԻՈՅ ԵՒ ՎԱՀՐԱՄԱՑ ՎԱՐԴԱՊԵՏԻ», յերուսաղեմ, 1856, էջ 5, «ՍՐԲՈՑ ՎԱՐԴԱՊԵՏԻ ՅՈՋՆԵՐԱՆԵԱՆ ՄԵԾԱՆՈՐԻ ԳՐԻԳՈՐԻ ՆԱՐԵԿԱՅԻՈՅ ՀԱՄԱՌՈՏԻՔ ԲԱՆ ԽՐԱՏՈՒ ՎԱՍՆ ՈՒՂԻՂ ԷԼԻԱՏՈՅ ԵՒ ՄԱԶՈՒՐ ՎԱՐՈՒՅ ՄՈՒԼԵՒՈՒԹԵԱՆ Ի ԽՆԴՐՈՅ ՆՈՐԻՆ. ՀԱՐԱԶԱՏԻ ՎԱՐԴԱՄԱՑ ԴԻՒՄՆԱՂՈՐԻ»:

¹¹ Տես Կնիք Հաւատոյ, Հիպոդիտոս Բոստրացի, «Քայց զի պայման գոյութեան նորա այլիայլ է եւ այն չէ ծածկեալ յիմաստնոցն, այնու, զի Հայր չծնեալ եւ ծնալ է, եւ Որդի չծնալ եւ ծնունդ է, եւ Հոգի ոչ ծնալ եւ ոչ ծնունդ: այլ ելալ...», էջ 8: Դամաս Եպիսկոպոս Հռովմայեցի, «Հայր անձին եւ ծնալ զՈրդի, Որդի ծնունդ է եւ անձին, Հոգի ելալ է եւ դարարումն ի Հորէ առ Որդի», էջ 25-26: Գրիգոր Լուսավորիչ, «Այսպէս եւ Հայր անձին իսկությամբ, անսկիզբ էությամբ...», էջ 21:

¹² Տես Կնիք Հաւատոյ, Գրիգոր Աստվածաբան, «Իսկ գառանձնատրութիւնն Հայր՝ անսկզբնատրութիւնն, սկիզբն իմացեալ եւ ասացեալ, քայց սկիզբն իբրեւ պատճառ եւ գաղղբուր եւ զնշմանմատր լոյսն», էջ 38-39: Յովեան Մայրազոմեցի, «Այսպէս հաւատաւմք Սուրբ Երրորդութիւնն, խոստովանելով զմիայն Հայր Աստուած՝ զինքնագոյն յերեսան, գէակն անսկզբնատր», էջ 55:

Այստեղ անհրաժեշտ է մասնավոր կերպով անդրադառնալ այն երեսութիւն, որ շատ հաճախ հայրերի գործերում կարելի է հանդիպել «անսկիզբ» եզրը՝ գործածված Որդու առնչությամբ, որն առաջին հայացքից կարող է սխալ թվալ: Օրինակ՝ Եպիփան Կիպրացին, խոսելով Որդու մասին, օգտագործում է «զոմոտեզոմ» եզրը [Կ. Հ. էջ 27], իսկ Պրոկոն իր թղթում, հաստատելով Քրիստոսի աստվածությունը, գրում է. «Այլ Աստուած յԱստուծոյ, Բան մշտնջենաւորակեմ, Որդին Միածին՝ անսկզբնական» [Կ. Հ. էջ 108]: Սա, սակայն, ամենեւին չպետք է շփոթեցնի մեզ, քանի որ մշտապէս պետք է հիշենք, որ այն, ինչ կատարվել է ու կատարվում է Սուրբ Երրորդության անբաժանելի սահմաններից մերս «ի վեր է քան զամենայն միտս եւ գրանոս», այնպէս որ մարդկային ոչ մի սպեկուլատիվ, եւ ոչ էլ դեդուկտիվ մտածողություն չի վիճակի չէ ընկալելու այդ անճառելի խորհուրդները: Հետեւաբար մեր հասկացած սկիզբը ոչ մի կապ չունի աստվածային սկզբի հետ:

գ. Անպատճառ *αὐτὸς τὸς, non causa, non habens causam, безпричинно*¹³

Հայր Աստծուն՝ Որդու և Սուրբ Հոգու համեմատական, հարաբերությամբ անվանում են՝

ա. Սկիզբ - *ἀρχή, principium, начало*

բ. Պատճառ - *αἰτία, а, causa, причина*¹⁴

Հորը՝ Որդու համոզեալ ունեցած իր միակ ու անփոխարինելի հարաբերությունից անվանում են՝

ա. Հայր - *Πατήρ, Pater, Отец*

իսկ Սուրբ Հոգու համոզեալ ունեցած իր հարաբերությունից՝

բ. Բխող - *Προβαλεῖς, Изводителе, Отрыгатель*¹⁵

2. Որդի Աստծո առանձնավորական հատկությունն է .

ա. Ծնելությունը - *γένεσις, generatio, рождение*¹⁶

3. Սուրբ Հոգի Աստծո առանձնավորական հատկությունն է.

ա. Բխողություն = Ելողություն¹⁷ - *ἐκπορευσις, ἐκπόρευμα, processio,*

*исхождение*¹⁸

Եկեղեցու հայրերը, քաջատեղյակ լինելով այդ իրողությանը, միեւնույն ժամանակ աշխատել են ներկայացնել այն մախաղոյալը, որի հիման վրա նրանք օգտագործել են այդ եզրը և կամ էլ լուսաբանել, քե իրենք առհասարակ ի՞նչ են հասկանում տվյալ եզրը կոնկրետ համատեքստում գործածելով: Եպիփան Կիպրացին, իբրեւ աքսիոմային դրույք, հաստատում է, որ Որդին «ոչ սկսեալն ի յելմ»: Գրիգոր Աստվածաբանը Հոր անսկզբության կողքին չի համարձակվում խոսել Որդու անսկիզբ լինելու մասին. Որդին «ոչ ամսկիզբն, վասն զի ի Հայրէ», սակայն մա իր պարտքն է համարում մշելու, որ եթե սկիզբն ու անսկիզբությունը դիտվում են ժամանակի տեսանկյունից, ապա շարունակելն արդեն անհիմատ է, որովհետեւ Որդին՝ ժամանակի արարիչը լինելով, դուրս է և ենթակա չէ ժամանակին:

Այս հարցի լուծման բավականին հետաքրքիր տարրերակ է առաջարկում Եզնիկ Կողբացին: Նրա աստվածաբանական համակարգում եթե Հայրը «ամսկիզբ» ու «արարիչ» է, ապա Որդին ու Սուրբ Հոգին «ամսկզբակից» ու «արարչակից»-ներ են:

Անսկիզբությանը վերաբերող այս հանգամանքը ամբողջովին գործում է մանւ անպատճառության պարզապիսին:

13 Տես Կ. Հ. Գրիգոր Նյուսացի. «Առանձին է Հայր՝ ոչ ի պատճառն զոյ», էջ 24-25: Եզնիկ Կողբացի. «Մի Աստուած խոստովանիմք՝ յանդիմանութիւն քաղմանում չաստածոցն, ինքնակայ, *անպարճառ*, պարզական...», էջ 51:

14 Հայրն ինքը, անպատճառ լինելով, միեւնույն ժամանակ պատճառ է, ինչպես և անսկիզբ լինելով սկիզբ է Որդու և Սուրբ Հոգու համար: Այսպիսով, Հայրն է Որդու և Սուրբ Հոգու իրության պատճառը, իսկ Որդին ու Սուրբ Հոգին պատճառից «ամժամանակաբար և առանց պատճառի» [«ՆԵՐՍԵՍ ԿԱԹՈՂԻԿՈՍԻ ԹՈՒՂԹԵ ՄԱՆՎԵԼ ԿՈՄԵՆԸՈՍԻՆ», «Էջմիածին» Բ, 1969, էջ 42]: Հայրն է միակ պատճառը, գրում է Կոստանդին կաթողիկոսը Հեթում քաղաքի ռուդված իր քրթում «միայն ծննդեամբ և միայն ելողութեամբ» [«ԳԻՐԸ ԹՂԹՈՒՅ» (= Գ. Թ.), Թիֆլիս, 1901, էջ 504]:

15 «ИСПОВЕДАНИЕ ХРИСТИАНСКОЙ ВЕРЫ АРМЯНСКОЙ ЦЕРКВИ», Иосиф архиепископ Аргунянский-Долгорукий, Санкт-Петербург, 1799, стр. 28.

16 Ամանիա Նարեկացի, «ԳԻՐ ԽՈՍՏՈՎԱՆՈՒԹԵԱՆ», Վաղարշապատ, 1892, էջ 6. «Հաւատամք ... և ի մի Տէր Յիսուս Զրիստոս, Որդին Աստուծոյ՝ *ծնեալ* և ոչ արարեալ»: Պարույր Մորադյան, «ԱԳԱԹԱՆԳԵՂՈՍԻ ՀԻՆ ՎՐԱՅԵՐԵՆ ԽՍՐԱԳՐՈՒԹՅՈՒՆՆԵՐԸ», Երեւան, 1982, «ԲԱՆ ՍՈՒՐԸ ՀԻՊՈԴՈՒՅԵՍԻՒՄ՝ ՎԱՆՆ ՀԱՎԱՏՈՒ», «1.2 Հավատում ենք ու խոստովանում ... Որդուն՝ *ծնված լուստ Հորից*»: «Հաւատամք գԲանն Աստուած անեղ *ծնեալ* ի Հօրէ մախքան գհալտեանս», «ՄԱՇՏՈՑ ԶԵՆՆԱԴՐՈՒԹԵԱՆ», Ամբիփաս, 1958, էջ 32:

17 «ԸՆԴՀԱՆՐԱՊԱՆ ԹՈՒՂԹԸ ՍՐԲՈՅՆ ՆԵՐՍԻՍԻ ԸՆՈՐՀԱՄՈՅ», յերուսաղէմ, 1871, էջ 184. «Հաւատամք ի Սուրբ Հոգին՝ որ գամեալն քննէ և զխորս Աստուծոյ, որ քղխտ առ ի Հօրէ...»: «ՄԱՇՈՑ», Վաղարշապատ, 1872, «ԱՂՕԹԸ ՍՐԲՈՅՆ ՅՕՀԱՆՆՈՒՈՍԿԵՐԵԱՆԻ ԱՍՍՏԵԱԼ Ի ՍՈՒՐԸ ԵՐՐՈՐԴՈՒԹԻՒՆ», էջ 461. «Որ եսղ Տէր գորութեանց Աստուած ճշմարիտ աղբիւր լուսոյ և կենաց *քղխեալ* անքնմաբար ի Հօրէ»: Տես Գ. Թ. էջ 191, Արրաեան կաթողիկոս. «Հաւատամ ... և ի Սուրբ Հոգին, արարիչ և

Մակայն, հակառուկ էկեղեցու աստվածաբանական ավանդության՝ քննարկվող խնդրի հստակ ըմբռնմանը, հայրաբանական եւ ավելի ուշ շրջանների դավանաբանական գործերը ընկնիս. բախվում ենք բավականին հակասական քվացող մի երեսույթի, այն է՝ Եկեղեցու հայրերը հաճախ առանց անհրաժեշտ քննարկության եւ վերաբերվում առանձնավորական հատկություններն արտահայտող եզրերի հետ: Անշուշտ, գործը չի հասնում ենովմեակամությանը, բայց առաջանում է մի խնդիր, որը մեկնաբանության կարիք է զգում:

Վերադառնալով հիմնահարցի պատճառները երկուսն են. 1. Եզրերի նմանօրինակ «շփոթում» նկատվում է մառի Աստվածաշունչ մատյանում: Այն Հորը երբեմն Հոգի է անվանում. «Հոգի է Աստուած» [Յովհ. Դ 24], Որդուն Հայր է կոչում. «Ձի մանուկ ծնաւ մեզ, որդի տուաւ մեզ, որդի իշխանութիւն եւ եղի ի վերայ ուսոց իւրոց, եւ անուն կոչեցաւ մեա Հրեշաակ մեծի խորհրդով, Սքանչիկ, խորհրդակից, Աստուած Հօր, Իշխան, Հայր հանդերձելոյ աշխարհի» [Եսայի Թ 6]: Երբեմն Որդուն Սուրբ Հոգուց ծնված է համարում. «Եւ մեզի որ ի մեայն ծնեալ է ի Հոգայն Սրբոյ է» [Մատթ. Ա 21]: Ինչպես մառի քիսում եզրն են օգտագործում Որդու առնչությամբ. «Բղիսեսցէ սիրտ իմ զպատգամս [Բան] քո բարիս» [Մաղմ. Դ 2], իսկ Հոգուն՝ Միածին է կոչում. «Ձի ամենեցունց ճարտարապետն ուսոյց ինձ իմաստութիւն: Ձի գոյ ի մեա Հոգի մտաւոր, սուրբ, միածին» [Իմաստ. Է 21-22]: Սա քննվող շփոթություն կամ այլալայություն չի ենթադրում՝ եզրակացնել տալով, թե Հայրը երբեմն Որդի է լինում, Որդին՝ Սուրբ Հոգի, Սուրբ Հոգին էլ՝ Հայր, եւ հակառակը. «մերժիր այսպիսի կարծիքները», քանի որ թեւ Սուրբ Երրորդությունը մեկ քնություն եւ էություն ունի, սակայն Նորա «յուրաքանչյուր անձնավորության ներհատուկն անշարժական եւ անշփոթ է»¹⁹:

2. Եւ երկրորդ պատճառն այն է, որ տվյալ էկեղեցական հայրերը իրենց աշխատություններում երբ որ մասնակիորեն անդրադառնում են առանձնավորական հատկություններին, ամենայն ճշգրտությամբ են կիրառում խնդրո առարկա եզրերը: Եվ միայն սրանից հետո, կամխալ համոզված լինելով այդ հարցի շուրջ ըմբռնողի նախնական պատկերացում ունենալու մասին, Եկեղեցու հայրերը դիմում են, այսպես կոչված, «եզրաբանական ազատությանը»:

Միայն այս ենթահողի վրա կարելի է հասկանալ Ներսես Լամբրոնացուն, որն իր տարրեր գործերում հստակ եւ որոշյալ կերպով Սուրբ Հոգու առանձնավորական հատկությունը՝ քիսումը ներկայացնելով հանդերձ, Համգամակի մեկնության մեջ գրում է. «Եթէ յառաջ խաղալ եւ եթէ բղիսել եւ եթէ ելանել ոք ասիցէ, ի ճշմարտութենէն ոչ սխալէ»:

Այսպես, աստվածաբանական պրակտիկայում Հորից Որդու առաջանալը արտահայտվում է հետեւյալ եզրերով՝ *προβολή*, *prolatio*, *processio*, *derivatio*, *ἐκπόρευσις*, *signatura*, ինչպես մառի *προσηγορία*, *ἐκλάμπειν*, *ἀναλάμπειν* բայերով: Իսկ Սուրբ Հոգու առնչությամբ ընդհանրապես տրվել են հետեւյալ եզրերը՝ *προβόδος*, *προβολή*, *προβλεψα* եւ *προσελθεῖν*, *προϊέναι* բայերը:

կենդանացուցանող եւ նորոգիչ ոչ ծնունդ, այլ *կուսման*, մույն տեղում, էջ 324. Ստեփանոս Սյունիցի. «Խոստովանիմք ... զՀոգիդ Սուրբ, *կողորմիմի* ի Հայրի»:

18 Архимандрит Макарий, "ПРАВОСЛАВНОЕ ДОГМАТИЧЕСКОЕ БОГОСЛОВИЕ", Санкт-Петербург, 1850, том I, стр. 331-333.

19 Տե՛ս Գրիգոր Տառնացի, «ՈՍԿԵՓՈՐԻԿ», Երեւան, 1995, էջ 235-238:

ՖՐԱՆՑԻՍԿՈՍ ԴԵ ՍԱԼԻ
(1567-1622)

ՈՒՂԵՑՈՒՅՑ ԲԱՐԵՊԱՇՏ ԿՅԱՆՔԻ

ՄԱՍ Դ*

ԽՈՐՀՈՒՐԴՆԵՐՆ ՈՒ ԱՂՈԹՔԸ ՈՐՊԵՍ ԱՍՏՃՈՒՆ ՍԵՐՉԵՆԱԼՈՒ
ԴԻՄՆԱԿԱՆ ՄԻՋՈՑՆԵՐ

ԳԼՈՒԽ ԺԱ Տազնապի մասին

Տազնապալից վիճակը այնպիսի փորձություն է, որի շնորհիվ և որի միջոցով գրոհում են բազմաթիվ այլ փորձություններ ևս: Տրտմությունը հոգու նեղություն է՝ իր կամքից անկախ պատահած չարիքի հետևանքով: Այն կարող է լինել արտաքին, ինչպես աղքատությունը, հիվանդությունը, արհամարհանքը, և ներքին, ինչպես անգիտությունը, չորությունը, մողկանքը, գայթակղությունը: Իրեն տհաճություն պատճառող չարի ներգործությանը ենթարկվող անձը համակվում է տրտմությամբ: Նա շուտափույթ միջոցներ է ձեռնարկում՝ ազատվելու չարից: Դա բնական է. յուրաքանչյուրն էլ ձգտում է հեռացնել իրենից այն, ինչ չարիք է ներկայացնում իր համար: Եթե անձը ղեկավարվում է Աստծու սիրով, ապա վարվում է խոնարհությամբ, հանդարտությամբ, համբերությամբ և հեզությամբ՝ հույսը դնելով ավելի Աստծու գթասրտության, քան սեփական ուժերի, ջանքերի, գիտելիքների վրա, իսկ եթե դրդիչ հանգամանքը ոչ թե Աստծու սերն է, այլ ինքնասիրությունը, ապա նա շտապում է և ոգևորությամբ որոնում չարը հեռացնող մողանոր միջոցներ, կարծես թե արդյունքն ավելի շատ իրենից է կախված, քան՝ Աստծուց:

Եթե անձը շուտով չի հասնում ուզածին, համակվում է սաստիկ տնագնապով և անհամբերությամբ: Չարիքը չի վերանում, ընդհակառակը՝ նրա իշխանությունն էլ ավելի է ամրանում, քանի որ չափից դուրս տրտմելուց և վիատվելուց հոգին կորցնում է իր ուժն ու արիությունը, և չարիքը թվում է անհաղթահարելի:

Այսպիսով տեսնում ենք, որ, ինքնըստինքյան, օրինավոր տրտմությունը տազնապ է ծնում: Վերջինս ծայրաստիճան խորացնում է տրտմությունը, ինչը

* Ակիգորը տե՛ս «Էջմիածին» ամսագրի 1998 թ. Դ, Ե, Զ, Է, Ժ-ԺԱ և 1999 թ. Ա համարներում:

չափազանց վտանգավոր է: Մեղքից հետո, այն հոգում սպառնացող ամենամեծ չարիքն է: Ինչպես պետությունն է թուլանում մեղքին խոտվություններից ու խառնակություններից և անկարող դառնում դիմադրելու թշնամուն, այնպես էլ մեր խոտվահույզ և տագնապած սիրտն ի վիճակի չի լինում՝ պահպանելու ձեռք բերած առաքինությունները և ուժ չի գտնում դիմակայելու փորձություններին, ինչի հետևանքով էլ թշնամին հնարավորություն է ստանում, ինչպես ասում են, ծուկ որալ պղտոր քրում:

Տագնապալից վիճակն առաջանում է տառապանք պատճառող չարից ազատվելու, հոսացած բարիքն ստանալու անսահման ցանկությունից: Այնուամենայնիվ, ոչինչ այդպես չի կրկնապատկում չարի ուժը և հեռացնում բարին, ինչպես շտապողականությունն ու տագնապը: Թռչնակը խճճվում է ցանցում, որովհետև սկսում է խուճապահար մեծվել այս ու այն կողմ: Եթե ուզում ես հասնել որևէ նպատակի կամ ազատվել ինչ-որ չարիքից, ամենից առաջ խաղաղեցրու միտքդ, թող որ քո դատողությունները և կամքը գրավեն իրենց տեղերը, մոր միայն, առանց շտապելու, համապատասխան միջոցներ ընտրիր նպատակիդ հասնելու համար, առանց հուզմունքի և շփոթվածության, այլապես կփչացնես ամբողջ գործը և կհայտնվես էլ ավելի դժվարին վիճակում:

«Դոգիս ամեն ժամ իմ ձեռքում է, - բացականչում է Դավիթ թագավորը, - և ես քո օրենքը չմոռացա» (Սղմ. 118, 109): Օրը մի քանի անգամ քննիր ինքդ քեզ, մանավանդ առավոտյան և երեկոյան, քո ձեռքում է արդյոք հոգիդ, թե նրան տիրացել է որևէ կիք կամ տագնապ և հափշտակել քեզանից: Տիրապետում ես դու քո սրտին, թե այն գտնվում է որևէ սաստիկ կլանող զգացմունքի ազդեցության ներքո՝ ոչ օրինավոր սիրո, ատելության, մախանձի, վախի, բուռն ցանկության: Եթե այն մոլորվել է, ամենից առաջ գտիր և կանգնեցրու Աստծու առջև: Զո զգացմունքներն ու ցանկությունները ենթարկիր Նրա Աստվածային կամքին: Ով վախենում է որևէ թանկագին բան կորցնելուց, աշխատում է այն ձեռքից բաց չթողնել: Ուրեմն մենք էլ պիտի ասենք սաղմոսերգուի մեծան. «Դոգին իմ ենթակա էր պատահականությունների, դրա համար ես միշտ պահում եմ այն իմ ձեռքում և այդպիսով չեմ մոռանում օրենքը Զո»:

Թույլ մի տուր ցանկություններդ անհանգստացնեն քեզ, այլապես սրտումդ խառնաշփոթ և անբարեկարգություն կառաջանա: Երբ զգում ես, որ անհանգստության ալիք է բարձրանում, հանձնիր քեզ Աստծուն և որոշիր ոչ մի բան չձեռնարկել ցանկությունդ իրականացնելու համար, մինչև իսպառ չանցնի տագնապը: Եթե գործը հրատապ է, այս դեպքում էլ ջանա որքան հնարավոր է հանդարտորեն զսպել ցանկությունդ, հետո միայն հետևիր առավել՝ բանականությանդ, քան՝ ցանկությանդ:

Եթե կարող ես, պատմիր քո տագնապների մասին հոգևոր առաջնորդիդ կամ հավատարիմ ընկերոջդ և մի կասկածիր, որ օգնություն կստանաս, վիշտը կիսելն արդեն թեթևություն է բերում, այն ամենալավ դեղամիջոցն է:

ԳԼՈՒԽ ԺԲ

Տրտմության մասին

«Տրտմությունը, ըստ Աստծու ուզածի, ապաշխարություն է առաջ բերում փրկության համար, իսկ աշխարհի տրտմությունը մահ է առաջ բերում» (Բ ԿՈՐՆ. 7. 10): Տրտմությունը կարող է լինել լավ ու վատ՝ կախված ներգործության եղանակից: Բարի ազդեցությունն ի հայտ է գալիս երկու կերպ՝ ողորմածության և ապաշխարության, վատը՝ վեց՝ ծուլության, տագնապի, վրդովմունքի, խանդի, մախանձի, անհամբերության:

Տխրությունն սպանեց շատերին (Սիր. 30. 25): Սյո աղբյուրից միայն երկու բարի ամվակ են հոսում, իսկ մնացած վեցը՝ վատն են:

Թշնամին տրտմությունն օգտագործում է՝ փորձությունները սաստկացնելու համար: Զարագործներին փորձում է ներշնչել գոհունակություն՝ գործած մեղքերից, բարիներին հիասթափություն՝ իրենց բարի գործերում: Զե՞ որ այլ կերպ չի կարելի ներքաշել չար գործերի մեջ, եթե չիրաճվի այն հաճելի կերպով և հեռացնել բարի գործերից, եթե չներկայացվի ամախորժ կերպով:

Հակառակորդին ուրախացնում է տխրությունն ու մեղամաղձոտությունը, որովհետև ինքն այդպիսին է և այդպիսին էլ մնալու է հավերժ: Նա ուզում է, որ բոլորը նմանվեն իրեն: Վատ տրտմությունը քայքայում է հոգին, առաջացնում անհիմն վախ, շեղում աղոթքից, տկարացնում և ճնշում միտքը, զրկում արիությունից ու վճռականությունից, ջլատում ուժերը, խիստ ձմռան նման ոչնչացնում երկրի գեղեցկությունը և անշարժության մատնում ողջ կենդանությունը: Այն սպառում է հոգու բոլոր հյութերը, դարձնում անընդունակ ու անգործունյա: Բարեկամն, եթե երբևէ համակվես այդ վատ տրտմությամբ, դիմիր աղոթքին (Հակ. 5. 13), որը մեծագույն միջոցն է տրտմության դեմ, ընդ որում, պետք է ընտրել աստվածային սերն ու ողորմածությունն արտահայտող աղոթքներ:

Դիմադրիր տրտմությանը, մի՛ դադարիր գործելուց, որքան էլ անտարբեր ու տխուր լինես: Քեզ բարի գործերից հեռացնելու միտում ունեցող թշնամին, տեսնելով, որ չես թողնում բարի գործերդ, այլ անում ես ինքդ քեզ հարկադրելով, դադարում է քեզ տրտմեցնել և արածդ է՛լ ավելի մեծ արժեք է ձեռք բերում: Երգիր Սաղմոս, հոգևոր երգեր, նրանց հաճախ ստիպում են նենգավորին վերջ տալ իր բռնած գործին: Զբաղվիր զանազան այլ գործերով՝ հոգին մաքրելու և ջերմացնելու համար, քանի որ տրտմությունը ցրտաշունչ և չար մոլուցք է: Ջանասիրաբար կատարիր գործերդ, թեկուզև առանց հաճույքի: Կրծքիդ սեղմիր խաչը, հառիր հայացքդ երկնքին՝ վստահության և սիրո արտահայտությամբ. «Ո՛վ պիտի բաժանի մեզ Քրիստոսի սիրուց» (Հռ. 8. 35): Ավելի հաճախ հաղորդվիր Սուրբ Սարմնին ու Սրյանը, այն ամրացնում է մարդու սիրտը (Սղմ. 103. 15) և զվարթացնում հոգին: Պատմիր քո վշտերի մասին հոգևոր առաջնորդին ու ընկերներին: Եւ, վերջապես, հանձնիր քեզ Աստծուն՝ վիշտդ կրելու հոժարությամբ, և մի կասկածիր, որ, սիրտդ քննելուց հետո, Աստված կուղարկի քեզ իր օգնությունը:

ԳԼՈՒԽ ԺԳ

Հոգևոր մխիթարությունների մասին

Այս աշխարհում ամեն ինչ փոփոխական է. իրար են հաջորդում գիշերն ու ցերեկը, տարվա չորս եղանակները, ոչ մի օրը նախորդին չի կրկնում: Մարդու կյանքի օրերն ու ժամերը նույնպես միանման չեն անցնում՝ մերթ ուրախ, մերթ վախով համակված, մերթ հույսով լի, մերթ վշտի ու ցավի մեջ:

Որքան էլ դրսում, թե՛ անձնական կյանքում ամեն բան անընդհատ ենթարկվի փոփոխության, մեր սիրտը մշտապես պիտի ձգտի հաստատված մնալ Աստծու մեջ: Ինչպիսին էլ լինի մեր հոգեվիճակը՝ քնքուշ, խաղաղ, վշտաբեկ, տագնապած, փորձության մեջ, համազօստ, լուսավոր, խավար, ցամաք, գորովագութ, միևնույն է, մեր սրտի, մտքի, կամքի կողմնացույցը պետք է անպայման ուղղված լինի մեր Արարչին, մեր Փրկչին, միակ և բարձրագույն Բարիքին: «Եթե ապրում ենք, Տիրոջ համար ենք ապրում, և եթե մեռնում ենք, Տիրոջ համար ենք մեռնում» (Դճ. 14. 8).- ասում է առաքյալը:

«Ո՛վ պիտի մեզ բաժանի Քրիստոսի սիրուց» (Դճ. 8. 35-39): Այո, ոչ վիշտը, ոչ տագնապը, ոչ մահը, ոչ կյանքը, ոչ ներկա նեղությունները, ոչ գալիք փորձությունների ահը, ոչ մեծագվորի խորամանկությունները, ոչ սփոփանքի առատությունը, ոչ տառապանքի խորությունը, ոչ խանդաղատանքը, ոչ անտարբերությունը երբեք չեն բաժանի մեզ այս սիրուց, որի հիմքը Հիսուս Քրիստոսն է:

Մշտապես փոփոխվող վիճակներում և հանգամանքներում, Աստծու սիրուց չբաժանվելու վճռականությունը նպաստում է մեր հոգու հավասարակշռությունը և կայունությունը պահպանելուն: Բացի այս ընդհանուր գաղափարներից, անհրաժեշտ են և մասնավոր ցուցումներ: Բարեպաշտությունը քնքշանքի, խանդաղատանքի, հուզումների, արցունքների ու հառաչանքների, հաճելի զգացողությունների համադրում չէ ամենկին: Ո՛չ, սիրելի՛ բարեկամս, այդ ամենը համազոր չէ բարեպաշտությանը: Քիչ չեն բազմապիսի մխիթարություններ և քնքուշ զգացումներ վերապրող, բայց ախտավոր հակումներով մարդիկ, ովքեր չունեն ոչ ճշմարիտ սեր առ Աստված, ոչ էլ ճշմարիտ բարեպաշտություն: Երբեմն թշնամին զվարճանալու նպատակով բորբոքում է մեր երևակայությունը: Ոմանք եկեղեցում, հաշյալ Փրկչին նայելով, հուզվում և արտասուք են հեղում, բայց նրանց արցունքները շատ շուտ են ցամաքում՝ շոգ ամառվա անձրևաջրի պես: Հուզմունքից և խանդաղատանքից բխող արցունքները չեն թափանցում արատավոր սրտից ներս և օգուտ չեն տալիս: Այդ խեղճ մարդիկ չեն համաձայնվի հանուն Քրիստոսի հրաժարվել գոնե մեկ վատ սովորությունից, զրկվել իրենց կյանքի որևէ հարմարավետությունից, բաժանվել անարդարացի վաստակած հարստությունից: Հաճախ այդ սրտառու զեղումները ոչ թե աստվածապաշտության դրսևորում են, այլ թշնամու խորամանկություն, քանի որ նրանք ամենևին չեն փնտրում ճշմարիտ բարեպաշտություն և բավականին գոհ

են իրենցից: Այս մարդիկ, թեև լալիս են խաչալ Փրկչի տառապանքների և մահվան համար, բայց իրենց սրտերը Նրան համծնել չեն ուզում: Աստված չի կարող փոխել նրանց հետաքրքրությունները՝ հրապույրները, մանր կապվածությունները, որոնք համեղ ուտեստների պես ավելի ցանկալի են, քան-երկնային երանությունները: Աստվածպաշտությունը չի կարող հիմնվել հեղհեղուկ, սենտիմենտալ ապրումների վրա, որ բնորոշ են անկայուն խառնվածքներին՝ տապալորվող ու չափազանց զգայուն ամեն տեսակի փոփոխությունների նկատմամբ: Սակայն այդ նուրբ զգացմունքները կարող են և օգտակար ու բարի լինել, որովհետև ջերմություն են հաղորդում հոգուն, խթանում միտքը՝ աշխույժ ու զվարթ տրամադրություն ստեղծում, ինչը նպաստում է մեր գործերը հաճույքով կատարելուն: Դավիթ թագավորը բացականցեց. «Որքան քաղցր են քո խոսքերը իմ քիմքին, ավելի քաղցր, քան մեղրն իմ բերանին» (Սղմ. 118, 103): Աստծու ծառաների վկայությամբ, երկնային մխիթարությունները մեծապես զերազանցում են աշխարհիկ հաճույքներին: Նրանք կանխաճաշակումն են երկնային երանությունների:

Ալեքսանդր Մեծը, բաց ծովում նավարկելիս, քամու բերած ծաղիկների բուրմունքով հեռվից ճանաչեց Արաբիան: Նա և նրա ուղեկիցները սրտապնդված շարունակեցին ճանապարհը: Այսպես և մենք, ժամանակավոր կյանքի ծովում Աստծուց պարզևներ ենք ստանում, որոնք հաղորդում են մեզ կանխազգացումը երկնային հայրենիքի, որին սպասում ենք կարոտով:

Բնականաբար, քո մեջ հարց է ծագում՝ ինչպե՞ս տարբերել Աստծու ուղարկած ազնիվ զգայական ուրախությունները նրանցից, որ բխում են մեր իսկ բնությունից կամ էլ թշնամուց և անօգուտ են ու նույնիսկ վտանգավոր:

Մենք կարող ենք ճանաչել պտուղներից (Մտթ. 7, 16): Մեր սրտերը կարելի է մամեցնել ծառերի, զգացմունքները և կրքերը՝ ճյուղերի, իսկ գործերն ու արարքները՝ պտուղների: Եթե մեր զգացմունքներից, քնքշանքից, մխիթարություններից դառնում ենք ավելի խոնարհ, համբերատար, կարեկցող, գթասիրտ, զիջող, մեծերին հնազանդվող, ապրում ավելի պարզ կյանքով, եթե դրանք օգնում են հաջողությամբ պայքարելու սեփական վատ հակումների դեմ, անշուշտ, Աստծուց են: Բայց եթե մարդը դառնում է կտրուկ, ինքնասածի, հպարտ, անհոգի և իրեն սուրբ է համարում ու անտեսում ուրիշների խրատները, անշուշտ, նրա զգացմունքները կեղծ են ու վտանգավոր:

Նման մխիթարությունների ամկայությունն ամենևին չի նշանակում, որ կարող ենք մեզ բարի համարել: Բարիքի լիությունից մարդը բարի չի դառնում: Ավելի լավ է մտածել այսպես. որքա՞ն բարի է Աստված իրեն փնտրող հոգու հանդեպ (Հմմ. Սղմ. 72, 1-28): Գնահատել է պետք ոչ այնքան աստվածային պարզևները, որքան դրանց աղբիւրը՝ Աստծու սերը: Չէ՞ որ մենք պարզևներ չենք փնտրում, այլ փրկող Աստծուն:

Միշտ պատրաստ լինենք ասելու. «Ուր էլ լինես, Տեր, Գողգոթայում թե Թաբոր լեռան վրա, խաչին գամված թե փառավորված, լավ է մեզ Քեզ հետ միասին լինելը» (Մտթ. 17, 4):

Մխիթարությունների առատության դեպքում խորհրդակցիր հոգևոր առաջնորդիդ հետ՝ ինչպես չափավորել, հավասարակշռել զգացմունքներդ: Ասված է. «Երբ մեղր գտնես, որոյակ, վերցրու այնքան, որքան անհրաժեշտ է քեզ» (Առակ. 25. 16):

ԳԼՈՒԽ ԺԴ

Չոգու ցամաքություն և անպտղաբերություն

Մխիթարություններով լեցուն հրաշալի ժամանակը մշտատև չէ: Գալու է և այն պահը, երբ հոգիդ թվալու է ամապատ, անպտուղ երկիր, ուր հմարավոր չէ գտնել դեպի Աստված տանող արահետ անգամ, շնորհի մի կաթիլ նույնիսկ՝ ոռոգելու այն (Սղմ. 62. 3):

Ավա՞ղ, նման կացության մեջ գտնվող անձը արժանի է խոր կարեկցանքի, մանավանդ, եթե հիվանդությունը սուր բնույթ է կրում: Այդ դեպքում հոգին Դավթի պես հեծկտոցով արտասվում է օր ու գիշեր: Իսկ թշնամին, որպեսզի էլ ավելի խորացնի նրա հուսահատությունը, ծիծաղում է նրա վրա. Քո Աստվածն ո՞ր է (Սղմ. 41. 4): Ո՞ր ճանապարհներին կգտնես Նրան: Ո՞վ է վերադարձնելու Նրա շնորհառատության բերկրանքը: Ուրեմն, ինչպե՞ս վարվել նման դրության մեջ գտնվելիս:

Ուշադրությամբ ըննիր՝ ո՞րն է տրտմությանդ պատճառը: Հաճախ հոգևոր ցամաքությունն ու անպտղությունը լինում են մեր մեղավորության հետևանքով: Ինչպես մայրն է արգելում երեխային քաղցրավենից ուտել, եթե այն վնասում է նրան, այնպես էլ Աստված զրկում է մխիթարությունից, եթե անձը մեծամտանում է դրանից կամ տարվում այլևայլ սին զգացմունքներով: «Լավ է, որ Դու խոնարհ դարձիր ինձ» (Սղմ. 118. 67-71): Այդ տեղի է ունենում, երբ մենք ծուլությունից աստվածային սիրուն արժանի պտուղներ չենք բերում: Իսրայելացիները կարող էին հավաքել մանանան մինչև արևի դուրս գալը, որովհետև տաքությունից այն հալվում էր (Ելք 16. 21): Երբեմն մենք, ինչպես հարսնացուն Երգ Երգոցում, (5. 2-6) կլանվում ենք երկրային զգայական մխիթարություններով և հաճույքներով: Փեսան բախում է դուռը, հրավիրում մեզ, մինչդեռ մենք սակարկում ենք, ափսոսում թողնել մեր երկրային գործերը և ունայն հաճույքները: Ճարահատյալ նա հեռանում է, մենք մնում ենք նույն տեղում: Երբ նորից ցանկություն արթնանա գտնելու Նրան, ստիպված կլինենք երկար դրոճել: Իհարկե, մենք արժանի ենք դրան, քանի որ հավատարիմ չեղանք Նրա սիրուն, աշխարհիկ գործերը նախընտրելով՝ հրաժարվեցինք հետևել Նրան. մենք ունենք եզիպատսի ալյուրը, ինչների՞ս է պետք երկնային մանանան: Մեղուններին չեն հրապուրում արհեստական բուրմունքները, նույնպես և Սուրբ Չոգու բուրմունքը անհամատեղելի է այս աշխարհի կեղծ հաճույքներին: Քո հոգում երկվություն է առաջանում և ամենևին գաղմաճալի չէ՝ Սուրբ Չոգին, որին դու ստում ես, զրկում է քեզ իր մխիթարություններից:

Պու հազեցած ես աշխարհիկ վայելքներով, մի՞թե զարմանալի է, որ հոգևոր մխիթարությունները քեզ չեն գոհացնում: «Քաղցածներին լիացրեց բարիքներով և մեծահարուստներին ձեռնունայն արծակեց» (Ղուկ. 1. 53): Աշխարհի վայելքներով լիացածը անհաղորդ է հոգևորին: Պահպանել ես արդյոք եղած մխիթարությունների պտուղները: Եթե պահպանել ես կստանաս նորերը, որովհետև ով ունի, նրան պիտի տրվի և ունեցածը պիտի ավելացվի, իսկ ով իր մեղքով կորցրել է ստացածը, նրանից ունեցածն էլ պիտի վերցվի (Մտթ. 25. 29), և մազոկվելու է այն ամենից, ինչ պատրաստված էր իր համար: Անձրևը կենդանություն է տալիս կամաջ բույսերին, բայց ոչնչացնում արդեն չորացածները: Ահա թե ինչու մենք կորցնում ենք բարեպաշտության մխիթարությունը և ընկնում հոգևոր ցամաքության և անպտղության մեջ: Քննենք մեր խիղճը, և բացառված չէ, որ հայտնաբերվեն նման թերացումներ: Բայց հիշի՛ր, բարեկամս, այդ քննությունը պետք է կատարել առանց խուճապի և ավելորդ հետաքրքրասիրության: Գոհացիր Աստծուց, եթե լրջորեն քննելուց հետո պատճառը քո մեջ գտնես: Երբ պատճառը հայտնի է, չարը կիսով չափ ոչնչացված է: Եթե քո մեջ չգտնես որևէ բան, ինչով պայմանավորված լինի այդ ցամաքությունը, այլևս մի պրպտիր, առանց հետագա վերլուծության, ամենայն պարզությամբ խոնարհվիր Աստծու առաջ՝ գիտակցելով սեփական աղքատությունը և ոչնչությունը: Ինչ եմ ես առանց Քեզ, ով Տեր, չոր ու ճաքճած հող միայն, որը ծարավի է երկնքից թափվող անձրևի, այնինչ քամին ցրում է ամպերը և փոշու վերածում հողը:

Աղաղակիր Աստծուն, ուրախություն խնդրիր Նրանից. «Տուր ինձ ցնծությունը Քո փրկության» (Աղմ. 50. 14), «հեռացրու ինձնից այս բաժակը» (Մտթ. 26. 39, Ղուկ. 22. 42), «սաստիր հոգիս ցամաքեցնող քամուն, ուղարկիր մխիթարական հովը, որ փչի իմ պարտեզի մեջ» (Երզ 4. 16) և տարածի ծաղիկների բույրը: Գնա խոստովանության, բաց արա սիրտդ Աստծու առաջ, թող երևան գան հոգուդ բոլոր ելևէները: Հեզությամբ և խոնարհությամբ ընդունիր բոլոր հոգևոր խորհուրդները: Աստված սիրում է հնազանդությունը, այլոց՝ մանավանդ հոգևոր առաջնորդների խորհուրդներին անսալը: Այս միջոցներին դիմելուց հետո, նման իրավիճակում ոչինչ այնքան օգտակար չէ, որքան համբերությունը և խաղաղությամբ ավարտին սպասելը: Ես ոչ թե ասում եմ, թե պետք չէ ձգտել ազատագրման, այլ պետք է հույսը դնել Աստծու ողորմածությանը և չցուցաբերել շտապողականություն ու անհամբերություն: Ասա. «Ով Աստված, եթե կարելի է, հեռացրու ինձանից այս բաժակը» (Մտթ. 26. 39, Ղուկ. 22. 42): Տեսնելով պատրաստակամության այս դրսևորումը, Աստված կմխիթարի մեզ իր ողորմածություններով, ինչպես օրինեց Աբրահամին, երբ տեսավ սիրելի որդուն զոհելու հոժարությունը: Ասենք. «Տերը տվեց ինձ մխիթարություն, Տերն էլ ետ առավ: Թող օրհնյալ լինի Տիրոջ անունը» (Հոր. 1. 21): Կարևորն այն է, որ չկորցնենք արիությունը, համբերատար սպասենք մխիթարությունների վերադարձին, միևնույն ժամանակ, շարունակելով մեր բարեպաշտ ընթացքը, հետամուտ լինենք բարի գործերին: Քո հնարավորությունների սահմաններում բազմապատ-

կիր բարի գործերը: Աստված ընդունում է և մեր «ցամաքած» սրտի ընծաները, եթե տեսնում է, որ մենք անվերապահորեն որոշել ենք սիրել Նրան:

Հաճախ պատահում է, որ հոգևոր մխիթարություններ վայելող անձը մոռացության է մատնում բարի գործերը և, հակառակը, նրանցից զրկվելուց հետո, առավել ուշադրություն դարձնում քարեպաշտական լուրջ գործերին և հմտանում այնպիսի բարձր առաքինություններում, ինչպիսիք են համբերությունը, խոնարհությունը, անձնուրացությունը, ինքնասիրության հաղթահարումը: Ոմանք, մասնավոր կանայք, կարծում են, որ Աստված ավելի քիչ է հավանում, երբ ծառայում ենք Իրեն առանց խանդավառության և բուռն զգացմունքների: Իրականում պատկերն այլ է: Այն գործերը, որոնք արթնացնում են ջերմ զգացմունքներ, հաճելի են մեզ, իսկ երբ չեն արթնացնում, ավելի արժեքավոր են Աստծու առջև:

Այո՛, սիրելի՛ բարեկամս, ցամաքած, բեկված սրտով մենք ավելի շուտ ենք մղվում Աստծուն ծառայելուն և շատ ավելի գորավոր ու մնայուն արդյունքների հասնում, քան հուզառատությունն է:

Դժվար չէ ծառայել թագաժառանգին խաղաղության պայմաններում, երբ քեզ հասու են պալատական կյանքի բոլոր վայելքները, բայց փորձիր ծառայել տազնապի, հալածանքների ժամանակ, պատերազմական դժվարին պայմաններում:

Հայտնի Սրբերի վկայությամբ, Աստծու մոտ ավելի մեծ արժեք է ձեռք բերում այն աղոթքը, որն արվում է ներքին հարկադրությամբ, երբ հաղթահարվում է սրտի ցամաքությունն ու դիմադրությունը:

Նույնը կարելի է պսել և բոլոր բարի գործերի վերաբերյալ: Որքան շատ են թե՛ ներքին, թե՛ արտաքին խոչընդոտները, այնքան ավելի գնահատելի է արած գործը: Որքան քիչ ենք անձնապես շահագրգռված տվյալ առաքինի գործում, այնքան ավելի վառ է լուսարձակում Աստծու սերը նրանում:

ԳԼՈՒԽ ԺԵ

Ասվածի հիմնավորումն ու բացատրությունը՝ օրինակներով

«Սովորական իրողություն է, որ համարյա բոլորը, ովքեր սկսում են ծառայել Աստծուն, պատկերացում չունեն հոգևոր կյանքի փոփոխականության մասին: Երբ հավատացյալն այլևս անմիջականորեն չի զգում այն բերկրանքը, որն օգնում է ընթանալ Աստծու ճանապարհով, ուժասպառ է լինում, մատնվում տրտմության և վիատության: Այս հանգամանքը բացատրվում է հետևյալ կերպ. մարդու էությունն այնպիսին է, որ ի վիճակի չէ երկարատև մնալ առանց երկրային կամ երկնային մխիթարության: Վեհ հոգիները հեշտությամբ հրաժարվում են զգայական մխիթարություններից՝ համուն հոգևոր մխիթարության, բայց երբ զրկվում են ոչ միայն մարմնավոր, այլև հոգևոր մխիթարություններից, քանի դեռ վարժված չեն համբերությամբ սպասելու ճշմարիտ արեգակի վերադարձին,

իրենց իրենց ոչ երկրի վրա են գգում, ոչ երկնքում և խորասուզվում են անվերջանալի գիշերվա մեջ: Ինչպես կրծքի երեխան է տագմապում և լալիս մոր կուրծքը կորցնելիս, այնպես էլ նրանք կարոտից հանգիստ չեն գտնում: Այդպես պատահեց և Ջեֆրի Պերոնացու հետ, երբ մոր էր անցել Աստծուն ծառայելուն: Դենց որ մնաց առանց մխիթարության, հոգևոր խավարի մեջ, մորից դարձավ դեպի իր աշխարհիկ ընկերներն ու հարազատները և ենթարկվեց ծանր փորձությունների: Եղբայրներից մեկը հարցրեց նրան. «Ինչո՞ւ ես այդքան տխուր ու մռայլ»: «Ես այլևս երբեք ուրախ չեմ լինի», - պատասխանեց Ջեֆրին: Ատահոգված եղբայրն այդ մասին պատմեց իրենց ընդհանուր հոգևոր հորը, որը, հասկանալով վտանգը, մտավ մոտակա եկեղեցի՝ աղոթելու նրա համար: Նույն ժամանակ Ջեֆրին վշտաբեկ քնած էր քարի վրա: Քիչ հետո երկուսն էլ ոտքի ելան՝ մեկը՝ աղոթքից, մյուսը՝ քնից, այնպիսի ուրախ ու հանգիստ տրամադրությամբ, որ նրա մտերիմը, այդ հանկարծակի փոփոխությունից ապշած, հիշեցրեց երեկվա ասածը: «Իսկ հիմա ես համոզված եմ, որ այլևս երբեք տրտում չեմ լինի», - պատասխանեց նա:

Այս պատմության վերաբերյալ ուզում եմ ասել հետևյալը: Սկզբնական շրջանում Աստված հոգևոր ուրախություններ է տալիս, որպեսզի մարդու ուշադրությունը շեղի երկրային վայելքներից և մղի դեպի հոգևոր սերը: Դետագայում Աստված երբեմն զրկում է այդ մխիթարություններից՝ մեզ փորձությունների և գայթակղությունների ենթարկելով՝ աստվածապաշտության մեջ հաստատելու նպատակով:

Ինչպես է փոթորկվում այն հոգին, որը ցամաքել է և դեռ չգիտի, որ պետք է համբերությամբ հաղթահարի և այդ: Մենք երբեք չգիտի կորցնենք արիությունը, ինչպես Ջեֆրին: Գիշերվա խավարում պիտի սպասենք լույսի բացվելուն և բարենպաստ պայմաններում չկարծենք, որ երբեք տրտում չենք լինելու: Իմաստունի խոսքով, երջանկության օրերին պետք է հիշել դժբախտության մասին (Սիրաք 11. 27): Պետք չէ կորցնել հույսը դժվարին պարագաներում և պետք է գգուշանալ հաջողությունների ժամանակ: Թե՛ այս, թե՛ այն դեպքում միշտ պետք է համակերպվել:

Լավ միջոց է տառապանքների մասին պատմել հոգևոր բարեկամին, ով ընդունակ է օգնել քեզ: Ամբողջացնելով մեր միտքը՝ ասենք, որ բոլոր իրավիճակներում Աստծու և մեր փրկության թշնամու նկատառումները հակադիր են: Աստված առաջնորդում է մեզ սրտի կատարյալ մաքրության, Աստծուն ծառայելու համար սեփական շահերից լիակատար հրաժարման և ամբողջական անձնուրացության, իսկ նենգավորը ձգտում է նույն հանգամանքներն օգտագործել ի վնաս մեզ՝ մեր արիությունը խաթարելու, զգայական վայելքների մղելու, այնպիսի իրավիճակներ ստեղծելու, որպեսզի մենք ծանծաղանք եւ մեզ, եւ մեր շրջապատին՝ նպատակ ունենալով պարսավել և արժեզրկել աստվածապաշտությունը: Իմ խորհուրդներին հետևելը կօգնի քեզ անցնել վշտերի և նեղությունների միջով և հաստատվել կատարելություն տանող ճանապարհին:

Ուզում եմ ավելացնել ևս մի քանի խոսք: Երբեմն հուսահատությունը, նողկանքը և անտարբերությունը հետևանք են անառողջ վիճակի, գերհոգնածության, ֆիզիկական տկարության, ինչն ազդում է հոգեկանի վրա, որովհետև նրանք սերտ կապի մեջ են: Այս վիճակում հարկավոր է փորձել որևէ բարի գործ կատարել, որպեսզի, ինչպես հարսը Երգ Երգոցում, կարելի լինի ասել. «ես քնած եմ, բայց իմ սիրտն արթուն է» (5, 2): Սիւնույն ժամանակ անհրաժեշտ է մարմնին տալ օրինավոր համգիստ և թեթևացում: Ար. Ֆրանցիսկոսը սովորեցնում էր, որ պետք է չափավորել ծանրաբեռնվածությունը՝ հոգու նկրտումները չխափանելու համար: Ֆրանցիսկոս Ասսիզեցու* կյանքում եղել է մի շրջան, երբ ընկղծվել է խորը մեկամաղծության մեջ, որը վերագրել է իր անկարգապահությանը: Նա այլևս ընդունակ չէր զրուցել աշակերտների հետ, բայց առանց նրանց ավելի վատ էր զգում: Նա սպառել էր իր ուժերը ժուժկալությամբ և մարմնավոր ճգնություններով, և աղոթքն այլևս չէր օգնում: Այդ վիճակը տևեց երկու տարի: Նրան թվում էր, թե Աստված լքել է իրեն: Ծանր փորձությանը խոնարհությամբ դիմանալուց հետո, Փրկիչը նորից երանավետ խաղաղություն պարգևեց նրան: Այս մասին պատմեցինք, որպեսզի տեղյակ լինես, որ Աստծու մեծ ծառաները նույնպես ենթարկվել են զանազան տարուբերումների, և ամենակին պետք չէ հուսահատվել ու զարմանալ, երբ նույնը պատահում է նաև մեզ:

(Շարունակելի)

Ռուսերենից թարգմանեց
ԱՐԹՐՆԵ ՊԼՊԱՅԱՆԸ

* Ֆրանցիսկոս Ասսիզացի (1181-1226) - Ֆրանցիսկյան միաբանության հիմնադիր: Սերում էր հարուստ ընտանիքից: Քսան տարեկան հասակում հրաժարվեց իր ժառանգությունից և հիմնեց «մուրացկանների» միաբանությունը, որը հաստատվեց Ինոկենտի Գ Պապի կողմից: Արքադասվեց իր մահից երկու տարի անց:



ՀԱՅԱՍՏԱՆԻ

ՆՎԻՐՎՈՒՄ Է ՀՍՅԱՍՏԱՆՈՒՄ ԲՐԻՍՏՈՆԵՌՈՒԹՅԱՆ ՊԵՏԱԿԱՆՈՐԵՆ ԸՆԴՈՒՆՄԱՆ 1700-ԱՄՅԱԿԻՆ

ՊԻՈՆ ՀԱԿՈՐՅԱՆ

Բանասիրական գիտությունների դոկտոր

ԵՊԻՍԿՈՊՈՍԱԿԱՆ ԱԹՈՌՆԵՐԸ ԳՐԻԳՈՐ ԼՈՒՍԱՎՈՐՉԻ ՕՐԵՐԻՆ

Նախ՝ երկու խոսք ընդհանրապես եպիսկոպոսական Աթոռի, վիճակի կամ, ժամանակակից անվանակոչությամբ, հոգևոր թեմի մասին:

Թեմը որևէ աշխարհագրական-ազգագրական շրջանի, երկրամասի կամ երկրի, աշխարհագրական գոտու կամ աշխարհամասի միևնույն դավանությանը կամ եկեղեցուն պատկանող կրոնական համայնքների միավորումն է մեկ ընդհանուր հոգևոր տեսչության ներքո: Նրա առաջնորդը եպիսկոպոսն է: Թեմակալի կամ նրա առժամանակյա տեղակալի պաշտոնը վերապահվում է միայն կուսակրոն հոգևորականին՝ արքեպիսկոպոս, եպիսկոպոս և վարդապետ՝ վերջինիս համար պայմանով, որ նա որոշ ժամանակ անց ձեռնադրվի եպիսկոպոս:

Թեմերի սահմաններն անփոփոխ չեն, անհրաժեշտության դեպքում նրանք կարող են վերանայվել՝ բաժանվել երկու և ավելի անկախ թեմերի, ինչպես նաև միավորվել հարևան թեմերի հետ կամ ընդհանրապես լուծարվել:

Թեմի նվազագույն օղակը կամ միավորը ծխականը կամ ծուխն է, որոնց կամավոր համախմբումից ձևավորվում են եկեղեցական-կրոնական համայնքները: Վերջինները կարող են ընդգրկել ինչպես առանձին բնակավայրերի, այնպես էլ որևէ գյուղի կամ քաղաքի մեկ կամ մի քանի թաղերի ծխերն ու ծխականներին: Կրոնական-եկեղեցական համայնքների հոգևոր ղեկավարները ծխատեր կամ ծխակատար քահանաներն են: Յուրաքանչյուր համայնք, սովորաբար, հիմնում է իր եկեղեցին, ուր կատարվում են կրոնական և ծիսական արարողություններ ու խորհուրդներ՝ Պատարագ, Ժամերգություն, Մկրտություն, Պսակ և այլն:

Հայոց ամենահեղինակավոր քառարանները («Նոր քառգիրք հայկազեան լեզուի», «Առձեռն քառարան») «թեմ» քառը բացատրում են

որպես «վիճակ եպիսկոպոսի, գաւառ՝ անկեալ ընդ իշխանութեամբ եպիսկոպոսութեամ»՝ համապատասխան վկայություններ քերելով 12-րդ և հետագա դարերի մատենագիրներ Մատթեոս Ուռհայեցոյ, Վարդան Վարդապետի (Արևելցի), Ստեփաննոս Օրբելյանի և Զաքարիա Մործորեցու երկերից: Այնչաթող է արված կոստանդին Ա Բարձրաքերդցու «Սահմանք կանոնական»-ը (1243 թ.), ուր իր բուն նշանակությամբ երեք անգամ օգտագործված է «թեմ» բառը («Արժամատուրք միայն և գիտունքն առցեն զաստիճան եպիսկոպոսութեամ» մեծաւ ջննութեամբ և վկայութեամբ և թեմին կամակցութեամբ... հասակաւ մի՛ պակաս քան զերեսուն ամն», «Օտար յաշխարհէ եպիսկոպոս կամ վարդապետ, կամ երէց կամ գերոյ տէր առանց թեմի եպիսկոպոսին մի՛ շրջեսցին... այլ նորա հրամանաւ», «Երկիցս անգամ շրջեսցի եպիսկոպոսն ի տարուցն յիւր թեմն...»)¹: Հ. Աճառյանի «Արմատական բառարան»-ը ևս նույնն է հավաստում՝ ավելացնելով, թե այս փոխառյալ բառը (հունարենից) հայերենի միջոցով անցել է վրացիներից և հարևան ուրիշ ժողովուրդների: «Թեմ»-ը, այսպիսով, համեմատաբար նոր փոխառություն է՝ կատարված Կիլիկյան շրջանում, և նշանակում է «եպիսկոպոսի առաջնորդական վիճակ կամ գավառ»: Հայոց մատենագրության մեջ, ավելի հին շրջանում, այդ նույն նշանակությամբ օգտագործվել է «վիճակ» բազմիմաստ բառը՝ դրա տակ հասկացվելով «նահանգ, թեմ», «եկեղեցական պաշտոն, իշխանության տեղ»: 10-րդ դարի պատմիչ Ուխտամեսն էլ թեմի փոխարեն օգտագործում է «եպիսկոպոսաց Աթոռ» եզրույթը՝ եպիսկոպոսներից անվանելով «աթոռակալք, տեսուչք և առաջնորդք իւրաքանչիւր գաւառս ի փառս Աստուծոյ» (Ա, հ):

Արդի եկեղեցական ընկալումով՝ թեմը կամ եպիսկոպոսական Աթոռը հայ եկեղեցական համայնքների միավորումն է, Հայաստանյայց Առաքելական Եկեղեցու վարչական մարմիններից մեկը, ազգային Եկեղեցու հովվական համայնքների միավորմամբ հաստատված կազմակերպություն՝ աշխարհագրական որոշակի շրջանի մեջ: Թեմի, վիճակի կամ եպիսկոպոսական Աթոռի իշխանության գլուխը եպիսկոպոսն է՝ որպես թեմակալ առաջնորդ:

Սովորաբար, թեմերն ունեն միասնական կառուցվածք՝ իրենց կարգադիր ու տնօրեն մարմինը, որը թեմական պատգամավորական ժողովն է: Վերջինս ընտրում է Թեմական խորհուրդ, որը տվյալ թեմի գործադիր մարմինն է և առաջնորդի խորհրդատուն: Թեմակալ առաջնորդներին ընտրում են թեմական պատգամավորական ժողովները, բայց նրանք պաշտոնի են կոչվում (կամ արձակվում) Ամենայն Հայոց Կաթողիկոսի կարգադրությամբ ու հաստատումից հետո: Ամեն թեմ կազմում է իր ներքին կանոնադրությունը, որն իրավական ուժ է ստանում Ամենայն Հայոց Կաթողիկոսի վավերացումից հետո: Այդ կանո-

¹ Կիրակոս Քանձակեցի, Պատմություն Հայոց, աշխատասիրությամբ Կ. Մելիք-Օհանջանյանի, Ե., 1981, գլուխ ԽԳ, հոդվածներ Բ, Թ, ԺԲ:

նադրությունները պետք է համապատասխանեն Հայաստանյայց Առաքելական Եկեղեցու սահմանադրության տրամադրություններին և ոգուն:

Հայաստանյայց Եկեղեցու քարձրագույն Ռոգևոր պետերի որոշումներն ու վճիռները գործադրողները մախ և առաջ թեմակալ առաջնորդներն են, իսկ, այնուհետև, վերջիցներիս հսկողությամբ, եկեղեցական-կրոնական համայնքների Ռովիվները. երեցներ ու քահանաներ, արեղաներ ու վարդապետներ, դպիրներ ու սարկավագներ, թեմական կառույցների մեջ պաշտոնավարող անձինք: Թեմակալ առաջնորդներն Ամենայն Հայոց Կաթողիկոսի լիազորն ու ներկայացուցիչներն են իրենց գործունեության սահմաններում:

Հայաստանյայց Առաքելական Եկեղեցու նվիրապետական կառույցի մեջ առաջ եկած փոփոխությունների հետևանքով և ժամանակների ու հանգամանքների թելադրանքով, առանձին թեմեր կամ եպիսկոպոսական Աթոռներ կարող են ընդարձակվել և ձեռք բերել մոր իրավունքներ և ինքնուրույնություն, դառնալ միտրոպոլիտություն, պատրիարքություն կամ մասնավոր կաթողիկոսություն, ինչպես նաև, աստիճանաբար կորցնելով երբեմնի հեղինակությունը, իրավունքներն ու իշխանությունը, իջնել սովորական թեմերի շարքը կամ առմիշտ հեռանալ պատմության ասպարեզից. ազգային Եկեղեցու անցյալը երկու իրողության համար էլ ընձեռում է ուսանելի օրինակներ:

Հայաստանյայց Եկեղեցու առաջին եպիսկոպոսներից կամ թեմակալ առաջնորդներից սկզբներում ճշանակում էր Ամենայն Հայոց Կաթողիկոսը՝ ինչպես երկրի զանազան գավառներում քրիստոնեության տարածման և Եկեղեցու իշխանության ամրապնդման շահերից: Հետագայում արդեն թեմակալների ընտրությունը կատարվում էր Կաթողիկոսի և տվյալ ազգագրական-աշխարհագրական շրջանի փաստական տիրոջ ու իշխանավորի, նախարարի կամ նախարարական տան փոխադարձ համաձայնությամբ: Ռուսական կայսրության տիրապետության շրջանում թեմակալների ճշանակումը վերապահված էր կայսեր իրավասությանը՝ հարկավ, համապատասխան թեկնածուի կամ թեկնածուների ներկայացմամբ:

Ե՛վ հնում, և՛ մոր ժամանակներում հայտնի են ոչ քիչ դեպքեր, երբ իրար հետ միացվել են երկու և ավելի թեմեր, կամ մի քանի թեմերի Ռոգևոր տեսչությունը վստահվել է մեկ եպիսկոպոսի կամ թեմակալ առաջնորդի, կամ էլ՝ մեկ առանձին թեմում միաժամանակ առաջնորդություն են արել երկու եպիսկոպոսներ: Չենք խոսում արդեն մոր թեմերի ստեղծման կամ հների լուծարման մասին, որ հետևանք է մույն դավանության կրոնական համայնքների վերացմանը կամ կազմակերպմանը՝ միանգամայն մոր շրջաններում և աշխարհագրական գոտիներում: Թեմերի ստեղծման նպատակն ու խնդիրները մույնն են մնացել և՛ հնում, և՛ այժմ. հետևել տվյալ տարածքի եկեղեցական-կրոնական համայնքների ծխականների կամ հավատացյալների շրջանում Հայաստանյայց Առաքելական Եկեղեցու դավանաբանական

սկզբունքների անշեղ պահպանությամբ, քրիստոնեական բարոյական ոգու ամրապնդմանը, ազգային եկեղեցու շահերից բխող բարեսիրական, կրթական և այլ ձեռնարկումների հաջող իրականացմանը:

Հայաստանում առաջին քրիստոնյա համայնքները ձևավորվել են Թադեոս Առաքյալի քարոզության օրերին, Հիսուս Քրիստոսի մահվանից շատ չանցած, և Նրա ձեռքով էլ հիմնադրվել է առաջին եպիսկոպոսական Աթոռն Արտագում, հետագայում հռչակված Թադեի վանքում: Քրիստոնեության լույսի այս առաջին ջահակիրը մահատակի պսակ է ընդունում շուրջ 50 թ.:

Հաջորդը Բարդուղիմեոս Առաքյալն է, որի քարոզությունն ավարտվում է 68 թ., դարձյալ մահատակությամբ: Նրանց գործի շարունակողներն արդեն իրենց աշակերտներն էին, որոնց մեծ մասը մույմպես ուսուցիչ-առաքյալների ճակատագրին է արժանանում: Օրինակ՝ Ջաքարիան մահատակվել է 76 թ., Զեմեմոտսը վախճանվել է 81 թ.՝ եպիսկոպոսական Աթոռը 4 տարի կառավարելուց հետո, Ատրենքսեհը մահատակվել է 97 թ.՝ 15 տարի կառավարելուց հետո, Մուշեն վախճանվել է 128 թ.՝ 30 տարի կառավարելուց հետո, Ծաֆեհը՝ 154 թ., 25 տարի կառավարելուց հետո, Ծավարշը՝ շուրջ 175 թ.՝ 20 տարի կառավարելուց հետո, Ղևոնդիոսը մահատակվել է 193 թ.՝ 17 տարի կառավարելուց հետո²: Նրան հաջորդած եպիսկոպոսների ամուսններն արդեն պատմական ժամանակագրությունները չեն պահպանել, անվիճելի է միայն Գրիգոր Լուսավորչին նախորդած վերջին եպիսկոպոսի անունը՝ Մեհրուժան, որը գահակալել է 230-260 թթ. միջև, և որը ծանոթ է արտաքին աղբյուրներից (Եսեբիոս Կեսարացի, Պատմութիւն եկեղեցւոյ, Թ, ը):

Ավանդական կարգով այս բոլոր եպիսկոպոսների աթոռանիստը Արտագն էր, և դա ընդունում է Հայոց եկեղեցու պատմությամբ քաջատեղյակ Մաղաքիա արքեպս. Օրմանյանը: Նորագույն հետազոտողները, սակայն, փոքր-ինչ խախտում են այդ տեսակետը և Արտագի փոխարեն եպիսկոպոսական աթոռանիստ համարում Աշտիշատի վանքը³: Ովքե՞ր են գահակալել Մեհրուժան եպիսկոպոսից հետո Հայաստանում, պատմությունը լռում է, մինչև որ ասպարեզ է իջնում Ս. Գրիգոր Լուսավորչի՝ վերստեղծելով նվիրապետական մոր կարգ, կառուցելով վանքեր ու եկեղեցիներ և ձեռնադրելով յուրաքանչյուր երկրամասի ու նախարարական տան համար առանձին անկախ եպիսկոպոս:

Ագաթանգեղոսի և նրա նախնական խմբագրությունից օգտված հեղինակների վկայությունների համաձայն, Հայաստանյայց Առաքե-

² Այս եպիսկոպոսների ժամանակագրական ցուցակը տե՛ս Մաղաքիա արքեպս. Օրմանյան, Հայոց եկեղեցին, Ե տիպ, հրատարակեց Դ. Ե., Անթիլիաս, 1952, էջ 197-198:

³ Հ. Գողոս Ամանյան, Քրիստոնեության հետքեր Հայաստանի մեջ Ս. Գրիգոր Լուսավորչի քարոզությունն առաջ, Վեմետիկ - Ս. Ղազար, 1979, էջ 14-19:

լական եկեղեցու նվիրապետական կարգերի և թեմական բաժանման բուն պատկերն ուրվագծվում է քրիստոնեությունը պետական կրոն հռչակելու առաջին տարիներից: Եկեղեցու սպասավորները, վերևից հեռքև, բաժանվում էին Ռինգ կարգի՝ Կաթողիկոս⁴, Եպիսկոպոս, Երեց, Սարկավագ, Անագանոս կամ Ընթերցող (Գրակարդաց)⁵, իսկ թեմական կառույցը, Սամուել Կամբջաձորեցու հավաստմամբ, որին վկայակոչել է 13-րդ դարի պատմիչ Ստեփաննոս Օրբելյանը, բավական համեստ էր, ընդամենը 36 Աթոռ, որոնք, իրենց հերթին բաժանվելով տասնութական երկու խմբի, եկեղեցական ժողովների ժամանակ նստում էին Հայոց Կաթողիկոսի աջ և ձախ կողմերում: Աջից առաջին գահը Հարջա եպիսկոպոսին էր, ձախից առաջինը՝ Բասենո: Հայտնի

⁴ Պատմությանը հավատարիմ լինելու համար հարկ է մշել, որ քրիստոնեության առաջին դարերում «Կաթողիկոս» անվանումն անսովոր էր Հայոց եկեղեցու վեհապետների համար: Օրինակ՝ Սահակ Պարթևը և Սրա Բաբոբդ Հովսեփ Հողոցմեցին իրենց կոչում էին պարզապես եպիսկոպոս՝ «Սահակ Հայոց եպիսկոպոս», «Յովսեփ եպիսկոպոս» (Խորենացի, Եղիշե): Կաթողիկոս կոչումն ընդհանրական է դառնում 6-րդ դարից սկսած, որին զուգահեռ օգտագործվում է եպիսկոպոսապետ կոչումը: Օրինակ՝ «Ի Մեծաց Հայոց ի Բաբգենայ ի Հայոց եպիսկոպոսապետ», «Բաբգեն Հայոց եպիսկոպոսապետ», «Բաբգեն Հայոց Կաթողիկոս» (506), «Ներսես Կաթողիկոս Հայոց Մեծաց» (551), «Ներսես Հայոց Կաթողիկոս» (555), «Յովհաննէս Հայոց Կաթողիկոս» (565), «Մովսէս Հայոց Կաթողիկոս» (600), «Արարհամ Հայոց Կաթողիկոս» (607), «Կոմիտաս Մամիկոնէից եպիսկոպոս, որ յաջորդեցաւ ի կաթողիկոսութիւն Հայոց Մեծաց» (615), «Յովհաննէս Հայոց Կաթողիկոս» (Օձնեցի, 726), «Նաչիկ Կաթողիկոս Հայոց Մեծաց» (986), «Տէր Գեորգ Հայոց վերադիտող» (շուրջ 1070 թ.) և այլն: Հայոց Կաթողիկոսների իշխանությունը տարածվում է Մեծ Հայքի ողջ տարածքում, Արվանդում, իսկ մինչև 7-րդ դարը՝ մահ Վրաց և Աբխազաց թագավորություններում: Կիլիկյան շրջանում Հայոց վեհապետի կոչումներն ավելի բազմազան են դառնում, ըստ որում՝ առաջին անգամ օգտագործվում է մահ «Կաթողիկոս Ամենայն Հայոց» տիտղոսը (Կոստանդին Ա Բարձրաբերդցու Ընդհանրական թղթի և Կանոնների մախարաններում, 1247, տե՛ս Գիրակոս Գանձակեցի, Պատմութիւն Հայոց, գլուխ ԽԲ, ԽԳ): Բերենց մի քանի օրինակ. «Կաթողիկոս Հայոց» (Ներսես Օճորհայի), «Կաթողիկոս Հայոց Մեծաց» (Գրիգոր Տղա, 1170-ական թթ.), «Կաթողիկոս Ամենայն Հայաստանայց» (Մեսրոպ Ա Արտագցի, 1364), «Եպիսկոպոսապետ Մեծաց Հայոց (Հայոց Մեծաց)» (Թեոդորոս Բ Կիլիկեցի, 1390 և Հակոբ Գ, 1409), «Կաթողիկոս Վաղարշապատու» (Կոստանդին Ե, 1430) և այլն: Հայրապետական Աթոռն էջմիածնում վերահաստատվելուց որոշ ժամանակ անց, «Կաթողիկոս Ամենայն Հայոց» կոչումն էջմիածնի զահակալների համար դառնում է ավանդական: Համենայնդեպս 17-րդ դարի 50-ական թթ., Փիլիպպոս Աղբակեցու օրերից, այն պարտադիր է դառնում բոլոր Կաթողիկոսների համար (վկայությունները տե՛ս «Գիրք թղթոց», Բ հրատ., Երուսաղեմ, 1994, էջ 148, 149, 155, 157, 172, 181, 199, 201, 206, 210, 221, 298, 311, 393, 412, 492, 550, 580, 624:՝ Մ. Մանեանց, Պատմութիւն Կաթողիկոսաց էջմիածնի, Մոսկուա, 1876, էջ 291-296):

⁵ Տե՛ս «Ազաթանգեղայ Պատմութիւն Հայոց», աշխատութեամբ Գ. Տէր-Մկրտչեան և Ստ. Կանայեանց, Տիֆլիս, 1909, էջ 448, պարբ. 856 (այսուհետև կրճատ՝ Ազաթանգեղոս):

է այնուհետեւ, որ Սյունյաց եպիսկոպոսը զբաղեցնում էր աջակողմյան յոթերորդ գահը⁶: Ուխտամենսի Պատմության մեջ հիշատակված են այդ եպիսկոպոսություններից կամ թեմերից 30-ի անունները, որոնք, ըստ ավանդության, հենց Գրիգոր Լուսավորչի կարգած նոյն 36, ապա գեթ 25 թեմերի անուններն են: Ահա՛ Ուխտամենսի ցանկը.

- | | |
|----------------------------|----------------------------------|
| 1. Հարքա եպիսկոպոս կամ թեմ | 16. Ապահունյաց |
| 2. Ոստամի | 17. Արշարունյաց |
| 3. Տայոց | 18. Գնունյաց |
| 4. Մարդաղո | 19. Գողթան |
| 5. Արշամունյաց | 20. Գարդմանա |
| 6. Արծրունյաց | 21. Ակեռ |
| 7. Սյունյաց | 22. Բաժունյաց |
| 8. Ռշտունյաց | 23. Երուտակաց |
| 9. Մոկաց | 24. Ասորյաց |
| 10. Ամատունյաց | 25. Աճառացյաց |
| 11. Բասենո | 26. Պալունյաց |
| 12. Մամիկոնեից | 27. Մեհնունյաց |
| 13. Բագրևանդա | 28. Ելո |
| 14. Խորխոռունյաց | 29. Զարեհանից |
| 15. Վանանդա | 30. Մյուս Ասորյաց ⁷ : |

Հիշյալ թեմերից 12-ի (թե՛ 13-ի) համար Գրիգոր Լուսավորիչը եպիսկոպոս է ձեռնադրել նախկին քրմերի զավակներին, որոնց անունները պահպանվել են Ազաթանգեղոսի Պատմության մեզ հասած խմբագրության մեջ, սակայն, ցավոք, այդ 12-ից միայն երկուսի մասին կա հիշատակություն, թե ո՞ր թեմերն են գլխավորել: Ըստ այդմ՝ առաջինը Աղբիանոսյան քրմական նշանավոր տան ներկայացուցիչն էր կամ Աղբիանոս եպիսկոպոսը, որը վերակացուն էր Մերձեփրատյան զավառների կամ Եփրատական կողմանց (նա միաժամանակ հիշվում

⁶ Ս. Օրբելյանի Պատմության համեմատական բնագիրը տակավին չի պատրաստված ու հրատարակված: Այդ երկը, ըստ տարբեր ձեռագրերի, որոնց միմյանց մկատմամբ ունեն մկատելի այլընթերցումներ, լույս է տեսել երկու անգամ՝ առաջինը Փարիզում, 1859 թ. (երկու գրքով), Կարապետ վարդապետ Շահնազարյանցի աշխատասիրությամբ, որ վերատպվել է մաև 1910 թ., Թիֆլիսում (մեր օգտագործածը), և երկրորդը՝ Մոսկվայում, 1861 թ., Մ. Էմիմի աշխատասիրությամբ: Առաջինը խորագրված է «Պատմութիւն ճահանգիմ Սիսական արարեալ Ստեփաննոսի Օրբէլեան արքեպիսկոպոսի Սիմեաց», (այսուհետև՝ ԿԾ-ի հրատ. և էջը), երկրորդը՝ «Ստեփաննոսի Սիմեաց եպիսկոպոսի Պատմութիւն տանն Սիսական» (այսուհետև՝ Մ. Էմիմի հրատ. և էջը): Տե՛ս համապատասխանաբար էջ 25 և էջ 16: Թե Սամուել Կամբջանորեցու որ երկն է մկատի ունեցել Ստեփաննոս Օրբելյանը, մեզ չհաջողվեց պարզել:

⁷ Տե՛ս Ուխտամենս եպիսկոպոս, Պատմութիւն Հայոց, հատուած Առաջին, Վաղարշապատ, 1871, էջ 100:

է Բագրևանդի եպիսկոպոս): Ժամանակ անց Աղքիանոսը կարգվում է ման արքայական քանակի եպիսկոպոս⁸, որը, ճիշտ որ, կարիք ուներ հեղինակավոր հոգևորականի խնամքին ու տեսչությանը: Հետևելով պատմական ավանդներին, կարծում ենք, Քառիկ է ման այժմյան Քառից քանակի համար կարգել հատուկ հոգևոր տեսուչ կամ եպիսկոպոս: Ուրեմն՝ մեկ եպիսկոպոսի իշխանության տակ կար երեք Աթոռ կամ վիճակ: Երբեմնի քրմերի զավակներից էր ման Եվտադիոսը, որը Բասենի կողմերի թեմակալ առաջնորդ է կարգվել⁹:

Թեպետև մնացած տասը եպիսկոպոսներն Ագաթանգեղոսի հայերեն խմբագրության մեջ հիշվում են միայն իրենց անուններով, բայց ոչ կառավարած թեմերով, սակայն տվյալ հարցի պատասխանը տալիս են Ագաթանգեղոսի հունական և արաբական խմբագրությունները, որոնք հիշատակում են քրմական դասից ծագող եպիսկոպոսների և՛ անունները, և՛ թեմերը¹⁰: Ըստ այդմ՝ Բաստսը Կոտայքի (կամ էլ Տայքի զավառներից մեկի՝ Կողի) եպիսկոպոսն էր¹¹, Մովսեսը՝ Եկեղյաց

⁸ Տե՛ս Ագաթանգեղոս, էջ 441-442, պրթ. 845-846: Ն. Մառ, Մկրտություն Հայոց, Վրաց, Արխագաց և Ալանաց ի Սորոյն Գրիգորե, թարգմ.՝ Հուսիկ արքեպիսկոպոս (Մովսիսյան), Վաղարշապատ, 1911, էջ 71:

⁹ Տե՛ս Ագաթանգեղոս, էջ 441-442, պրթ. 845:

¹⁰ Ագաթանգեղոսի Պատմության արաբական խմբագրությունը ռուսերեն թարգմանությանը հրատարակել է Ն. Մառը (տե՛ս ծան. 5-ում հիշված աշխատությունը, մասնավորապես դրա հայերեն թարգմանության էջ 71-72), իսկ հունարեն համատոտ ու ընդարձակ խմբագրության տարբերակները լույս են տեսել և՛ անցյալում (հրատ. Պատմ. դը Հագարդի, Գյոտիմզեմ, 1887), և՛ 1946 թ. ու հետագա տարիներին (հրատ. Ժեռար Գարիսի): Հունական խմբագրությունից օգտվել ենք բանասեր Գոհար Մուրադյանի աջակցությամբ, որի համար հայտնում ենք մեր շնորհակալությունը: Կա ման հունարեն ընդարձակ տարբերակի հայերեն թարգմանությունը (Հ. Բարթիկյանի և Ա. Տեր-Ղևոնդյանի աշխատանքությամբ), որ տպագրվել է «Էջմիածին» հանդեսի 1986 թ. համարներում:

¹¹ Կոտայքի եպիսկոպոսական Աթոռի գոյությունը խիստ կասկածելի է: Աղբյուրներում, որ հունական Ագաթանգեղոսն է, ամենայն հավանականությամբ, այդ տեղանունն աղավաղված է: Արաբական թարգմանության մեջ առկա է դարձյալ աղավաղված արտահայտություն. «Եւ լիեաց զԲաս՝ յեպիսկոպոս Բիկուդաց» (Ն. Մառ, Չշված աշխատ., էջ 71): Ն. Աղոնցը փորձել է կոահել աղավաղված բառը՝ «Բիկուդացը» վերծանելով Կող, որ Տայքի զավառներից մեկն էր, և համապատասխան եպիսկոպոսական Աթոռն էլ մույնացրել Վանանդի հետ, որ անհավանական է (տե՛ս Н. Адопц, Армения в эпоху Юстиниана, С. Петербург, 1908, с. 328, прим. 3), քանի որ Վանանդը հունական Ագաթանգեղոսի մեջ հանդես է գալիս միացյալ թեմով՝ Վանանդա, Արեղեմից և Գարեղեմից, որի առաջնորդ էր մշակված Տիրիկեսը: Նշենք ման, որ մեր բանասիրական թափառումների ընթացքում, 5-րդ և հաջորդ դարերին վերաբերող աղբյուրներում, չենք հանդիպել ո՛չ Կոտայքի որևէ թեմակալ առաջնորդի կամ եպիսկոպոսի, ո՛չ էլ Այրարատյան մահաճի Կոտից զավառում հիմնված եպիսկոպոսական Աթոռի կամ վիճակի: Բաստս եպիսկոպոսի կառավարած թեմի անուն, այսպիսով, մնում է չպարզված, չենք

գավառի ու Գերջանի, Եփեսիոսը՝ Գարաճաղի, Հովհաննեսը՝ Կարճո, Աղբիոսը՝ Տարոնի և Տայոց (արաբականում՝ Տայքի փոխարեն Բսուն, որ վերծանում են Բզմունյաց)¹², Խաթիրա-Ագապեսը՝ Սպերքի (Ասպետական կամ Բագրատունյաց նախարարության), Արտիթեսը՝ Խոռխոռունյաց կամ Մաղխազների, Արսուկեսը՝ Ծիրակի, Անտիոքեսը՝ Կորդվաց, Տիրիկեսը՝ Վանանդա, Արեղենից և Գաբեղենից (արաբականը՝ Ատրպատականի), Կյուրակոսը՝ Արշամունյաց: Սրանցից Աղբիոսին հիշում ու քննության են միայն հունարեն և արաբերեն Ագաթանգեղոսները, որ առիթ է տալիս որոշ տարակուսանքի. նրա քննությանը շատ նման է Աղբիանոսին:

Հայր Պողոս Անանյանն անընդունելի է համարում այս տասներեք եպիսկոպոսների՝ քրմական դասից սերած լինելու պարագան, և, Աղբիանոսից բացի, մնացած տասներկուսին դիտում նախալուսավորչյան հայ քրիստոնյաների միջավայրից դուրս եկած եկեղեցականներ, որոնք Տրդատ Մեծի թագավորության առաջին շրջանում, քրիստոնյաների դեմ հարուցված անլուր հալածանքների պատճառով, լքել էին Հայաստանը և ապաստան որոնել հարևան հռոմեական նահանգներում ու հիմա, Գրիգոր Լուսավորչի հետ, Կեսարիայից վերադառնում էին Հայրենիք: Նշվում է այնուհետև, որ Ագաթանգեղոսն այլափոխել է պատմական ճշմարտությունը՝ Հայաստանում նախալուսավորչյան քրիստոնեության զոյությունն անտեսելու նպատակով¹³:

Հայագետի գլխավոր կոպանց այդ եպիսկոպոսների անունների հունական ձևն է, որը խիստ տկար է մեզն լուրջ հիմնավորման համար: Միմյնեռ հայտնի է, որ հայ իրականության մեջ, ավանդական կարգով, հոգևոր աստիճան ստացող անձանց ավագանի անունները փոխում էին: Ներկա դեպքում նույնն է կատարվել վերոհիշյալների անունների հետ:

Քրմական դասի նահանջը քրիստոնեության առջև և քրմական տոհմերից սերած վերոհիշյալ տասներեք անձանց եպիսկոպոսական ձեռնադրությունն ու հարուստ վիճակների վստահելը կարևորագույն իրադարձությունն էր հայոց հոգևոր ու քաղաքական կյանքում, Գրիգոր Լուսավորչի հեռատես քաղաքականության շոշափելի արդյունքներից մեկը, շուրջ երկուս ու կես հարյուրամյակի ընթացքում նախալուսավորչյան քրիստոնյա ժողովների նախապատրաստած մտավոր հեղաշրջման վառ արտահայտությունը: Այս պայմաններում ճիշտ որ անապացույց լեզենդ է հայոց հեթանոս քաղաքակրթության և մեհենական

ասում նաև, որ Կոտայքը Հայաստանի արևելքում էր և մասը Արարատյան Հայրապետական թեմի, Կողը՝ արևմուտքում:

¹² Տարոնի և Տայքի միասնական եպիսկոպոսական Աթոռի հիշատակությունը թող տարօրինակ չթվա: Երկու աշխարհներում էլ բնակվում էին Մամիկոնյանները, ըստ որում՝ Տայքը նրանց քնորրանն էր:

¹³ Հ. Պողոս Անանյան, Ոշված աշխատ., էջ 28-27:

գոհ ու գրականության իսպառ ոչնչացումը Գրիգոր Լուսավորչի ու նրա գործակիցների ջանքերով և հայոց արքայի լայն աջակցությամբ:

Հին Հայաստանի նյութական մշակույթի և ամօրի դպրության հուշարձանները հոգուտ դրա են վկայում. առաջին քրիստոնյաները երկյուղածությամբ պահպանեցին և չկործանեցին Գառնիի հեթանոսական տաճարը, չոչնչացրին Ուրարտական սեպագրերը և հունական ու արամեական արձանագրությունները: Ընդհակառակը, դրանք հյուրընկալվեցին նորակառույց եկեղեցիներում՝ դառնալով Ավագ խորանի վեմ-քարեր, ագուցվելով աղոթատների դրսի ու ներսի պատերին կամ զետեղվելով նոր կառուցվող սրբարանների հիմքերում: Ուրարտական կոթողներից շատերը ոչ միայն չտեղաշարժվեցին իրենց պատվանդաններից, այլև քրիստոնեացվեցին. նրանց վերին մասերում փորագրվեցին քառաթև խաչեր: Նման խաչքար-կոթողները եզակի չեն Հայաստան աշխարհում: Նոր եկեղեցիներից ու տաճարներից շատ-շատերը քարձրանում էին հեթանոսական մեհյանների տեղերում կամ նրանց ձևափոխումներն էին՝ կառուցվելով առավելապես փայտից: Այդպիսին էր, օրինակ, Էջմիածնի Մայր Տաճարը, որը կառուցված է հեթանոսական հիմնապատերի և կրակարանի վրա՝ վերակառուցման ժամանակ հոգալով դրանց պահպանության մասին: Քրիստոնեության շնորհիվ կորստից փրկվեցին գոյթան երգերը և հայոց հին գուսանական արվեստը. Արևագալի երգերը նոր կյանք առան շարականների մեջ: Հեթանոս քաղաքակրթության քիչ թե շատ նշանակալից արտահայտությունները սրանք էին, և քրիստոնեությունը ոչ միայն դրանցից ոչ մեկը չի ոչնչացրել, այլև՝ պահպանել է: Հեթանոս Հայաստանի մտավոր թոհները ավելի քարձր չի ճախրել երբեք...

Հայոց իսկական քաղաքակրթությունն սկսվում է քրիստոնեության մուտքով՝ մասամբ, և ամբողջ վեհությամբ՝ Ս. Մեսրոպ Մաշտոցի ձեռքով հայերեն նշանագրերի հորինմամբ, հայագիր դպրոցի ու դպրության սկզբնավորմամբ¹⁴:

Չի կարելի անտեսել նաև այն անհերքելի ճշմարտությունը, որ քրմական միջավայրից դուրս եկած եպիսկոպոսներին վստահված Աթոռներն ու վիճակները Հայաստանի նախարարական հզոր տների տիրույթներն էին՝ փոված արևելքից արևմուտք և հյուսիսից հարավ. եկեղյաց գավառից ու Դարանաղից մինչև Բարձր Հայք (Կարին), Տայք ու Սպերք, Բասենից ու Արշարունյաց գավառներից մինչև Բագրևանդ ու Ատրպատական, Օիրակից դեպի հարավ, Տարոն, Մոփս ու Կորդվաց աշխարհ, Բագրատունյաց, Մամիկոնեից, Խոռխոռունյաց, Կամսարականների և այլոց պատկանող երկրամասերում՝ խնամքի տակ ունենալով նաև արքայական բանակը:

¹⁴ Այս մասին տես նաև Գ. Տեր-Մկրտչյան, Հայագիտական ուսումնասիրություններ, գիրք Բ. Ս. Էջմիածին, 1998, էջ 40-42, «Գրիգոր Լուսավորչին գիրք այրել է» հոդվածը:

Քրմական միջավայրից դուրս եկած եպիսկոպոսների կողքից Գրիգոր Լուսավորիչն առաջնորդներ է նշանակում նաև Կեսարիայից իր հետ բերած կամ մոտ ձեռնադրած ուրիշ եպիսկոպոսների՝ ուղարկելով նրանց նախ հարևան Վրաստան (Իրիմարքոսի), Աբխազիա (Սուիրոնոսի) և Ադվանք (Թովմայի), իսկ այնուհետև՝ Հայոց այլ գավառներ՝ Մեծ Մոփք, Փոքր Մոփք, Հաշտիանք, Սյունիք, Արծն, Մոկաց և Մարդապետական երկրներ։ Ն. Աղոնցը վերջինների շարքում շատ վաղուց ավելացրել է նաև Անգեղ տունը և Աղձնիքը՝ մակաբերելով դրանք Ագաթանգեղոսի արաբական խմբագրության մեջ աղավաղված «յաշխարհն Գիլմաց, առ Աբխազս» արտահայտությունից¹⁵։ Այս ուղղումն արդարացալ մույն հուշարձանի հունական ամբողջական խմբագրության գյուտով։

Մի վերապահությունն այնուամենայնիվ պիտի անենք՝ կապված Սյունյաց եպիսկոպոսական Աթոռի հետ։ Ազգային ավանդությունների համաձայն, Սյունիքում եպիսկոպոսական Աթոռ կար Գրիգոր Լուսավորչից շատ առաջ, ըստ որում՝ ինչպես հավաստում է Ստեփաննոս Օրբելյանը, Սյունյաց աշխարհի Գողթն գավառում առաջին եկեղեցին (Տեառնընդառաջ անունով) կառուցել է անձամբ Բարդղղիմեոս Առաքյալը՝ մույն երկրամասի համար ձեռնադրելով առանձին եպիսկոպոս։ Առաքյալի աշակերտներն էլ, իրենց հերթին, հիմնում են Ագուլիսի Թովմա Առաքյալի վանքը՝ և Գողթն գավառի վանանդ գյուղի մատուռը։ Սյունյաց Աթոռից Մուշե եպիսկոպոսը հետագայում ստանձնում է Արտազի եպիսկոպոսական Աթոռը¹⁶։ Նշանակում է՝ Սյունիքին հատկացված եպիսկոպոսական Աթոռը մոտ իրողությունն չէր և քրիստոնեական քարոզչության հարուստ անցյալ ուներ։

Հնագույն աղբյուրների համաձայն, Գրիգոր Լուսավորիչը կարգավորել է նաև Այրարատյան Հայրապետական թեմը՝ հատուկ եպիսկոպոսներ նշանակելով Վաղարշապատ, Արտաշատ ու Դվին քաղաքներում և երեքին էլ ստորադասելով անձամբ իրեն՝ կաթողիկոսին¹⁷։ Մի քանի խոսք նաև այս կապակցությամբ. Այրարատը Հայաստան աշխարհի սիրտն է, Հայոց արքայի նստավայրը, առավելապես այս նահանգից են ըմտրվել տերության գահաձիստ քաղաքները։ Անձամբ թագավորն իր ընտանիքով բնակվում էր մայրաքաղաքում, իսկ արքայական տան մյուս անդամները՝ մույն երկրամասի գանազան գավառներում, որոնք տարածված էին Արաքսի աջ ու ձախ ափերին և վերջինիս մեջ թափվող գետերի (Քասաղ, Հրազդան, Ագատ, Վեդի) երկայնքով ձգվող հովիտներում ու սարավարքերում։ Ն. Աղոնցն արդեն վկայակոչված աշխատության մեջ տասնմեկ գավառ է հաշվում Այրարատ նահանգի մեջ. Արաքսից հյուսիս՝ Արագածոտն, Նիգ,

¹⁵ Տե՛ս Խ. ԱճՈՅԱՆ՝ Աշխատություն, էջ 328, ծան. 2։

¹⁶ Տե՛ս Ստեփաննոս Օրբելյան, Մ. Էմինի հրատ., գլուխ Ե։

¹⁷ Ագաթանգեղոսի հայերեն խմբագրությունը լրում է այս մասին, քայքայող իրողությունը հաստատում են հունական և արաբական թարգմանությունները։

Վարածնունդի կամ Ծաղկունյաց ձոր, Մազազ, Կոտայք, Դվին, Ոստան, Ուրծ, Արած, Ծարուր և երկուսն էլ՝ Արաքսից հարավ, Կողքից դեպի Արարատյան լեռների բարձունքները ձգվող հովիտներում ու լեռնալանջերում՝ ճակատք և Մասյացոտն¹⁸: Այս գավառներում, արքայական տան անդամներից բացի, բնակվում և ժառանգական տերեր էին նաև մեծ ու փոքր մի քանի նախարարություններ. Գնթունիները՝ Նիգ գավառում, Ամատունիները՝ Արագածոտնի հարավային մասում, իսկ Ուրծ, Արած և Վարածնունդի գավառների անուններն արդեն մատնանշում են, թե որ նախարարություններից են վերաբերել դրանք:

Գրիգոր Լուսավորիչն իր կաթողիկոսության եթե ոչ առաջին, ապա հետագա տասնամյակներին եպիսկոպոսական Աթոռներ պետք է հիմնած լինելու մեր թվարկած նախարարական բոլոր տների համար, իսկ Այրարատյան նահանգի մնացած շրջանների համար, ուր բնակվում էին Արշակունյաց տնից սերված իշխանները՝ մի առանձին քորեպիսկոպոսություն: Այս Աթոռի պաշտոնական առաջնորդը նույնպես Կաթողիկոսն ինքն էր, բայց գործնականում այն կառավարելու համար հավատարիմ հոգևորականներից մեկին նշանակում էր փոխանորդ, ավանդական մի սովորույթ, որ հարատևում է նաև այսօր¹⁹: Այսպիսով՝ Այրարատ նահանգում, իրականում, գոյություն ունեւր եպիսկոպոսական առնվազն չորս Աթոռ՝ երեքը քաղաքների, իսկ մեկը՝ գյուղական վայրերի համար:

(Շարունակելի)

¹⁸ Տե՛ս Խ. Աճօռը, Ոջված աշխատություն, էջ 902:

¹⁹ Ե-րդ դարի վերջերին Մովսես Կաթողիկոսը, օրինակ, վրաց հոգևորական Կյուրո-մին, որն իր հավատարիմ անձանցից էր, կարգում է «Վանայ երեց Կաթողիկէին, այլև Հորեպիսկոպոս՝ տալով մեա զվիճակ գաւառն Այրարատեան», պատասխանատու պաշտոններ, որոնց իրավական հանձնառում Հայոց Կաթողիկոսն էր (Ուխտանէս Եպիսկոպոս, Պատմութիւն Հայոց, Վաղարշապատ, 1871, հատուած Երկրորդ, էջ 4:

Հ. ՄԱՐՏԻՐՈՍՅԱՆ

Պատմական գիտությունների թեկնածու

ԱՌԱՋԻՆ ԵԿԵՂԵՅԱԿԱՆ ՀԱՍՏԱՏՈՒԹՅՈՒՆՆԵՐԸ ՀԱՅԱՍՏԱՆՈՒՄ՝ ԸՍՏ ՊԵՎՏԻՆԳԵՐՅԱՆ ՔԱՐՏԵԶԻ

Պետինգերյան քարտեզը (Tabula Peutingeriana), որը կազմվել է մ. թ. 4-րդ դարի 60-ական թվականներին Ռոմեացի քարտեզագիր Կաստորիուսի կողմից, հանդիսանում է Եվրոպայի, Ասիայի և Աֆրիկայի առևտրատնտեսական կապերի պատմության համար անգնահատելի աղբյուր: Նրա վրա նշված են իր ժամանակաշրջանի համաշխարհային առևտրական ուղիները, քաղաքները և այլևայլ կայաններ՝ իրենց միջև եղած տարածություններով հանդերձ:

Սակայն, ինչպես ցույց է տալիս քարտեզի առավել հանգամանալից ուսումնասիրությունը, նրա նշանակությունը դրանով չի սահմանափակվել: Քարտեզի կազմման որոշ առանձնահատկություններ հիմք են տալիս կարծելու, որ այն կոչված էր ծառայելու ոչ միայն առևտրատնտեսական, այլ նաև կրոնա-մշակութային նպատակներին: Դա, մասնավորապես, հաստատվում է քարտեզի վրա մի շարք կայանների անվանումների մոտ երկու սրագագաթ աշտարակներով նշանի առկայությամբ: Զի կարելի ասել, որ այս հանգամանքը հետազոտողների ուշադրությունը չի գրավել: Բայց նրանք, ինչպես երևում է, չեն պարզել այդ նշանների բուն (իրական) նշանակությունը: Այսպես, Պետինգերյան քարտեզի հրատարակիչ Կ. Միլլերը և ուսումնասիրողներից՝ Թ. Մարկվարտը ժամանակին կարծիք են հայտնել, որ միայն նշաններով կայանները եղել են «նշանակալից քաղաքներ կամ զինվորական կայաններ»:

Այս խնդրին առնչվող փաստերի և, մասնավորապես, Հռոմեական (Բյուզանդական) կայսրության արևելյան նահանգների վարչա-եկեղեցական բաժանման վերլուծությունը մեզ քերում է այն եզրահանգման, որ երկու աշտարակներով նշանի առկայությունն իրականում հանդիսանում է եկեղեցական հաստատության խորհրդանիշ: Հետևաբար, կայանների անվանումների մոտ դրանց տեղադրումը ցույց է տալիս նրանցում կրոնական կենտրոնի առկայություն՝ անկախ նրանց մեծությունից և ռազմական նշանակությունից:

Ինչպես երևում է Պետինգերյան քարտեզից, որն այժմ արդեն հայտնի իմաստով կարելի է համարել միաժամանակ նաև Հռոմեական

(Բյուզանդական) կայսրության ձկնեղեցական քարտեզ, կրոնական ճշանակություն ունեցող կայաններ են եղել Ռենգ Արևելքի, Ասիայի և Պոնտոսի (Քամապատասխանաբար՝ Անտիոք, Եփեսոս և Կեսարիա կենտրոններով) դիոցեզների (գլխավոր թեմերի) կենտրոնները: Սիրիայում այդպիսիք էին Ապամեան, Բերիան (այժմյան Հալեպը), Հիերոպոլը, Ջեզման և այլն, Միջագետքում (Մեսոպոտամիա)՝ Եղեսիան, Ամիդը, Մծրինը, Ռաս-Էլ-Այնը (Ռեսսայինա), Սիեզարան, Հատրան և այլն, Կապադովկիայում՝ Սեբաստիան, Կոմանան, Մելիտենեն, Սամոսատը և այլն, Մարաստանի քաղաքներում՝ Սելեկիայում, Կտեսիֆոնում (Տիգրոն), Էկբատանում և այլուր՝ սիրիացիների թեմերը և այլն:

Հայաստանում մնան կայաններ են եղել այն ժամանակաշրջանի մայրաքաղաքներ Արտաշատը (Artaxata) և Տիգրանակերտը (Tigranocarten), Արտաշատ-Սատաղ ճանապարհին՝ Բագավանը (Ragavna, Bagauna), Chadas-ը և Andaga-ն, Արտաշատ-Տիգրանակերտ ճանապարհին՝ Saumbo: Արտաշատ-Sanora-Teleda-Անանուն կայան - Lazo-Sanora - Արտաշատ շրջանաձև ճանապարհին Հայաստանում գտնվում էին (չհաշված Արտաշատը) Sanora -ն և Lazo -ն (ըստ Անանուն Ռավեննացու՝ Jazo -ն), իսկ Վրաստանում՝ Teleda-ն (ըստ Անանուն Ռավեննացու՝ Telada) և Armastica -ն: Վրաստանում Արտաշատ-Սեբաստապոլիս ճանապարհի վրա՝ Caspiae -ն և Sebastopolis -ը:

Պևտինգերյան քարտեզի ուսումնասիրողների կողմից որոշվել են Արտաշատ-Սատաղ և Արտաշատ-Սեբաստապոլիս ճանապարհների ուղղությունները (երթուղիները): Արտաշատ-Տիգրանակերտ ճանապարհի երթուղին սխալ է որոշված, իսկ Արտաշատ- Sanora - Teleda -Անանուն կայան - Lazo -Արտաշատ ճանապարհի երթուղին ընդհանրապես որոշված չէ: Այնինչ, այդ ճանապարհների երթուղու որոշումը հեշտացնում է նրա վրա եղած կայանների, այդ թվում նաև՝ մեր կողմից ուսումնասիրվող (երկու աշտարակների ճշանով կայանների), նույնացման ու տեղայնացման հնարավորությունը:

Saumbo-ի երկու աշտարակների ճշանով կայանի նույնացման և տեղայնացման համար սկզբունքային ճշանակություն է ունեցել Արտաշատ-Տիգրանակերտ ճանապարհի երթուղու ճշտումը: Բանն այն է, որ այս ճանապարհի հետազոտող Հ. Մանանդյանն ակնհայտ թյուրիմացությամբ ճանապարհի երթուղին Բագավանից տարել է Ապամունիք, Հարք և Տարոն գավառների միջով՝ ենթադրելով, որ Պևտինգերյան քարտեզի վրա կրկնվող Catispri, Sorue, Anteba և Nasabi կայանները «սխալմամբ արտագրվել են երկու անգամ»¹: Իրականում

¹ Манандян Я. А. О торговле и городах Армении и городах Армении в связи с мировой торговлей древних времен. Ереван, 1954, стр. 144.

այդ կայանները հանդիսանում էին Արտաշատ-Էկրատան ճանապարհի մի մասը, «Մետաքսի Մեծ ճանապարհի» ճյուղերը: Այդ ուղղությամբ մեր կողմից կատարված քննությունը թույլ տվեց պարզել, որ Catispri - Ը նույն ինքն Ուրցաձորում գտնվող Սակրաքերդ ամրոցն է (այժմյան Վեդի քաղաքից 9 կմ դեպի արևելք), որը ժամանակին հանդիսացել է Այրարատ մահաճգի Ուրծ գավառի կենտրոնը:

Վերը նշված ճանապարհի հաջորդ կայանը՝ Sorue - Ը, և՛ անվամբ, և՛ տեղադրմամբ համապատասխանում է Ծարուրին:

Ինչ վերաբերվում է Anteba կայանին, ապա այն կարելի է նույնացնել հին Ազնաքերդ ամրոցին (այժմյան Նախիջևանի ԻՀ-ում):

Nasabi անվան տակ պետք է ենթադրել Նախիջևան քաղաքը, որը, ըստ Կլավդիոս Պտղոմեոսի «Ասիայի երրորդ քարտեզի», հայտնի է Naxuana անվամբ²:

Կայանների այս համախումբը, որն սկսվում էր Արտաշատից, քարտեզը կազմողի կողմից դուրս էր բերվել նրա վրա գտնվող ազատ տարածություն, որպեսզի նկարագրի մինչև Տիգրանակերտ ընկած հետագա ճանապարհը: Սակայն, զուտ տեխնիկական հանգամանքներով, համախմբի վերջավորությունը, ուր նշված է Catispri կայանը, հայտնվել է հազարավոր կայանքի անմիջական հարևանությամբ, ինչը նրանց միջև օրգանական կապի տեսանկյունից է ստեղծել:

Այսպիսով, Պևտիմգեդյան քարտեզի վրա Nasabi-ից (Նախիջևան) հետո նշված է Saumbo-Ը, այսինքն՝ Ծամբը, որը, ըստ ավանդության, հանդիսացել է հարդողիմես Առաքյալի հանգրվանատեղերից մեկը: Ժամանակի ընթացքում Ծամբում (Ծամբիձոր) կառուցվել է Սուրբ Ստեփաննոս Նախավկայի վանքը:

Ինչպես կարելի է դատել Ծամբի անվանման մոտ երկու աշտարակների նշանի առկայությունից, այնտեղ արդեն մ. թ. 4-րդ դարում գոյություն ունեին որոշ եկեղեցական կառույցներ՝ կա՛մ դամբարան, կա՛մ աղոթատեղի, հնարավոր է նաև՝ փայտաշեն եկեղեցի: Համեմայն դեպք, պատմական փաստաթղթերը վկայում են, որ Սահակ Պարթևը Ծամբում հիմնել է թեմ և որպես սեփականություն նրան հանձնել հողային կալվածքները³:

Արտաշատ-Տիգրանակերտ ճանապարհին, քաղի Ծամբից, չի հիշատակվում (եթե չհաշվենք Տիգրանակերտը) երկու աշտարակների նշանով ոչ մի այլ կայան: Ծանապարհը Ծամբից տանում էր դեպի Flegoana (վերջինս չի վերծանվում), այնուհետև՝ Dagreuana: Այդ կայանը համապատասխանում է Զարեհավանին՝ Զարեհավանյանների նախադարձական տան կենտրոնին: Զարեհավանից հետո գալիս է Molchia

² Мартиросян А. На Великом шелковом пути. Ереван, 1998, стр. 35-36.

³ Ալիշան Ղ., Սիսական, էջ 516:

-ն, որը ենթադրաբար կարելի է նույնացնել Մեծ Աղբակի Օսի բնակավայրին: Այնտեղ էր գտնվում Արծրունյաց տոհմական դամբարանը: Դրան հաջորդում էր Vastana-ն, այն է՝ Ուտանը: Ուտանից ճանապարհը վաճա լճի հարավային ափով (26 հոտմեական մղոն = մոտ 40 կմ) շարունակվում էր դեպի Datansana, այսինքն՝ Դատվան: Դրան հաջորդող կայանը Gilzanas-ն է, որը տեղորոշվում է Գզեխում (Գզեղք)՝ Աղծնիք նահանգի համանուն գավառի կենտրոնում: Հնում Գզեխը կրում էր ասուրա-բաբելոնական Gilzanu անվանումը: Այնուհետև ճանապարհը հասնում էր Cymiba-ին, այն է՝ Քղիմարին: Կլավդիոս Պտղոմեոսի «Ասիայի երրորդ քարտեզի» վրա այդ կայանը նշված է Cholimma[ra] անվամբ: Տիգրանակերտին մախորդող (30 հոտմեական մղոն = 45 կմ) կայանը եղել է Zanserio (Ra Zancerion)-ն: Դա Սամասո ջուր (Zanse rio, Zance rion) գետն է:

Մ. թ. 4-րդ դարում Տիգրանակերտի կարևորությունը որոշվում է այն հանգամանքով, որ նա հանդիսանում էր Աղծնիք բղեշխության կենտրոնը: Պետինգերյան քարտեզի տվյալները միաժամանակ վկայում են նաև Տիգրանակերտի կրոնական կենտրոն լինելու մասին:

Հայաստանում երկու աշտարակների նշանով կայաններ են եղել նաև Sanora-ն և Lazo-ն (Jazo)՝ Արտաշատ - Sanora - Teleda - Անանուն կայան - Lazo - Sanora - Արտաշատ ճանապարհին:

Sanora -ի նույնացումն ու տեղորոշումը ուղղակի կախվածության մեջ է գտնվել այդ ճանապարհի երթուղու ճիշտ ընտրությունից: Դա հաջողվեց իրականացնել Յ. Մարկվարտին⁴: Նա պարզեց Անանուն կայանի անվանումը, որը նույնացրեց Armastica-ին (Արմազի, Մծխեթ): Դրանով հնարավոր դարձավ Արտաշատից ճանապարհը տանել Սևանա լճի և Քոտ գետի հովտի միջև ընկած տարածքով:

Ըստ Պետինգերյան քարտեզի, Արտաշատի և Sanora -ի միջև ընկած է Geluina կայանը: Անանուն Ռավեննացու մոտ Արտաշատի և Sanora -ի փոխարեն հիշատակվում են Gravete-ն ու Tegamia-ն: Սրանք համապատասխանաբար նույնացվում են Ջրվեժի և Geluina-ին: Յ. Մարկվարտն առաջարկեց Tegamia-ն և Geluina-ն կարդալ որպես Gelam-(i)a:

Gelam-(i)a անվանումը կապվում է առասպելական Գեղամի անվան հետ, որը բնակվում էր Սևանա լճի արևմտյան կողմում ընկած տարածքներում: Ավանդությունն ասում է, որ Գեղամը նույն ինքը Արա Գեղեցիկն է, և որ Շամիրամը փնտրում էր նրա դին Արամոնք (այժմյան տառադարձությամբ՝ Արամուս) բնակավայրում: Տրամաբանական է Արամոնքը նույնացնել Gelam-(i)a-ին):

⁴ Markwart J. Skizzen historischen Topographie und Geschichte von Kaukasien. Das Itinerar von Artaxata nach Armastica auf der römischen Weltkarte. Wien, 1928.

Եթե դատենք Արամուսից մինչև Sanora ընկած տարածության չափով (24 հոտմեական մղոն= 36 կմ), ապա Sanora -ն պետք է որ գտնվելիս լիներ Հրազդան քաղաքի շրջակայքում, այսինքն՝ հին Կոտայք գավառի կենտրոնական մասերում:

Ենթադրում ենք, որ Հրազդանի շրջանում գտնվող Սոլակ գյուղը հենց վերը հիշատակված Sanora -ն է: Սրանում մասնավորապես համոզվում ենք՝ ելնելով այն տեղեկություններից, որ 7-րդ դարում Սոլակում Հովհան Եպիսկոպոս Մայրավանեցիմ հիմնել է մի եկեղեցի, որը կոչվել է Մայրավանք («մայր» բառից): Հիմք կա կարծելու, և դա հաստատվում է Պևտինգերյան քարտեզի տվյալներով, որ 4-րդ դարում Սոլակում պետք է եկեղեցական կառույց լիներ: Հնարավոր է, որ հենց դա էլ պատճառ է հանդիսացել, որ Հովհան Եպիսկոպոսն իր կառուցած եկեղեցին կոչի Մայրավանք: Համեմայն դեպս, այդ անվանումը վկայում է, որ Սոլակի եկեղեցական շինությունը պատկանում էր Հայաստանում կառուցված առաջին եկեղեցիների թվին:

Sanora-ից Teleda ընկած ճանապարհի հատվածում նշվում են Lalla և Ugubre (ըստ Անանուն Ռավեննացու՝ Usubri) կայանները: Յ. Մարկավարտը Lala -ն նույնացրել է Գուգարքում գտնվող Լալ ամրոցին՝ Աղստև գետի հովտում: Ugubre -ն նույնացման չի ենթարկվում:

Teleda-ն (Telada) համապատասխանում է Թելավի քաղաքին: Այս քաղաքի անվան կողքին երկու աշտարակներով նշանի առկայությունը վկայում է այն մասին, որ մ. թ. 4-րդ դարում Թելավը եղել է կրոնական կենտրոն:

Թելավին հաջորդող Philado կայանի անվանումը դժվար է վերծանել:

Philado-ին հաջորդում է Անանուն կայանը՝ Արմազին, Մցխեթը: Մցխեթը, որ մինչև մ. թ. 5-րդ դարը հանդիսանում էր արևելյան Վրաստանի՝ Ջարթլիի (Իրերիա) մայրաքաղաքը, 6-րդ դարում դարձավ վրաց Կաթողիկոսի նստավայր: Պևտինգերյան քարտեզի տվյալները վկայում են, որ Մցխեթը կրոնական կենտրոն է եղել դեռևս 4-րդ դարում:

Պևտինգերյան քարտեզի վրա Մցխեթից հետո նշված են ևս մի քանի կայաններ՝ առանց անվանումների և նրանց միջև եղած հեռավորությունների ցուցումների: Սակայն, ի տարբերություն Պևտինգերյան քարտեզի, Անանուն Ռավեննացու մոտ, ճանապարհի տվյալ հատվածում, նշված են Sazala, Camia, Gareas, Belalus, Aguillean, Tarsambaram, Axara portum, Cipropolim կայանները: Բայց սրանք ևս չունեն հեռավորության ցուցումներ:

Սրանցից հաջորդվել է նույնացման ենթարկել Sazala -ն (Ջելեթ), որն Անանիա Շիրակացու մոտ Վիրքի շրջաններից մեկն է: Belalus կայանը ենթադրաբար կարելի է նույնացնել Բուլնիսին: Ինչ վերաբե-

րում է *Axara portum* -ից, ապա այն, անկասկած, Ախթալայի կիրճն է (Ախթալայի լեռնանցք):

Անանուն Ռավեննացու մոտ մշված կայաններն ընկած են երկու աշտարակների մշանով Մ'ցխեթ և *Lazo* (*Jazo*) քաղաքների միջև: *Lazo*-ն ոչ այլ ինչ է, եթե ոչ Օձունը (Օծուն), որը հնուց եղել է Գուգարք նահանգի Տաշիր գավառի կենտրոնը: Գրավոր աղբյուրներում Օծունն առաջին անգամ հիշատակվում է՝ սկսած 8-րդ դարից, սակայն հնագետներն Օծունում գտնվող զմբեթավոր բազիլիկ եկեղեցիներից մեկը վերագրում են 6-րդ դարին: Այս եկեղեցուց 10 կմ հյուսիս-արևելք գտնվող կոթող-դամբարանը թվագրվում է 5-6-րդ դդ.: Օծունից 15 կմ հարավ-արևելք գտնվում է Հոռոմայրի եկեղեցին: Այն պատմական փաստաթղթերում հիշատակվում է 7-րդ դարից: Կարելի է ենթադրել, որ այս եկեղեցիներից մեկը համդիսանում է Հայաստանում կառուցված առաջին քրիստոնեական հաստատություններից մեկը: Մենք նախապատվությունը տալիս ենք Հոռոմայրին: Ինչպես և *Sanora*-ի (Մայրավանք) դեպքում, այստեղ ևս տեղից է հիմնվել այս եկեղեցու անվան մեջ «մայր» արմատի վրա:

Օծունը *Sanora* -ից քաժանում էին *Satara* (*Ra Cacara*), այն է՝ Բասաղ (Ապարան) և *Bustica*, հավանաբար՝ Փարպի կայանները:

Պևտինգերյան քարտեզի վրա, ինչպես նաև Անանուն Ռավեննացու մոտ, *Sanora* -ից հետո մշված են *Gelutina* -ն և *Artaxata* -ն:

Այսպիսով, Պևտինգերյան քարտեզի տվյալները, որոնք արտացոլում են քրիստոնեական աշխարհում եկեղեցիների հիմնադրման սկզբնական փուլի իրադարձությունները, թույլ են տալիս լրացուցիչ լույս սփռել նաև Հայաստանում կառուցված առաջին եկեղեցիների պատմության վրա: Այս պարագայում դրանք համահունչ են Ագաթանգեղոսի տված տեղեկություններին, թե Հայաստանի տարբեր նահանգներում և, մասնավորապես Կոտայքում ու Գուգարքում, Գրիգոր Լուսավորիչը հիմնել է թեմեր և եպիսկոպոսություններ:

ԿԱՐԵՆ ՄԱԹԵՎՈՍՅԱՆ**Պատմական գիտությունների թեկնածու****ՆՈՐ ԷԶԵՐ ՆՈՐԱՎԱՆՔԻ ԵՊԻՍԿՈՊՈՍԱԿԱՆ
ԱԹՈՌԻ ՊԱՏՄՈՒԹՅԱՆ**

Նորավանքի եպիսկոպոսական Աթոռի պատմությունն ընդգրկում է իրադարձություններով և մշակութային իրագործումներով հարուստ ու հետաքրքրական մի ժամանակահատված: Նորավանքի Աթոռի հաստատմանը, գործունեությանն ու միտրոպոլիտական շրջանին հանգամանորեն անդրադարձել է Աբրահամ եպիսկոպոս Մկրտչյանը («Էջեր Սյունյաց Աթոռի պատմությունից», Ս. Էջմիածին, 1995): Հայոց միջնադարյան եպիսկոպոսական Աթոռների մեջ Նորավանքի եպիսկոպոսարանն ունեցել է մի յուրահատկություն, այն է՝ քուն աթոռանիստ վայրից բացի ևս երկու վանքերի՝ Արատեսի և Վերին Նորավանքի ներգրավումը եպիսկոպոսարանի միապետական համակարգի մեջ: Նորավանքի գլխավորությամբ ձևավորված եպիսկոպոսարանի «եռավանք» համակարգը առանձին քննության չի արժանացել, ուստի փորձենք առկա նյութերի ու սկզբնաղբյուրների օգնությամբ ներկայացնել այն:

**ԱՐԱՏԵՍԸ՝ ՆՈՐԱՎԱՆՔԻ ԵՊԻՍԿՈՊՈՍԱՐԱՆԻ
ԱՄԱՌԱՅԻՆ ՆՍՏԱՎԱՅՐ**

Ինչպես հայտնի է, Նորավանքն առավելագույն ծաղկման հասավ հենց Ստեփանոս Օրբելյանի շրջանում, երբ նա 1287 թ. Կիլիկիայից Հայաստան վերադարձավ միտրոպոլիտական աստիճան ստացած և իր իշխանության տակ առավ Տաթևի ու Նորավանքի Աթոռները: Ինքը՝ Օրբելյանը, բնակվում էր Նորավանքում և հենց այստեղ էլ՝ 1297 թվականին ավարտել է իր «Պատմությունը»: Ստեփանոս Օրբելյանի նախաձեռնությամբ էր, որ Նորավանքի եպիսկոպոսարանին կցվեց Եղեգիսից հյուսիս-արևելք գտնվող բարձրադիր Արատեսի վանքը՝ որպես եպիսկոպոսների ամառային նստոց: Այս մասին Օրբելյանը պարզորոշ գրել է իր Սյունյաց նահանգի պատմության մեջ: Նա մասնավորապես ասում է. «Քանի որ Նորավանքի տեղը տոթ էր, և եպիսկոպոսներն ու սպասավորները ամառ ժամանակ չէին կարողա-

նում ալմտեղ ապրել, որոշեցիք (օգտագործել) Արատեսի վանքը, որը եղեցիսից վերև է: Վանքն իր քոլոր շինություններով և հոգեբաժին տրված կալվածքներով, գյուղն իր շրջակա քոլոր սահմաններով հանձնեցիք Սուրբ Նորավանքին, որ սրա միաբաններն այն սերնդն սերունդ տնօրինեն, վայելեն, բայց տեղը շեն և եկեղեցին լուսավոր պահելու համար ամենայն ջանադրությամբ պիտի հոգ տանեն, ինչպես մեր տան նկատմամբ է տարվում...»: Այնուհետև Քարկոփի նվիրատվության մասին նշելով ավելացնում է. «և այսուհետև մինչև հավիտյան նրանք պիտի լինեն Նորավանքի սուրբ եկեղեցու սեփականությունը: Այստեղի պաշտոնյաներն էլ ժառանգորդ դառնալով այդ վանքերը շեն և եկեղեցիները՝ լուսավոր պահելը չպիտի ամոսեսեն, այլ ամենայն ջանադրությամբ դրանց նկատմամբ հոգ պիտի տանեն, ինչպես սեփական տան նկատմամբ» (*Ստեփանոս Օրբելյան, Այուրիքի պատմություն, Երևան, 1986, էջ 383*):

Արատեսը Օրբելյանն իր պատմության մեջ հիշատակում է ևս երկու անգամ, նախ վայոց ձորի, ապա և իր տիրապետության տակ գտնվող վանքերը թվարկելիս, մեկ անգամ էլ հիշատակում է վանքամերձ Արատեսը գյուղը (*Ստեփանոս Օրբելյան, էջ 282, 375, 396*):

Արատեսի վանքի՝ Նորավանքի եպիսկոպոսարանի ամառային նստոց դարձնելու Օրբելյանի որոշման մասին արձանագրված է նաև Արատեսում: Այստեղ միտրոպոլիտն ունի երկու արձանագրություն: Առաջինի թվականը եղծված է, սակայն բովանդակությունը միանգամայն հստակ է: Օրբելյանը գրում է. «...ծանալ, զի քաղում ժամանակաց ժառանգությոն էր լեալ այս եկեղեցիս Նորավանքից Սուրբ ուխտին, հաստատեցի և ես զԱրատես, որ մեր սեփական հայրենիք էր՝ իր ամեն սահմանաք, գեղով եւ հայրենիք հաստատ՝ ժառանգությոն եւ հայրենիք սուրբ եւ գերափառ դամբարանին մեր Նորավանքի» (*Դիվան հայ վիմագրության, պր. 3, կազմեց՝ Ս. Բարխուդարյան, Երևան, 1967, էջ 125*):

Երկրորդ արձանագրությունը նվիրատվական է՝ գրված 1301 թվականին: Այստեղ Օրբելյանը սահմանում է իր «սեփական վիճակ» հանդիսացող Գեղարքունյաց մի քանի գյուղերի պատկանելությունը Արատեսին, միաժամանակ, իր որոշումը խախտողներին սպառնալով, ավելացնում է. «Այլ վասն այս սահմանեցաք, որ տեղս մեր նստագահ է» (*Դիվան հայ վիմագրության, էջ 126*):

Այսպիսով Ստեփանոս Օրբելյանի թողած թե՛ մատենագրական, թե՛ վիմագիր վկայությունները հաստատում են, որ հենց նրա տնօրնությամբ Արատեսը դարձել է Նորավանքի եպիսկոպոսարանի ամառային նստոց՝ «նստագահ», ինչպես ինքն է գրում արձանագրության մեջ: Այդ տեղի է ունեցել մինչև 1297 թվականը, որովհետև Օրբելյանն

այդ մասին ճշտվում է իր պատմության մեջ, որի շարադրանքն ավարտել է այդ թվականին:

Արատեսում գրված ԺԴ դարի երկու ձեռագիր է հայտնի: Մեկն ընդօրինակել է խաչատուր Երզնկացին 1303 թ., Ստեփանոս Օրբելյանի պատվերով, «...ընդ հովանեաւ սուրբ մեծաստանիս՝ մականուն կոչեցեալ Արատես», իսկ մյուսը՝ Պողոս վարդապետը՝ 1310 թ.՝ «ի վանս, որ յորշորջի յԱրատես» (ԺԴ դարի հայերեն ձեռագրերի հիշատակարաններ, կազմեց՝ Լ. Խաչիկյան, Երևան, 1950, էջ 17, 66):

ՕՐԲԵԼՅԱՆՆԵՐԸ՝ ՎԵՐԻՆ ՆՈՐԱՎԱՆՔԻ ՀՈՎԱՆԱՎՈՐ

Երկրորդ վանքը, որ անմիջականորեն առնչվել է Նորավանքի եպիսկոպոսարանին, Վերին Նորավանքն է: Այս վանքի տեղորոշումը դեռևս հստակ չէ: Թեև կատարվել են ենթադրություններ, սակայն այն մույնացվել է Շատիկի վանքի կամ Արատեսի հետ: Հիշյալ վերագրումները մեզ անհամոզիչ են թվում, որովհետև թվարկված վանքերը սկզբնաղբյուրներում ամենուրեք հիշվում են որպես առանձին միավորներ, և դրանք մույնացնելու որևէ ծանրակշիռ հիմք չկա: Նախ փորձենք պարզել Նորավանք-Վերին Նորավանք առնչությունները:

Քանի որ Վերին Նորավանքի տեղն անորոշ է, և ցավոք գրկված ենք նրա վիժագրական նյութից, ստիպված ենք ապավինել հիմնականում մատենագրական և մասնավորապես ձեռագրերի հիշատակարանների տեղեկություններին:

Ինչպես կարելի է ենթադրել Ստեփանոս Օրբելյանի վկայությունից, սկզբնապես այս վանքն էլ եպիսկոպոսանիստ Նորավանքի մասն հենց Նորավանք է կոչվել: Պատմիչը, թվարկելով Վայոց ձորի վանքերը, գրում է. «...Նորավանքը, որը հետո դարձավ եպիսկոպոսարան, մյուս Նորավանքը, Ցաղաց քարը...» (Ստեփանոս Օրբելյան, էջ 282): Իմիջիայլոց գավառի վանքերի թվարկման վերջնամասում Օրբելյանը հիշատակում է նաև Արատեսի վանքը, որը փաստորեն բացառում է Վերին Նորավանքի ու Արատեսի մույնացումը (ավելացնենք, որ Արատեսի բազմաթիվ վիժագրերում և այստեղ գրված հիշատակարաններում վանքը այլ անունով չի կոչվում, այստեղ չեն հիշատակվում նաև Վերին Նորավանքի ճշանավոր վարդապետները):

Այսպիսով Օրբելյանի ժամանակ Վերին Նորավանքն ավելի շատ հենց Նորավանք անունով էր հայտնի, դրա համար էլ նա այդպես է ճշել վանքի անունը: Բայց հենց Օրբելյանի օրոք եպիսկոպոսանիստ վայրի հռչակն այնքան մեծացավ, որ հավանաբար հենց դրա պատճառով անհրաժեշտություն առաջացավ «մյուս» Նորավանքի անվանը լրացուցիչ որոշիչ ավելացնել: «Վերին» գուտ աշխարհագրական մակ-

դիրն էլ դարձավ այդ որոշիչը: Վերին Նորավանքը հավանորեն Նորավանքից ավելի քարձրադիր է:

«Վերին Նորավանք» տեղանունն առաջին անգամ հիշվում է 1302 թվականին մի ուշագրավ հիշատակարանում, ուր ասվում է այն մասին, թե Սյունյաց միտրոպոլիտ Հովհաննես Օրբելը եկել է Վերին Նորավանք, «առ վարդապետն Դաւիթ եւ Արքայ», որոնք «ի սատար սուրբ ուխտի» խնդրել են ժողովուրդ: Միտրոպոլիտը գրում է, որ տվել է չորս գյուղ՝ Անկեղի, Եղիան, Եղիկանց ձոր և Վաղցան «ի սեպհական ժողովուրդ եւ թեմ, որ զամենայն հաս եւ գիրաւունք սոքա սոցա տացին» (ԺԴ, 8): Հրամանագրի բնույթ ունեցող այս գրությունն ավարտվում է նույն ռեզով՝ «Գրեցաւ ի Թուականիս Հայոց ՉԾԱ (1302) առաջի Սուրբ Սիոնիս եւ վարթայպետիս Դաւթի: Հաստատ է գիրս կաման Աստուծոյ» (ԺԴ, 8):

Ո՞վ է Վերին Նորավանքի Դավիթ վարդապետը, ում խնդրանքին սիրաճոժար ընդառաջելով, Սյունյաց միտրոպոլիտը վանքին չորս գյուղ է հատկացնում՝ որպես «սեպհական ժողովուրդ եւ թեմ»: Այս հարցին պատասխանելուց առաջ պիտի մի փոքր անդրադարձ կատարենք հիշյալ ժամանակաշրջանում Վայոց ձորում տիրող վարչա-քաղաքական և ուսումնա-կրթական իրավիճակին: Խոսքը երկու իշխանական տների՝ Խաղբակյանների (Պոռչյաններ) ու նրանց տիրույթում հաստատված Գլաձորի համալսարանի և Օրբելյանների ու նրանց անմիջական հովանավորության տակ գտնվող Վերին Նորավանքի վարդապետարանի մասին է:

Զնայած Ստեփանոս Օրբելյանի պատմության, ինչպես նաև Գլաձորում, Վերին Նորավանքում և Վայոց ձորի այլ վանքերում հիշյալ շրջանում գրված քազմաթիվ հիշատակարանների առկայությանը, այս երկու իշխանատների ու կրթարանների փոխհարաբերությունների հարցն այնքան էլ պարզորոշ չի ուղվագծվում և մնում են մի շարք անորոշ հանգամանքներ:

Վարչա-քաղաքական կացության առնչությամբ պետք է ասել, որ, Զաքարյանների կողմից Սյունիքի ազատագրումից ի վեր, Խաղբակյանների ու Օրբելյանների միջև առկա էր մրցակցությունը: Խաղբակյաններն անգամ փորձում են առանձին եպիսկոպոսական Աթոռ հիմնել: Պոռչ Խաղբակյան իշխանը Հովհաննես անունով հոգևորականին ուղարկում է Կոստանդին Բարձրբերդցու մոտ, որն այնտեղ եպիսկոպոս է ձեռնադրվում, հաստատվում Երմջակում և աշխատում առանձին թեմ ստեղծել: Սակայն Տարսալիճ Օրբելյանի կարգադրությամբ Նորավանքի առաջնորդ Սարգիս եպիսկոպոսն ու Տաթևից Հովհաննես եպիսկոպոսը մեկնում են Կիլիկիա և, 1267 թ. Հակոբ Ա Կլայեցի Կաթողիկոսից կարգադրություն ստանալով, վերադառնում ու լուծարում են ինքնակոչ Աթոռը:

Մեզ հետաքրքրող ժամանակամիջոցում Սյունյաց երկրամասի ընդհանուր տները Օրբելյաններն էին, մրանց տոհմն էր տնօրինում մահ միտրոպոլիտական Աթոռը, իսկ խաղբակյաններն իշխում էին Վայոց ձորի մի մասում, տարածքներ ունեին մահ այլ գավառներում, մասնավորապես՝ Կոտայքում։ Երկու իշխանատների նստավայրերը գտնվում էին Վայոց ձորում, շատ մոտ. Օրբելյանների՝ Եղեգիսում, խաղբակյանների՝ Արկղունքում։ Հայոց վարդապետարանի ուսուցչապետ Ներսես Մշեցի՞ն երբ ապահով կացարան էր փնտրում իր դպրոցի համար, դիմում է խաղբակյաններին և, մրանց հավանությունն ստանալով, 1282 թ. Քաջբերունդից փոխադրվում է Վայոց ձորի Աղբերց վանք։ Այն շուտով ստանում է երկրորդ անուն՝ Գլաձոր, որով և հայտնի է առավելաբար։ Քանի որ Ներսես Մշեցու (մահացել է 1284 թ.) գլխավորած դպրոցն էր Հայոց վարդապետարանը՝ քարձրագույն հոգևոր դպրոցը, հենց այստեղ են ուսանում մահ Օրբելյան տան հոգևորական իշխանագույնները, որոնցից առաջինը հենց պատմիչ Ստեփանոս Օրբելյանն էր։ Նա քահանա էր ձեռնադրվել Նորավանքում 1280 թ. իսկ 1282-ից աշակերտում է Ներսես Մշեցուն՝ «ի կրթարանի աստուածեղէն տառից»։ Օրբելյանն իր պատմության մեջ Գլաձորին միայն այս երեք բառն է հատկացրել, այն դեպքում երբ համալսարանի շրջանավարտներն այն սովորաբար հորջորջում են «երկրորդ Աթենք» և փառաբանում այլ մեծարական խոսքերով։

Այսպիսով ԺԳ դարի վերջին խաղբակյաններն էին հովանավորում Գլաձորը, և Օրբելյանները պիտի ունենային մի հակակշիռ, որն էլ, մեր կարծիքով, դարձավ Վերին Նորավանքն իր դպրոցով ու գրչատնով։ Սակայն չպետք է կարծել, թե այս մրցակցությունն ընթանում էր բացահայտ պայքարի ձևերով։ Ընդհակառակը, Գլաձորն ու Վերին Նորավանքը գործակցել են, սաներից ոմանք սովորել են ե՛ւ Գլաձորում, ե՛ւ Վերին Նորավանքում։

Որոշ ժամանակ անց Օրբելյաններն ստանձնեցին մահ Գլաձորի հովանավորությունը։ Իսկ Եսայի Նչեցու մահից հետո, 1337 թ., նոր ռաբունապետ Տիրատուր Կիլիկեցին համալսարանը տեղափոխում է Հերմոնի վանք. որը Օրբելյանների տիրություն էր։ Սակայն թե՛ դրանից առաջ, թե՛ հետո Վերին Նորավանքը մնաց որպես Սյունյաց եպիսկոպոսարանի և Օրբելյանների հովանավորությունը վայելող կենտրոն։ Այն փաստորեն հանդիսացել է Նորավանքի եպիսկոպոսարանի կրթա-մշակութային կենտրոնն իր դպրոցով ու գրչատնով։

ԴԱՎԻԹ ՎԱՐԴԱՊԵՏԸ՝ ՎԵՐԻՆ ՆՈՐԱՎԱՆՔԻ ԱՌԱՋՆՈՐԴ

Այժմ վերադառնա՞նք Դավիթ վարդապետին, որն, ինչպես տեսանք, 1302 թ. դիմում է Սյունյաց միտրոպոլիտ Հովհաննես

Օրբելուն և վերին Նորավանքի համար, որպես «սեպհական ժողովուրդ եւ թեմ», չորս գյուղ ստանում: Հավանորեն հենց մա է 1295 թ. Գրիգոր Անավարզեցուն ուղղված Ստեփանոս Օրբելյանի կազմած մամակի տակ ստորագրող մշանավոր վարդապետը: Գլաձորի ռաբունապետ Եսայի Նչեցին և Դավիթ վարդապետը ստորագրել են հաջորդաբար՝ հետևյալ ձևակերպումներով.

«Ես՝ Եսայի, կրսեր բանասիրաց եւ յետին վարժապետ, իմով աշակերտօքս համախոհ եմ եւ միաբան եմ այսմ գրոյ...

Ես՝ Դավիթ, նուաստոգի քարոզ բանի եւ վարդապետ Հայաստանս եկեղեցւոյ, համախոհ եւ միաբան եմ այսմ ուղղադատան թղթոյս որ ունի ճշմարտիւ գտուրք հարցն աւանդութիւնն...» (Ստեփանոս Օրբելյան, Պատմութիւն մահաճօհն Սիսական, Տփղիս, 1910, էջ 462):

Բնական է, որ Եսային ու Դավիթն այստեղ նույն դպրոցը չեն մերկայացնում, այլ առանձին հաստատություններ, ընդ որում Դավիթն ամփանվում է «վարդապետ Հայաստանի եկեղեցւոյ»:

1307 թ., Ասի ժողովից հետո, պունեցիները մի թուղթ էլ ուղարկել են Կոստանդին Կեսարացի Կաթողիկոսին, որի տակ ստորագրել են. «...եպիսկոպոսքս Սիւնեաց՝ Տէր Յովհաննէս եւ Տէր Ստեփանոս եւ վարդապետքս Դաւիթ եւ Եսայի այլ ամենայն վարդապետօքս եւ վանօրէօքս» (Հ. Տաշեան, Մայր ցուցակ հայերէն ձեռագրաց մատենադարանին Մխիթարեանց ի վիեննա, Վիեննա, 1895, էջ 180):

Ս. Արևշատյանը և Ա. Մաթևոսյանը Գլաձորին մվիրված գրքի «Համալսարանի սաները և նրանց դպրոցները» բաժնում գրում են. «ՎԵՐԻՆ ՆՈՐԱՎԱՆՔԻ ԴՊՐՈՑ, Դավիթ ռաբունապետը Օրբելյանների եպիսկոպոսամիստ Նորավանքի առաջնորդն ու տեղի դպրոցի ռաբունապետն էր: Առաջին անգամ հիշվում է Անավարզեցու դեմ համախոսականի տակ ստորագրողների մեջ. «Ես՝ Դավիթ նուաստ ոգի քարոզ բանի եւ վարդապետ Հայաստանս եկեղեցւոյ...» ձևով: Որպես ռաբունապետ աշխատում էր նաև Գլաձորում, բայց Նորավանքի ռաբունիների կողմից հիշվում էր Նչեցուց առաջ, կամ ավելի պատվավոր ածական-կոչումներով. այսպես՝ «ի վարժապետութիւն մեծիս Եսայեայ եւ եռամեծին Դաւթայ» կամ «քաջ հռետորաց Հայոց... Դաւթի եւ Եսայեայ»: Դավիթը, որպես Օրբելյանների հոգևոր կենտրոնի առաջնորդ, ու ռաբունապետ և Գլաձորի ռաբունապետ, «եռամեծ» կոչվելու իրավունք ուներ: Մահացել է 1329 թվականից առաջ և թաղվել Նորավանքում: Նրան փոխարինում է Գլաձորի սան Կյուրիոնը» (Ս. Արևշատյան, Ա. Մաթևոսյան, Գլաձորի համալսարանը միջնադարյան Հայաստանի լուսավորության կենտրոն, Երևան, 1984, էջ 42): Այստեղ մշված Նորավանքը պետք է հասկանալ որպես վերին Նորավանք, որովհետև Դավիթն այստեղ է առաջնորդ եղել և մահից հետո այստեղ էլ թաղվել է, ինչպես վկայում են հիշատակարանները:

ժամանակագրական կարգով մերկայացնենք Վերին Նորավանքում գրված ձեռագրերի հիշատակարանները, ինչպես և Գլաձորի այն հիշատակարանները, որոնցում հիշվում է Դավիթը:

1312 թ. Բենեդ կրոնավորը Ավետարան է ընդօրինակել «ի գառառիս լեռնագեաց, ի վանս, որ Վերին Նորավանս կոչի, ընդ Ռովանեա Սուրբ Սիոնիս եւ Մարս Լուսոյ, առաջնորդութեան սուրբ ռաբունապետիս Դաւթի եւ եղբարորդոյ իւր Կարապետի» (ԺԴ, 90):

Նույն թվականին Դավիթն ստացել է Ներսես Լամբրոնացու Սաղմոսաց մեկնությունը՝ «Զստացող աստուածապատում երգարանիս գԴաւիթ ռաբունապետն յիշեսչիք» (ԺԴ, 85): Հիշատակարանում նշվում է Տարսայիճ Օրբելյանի դստեր՝ Ասփայի մահը:

1318 թ. Մատթե քահանայի գրած հիշատակարանը հատվածաբար է պահպանվել, բայց այնտեղ կարդացվում է տեղանունն ու ռաբունապետի անունը. «... ի տեղիս... Նորավանս, ընդ Ռովանեա...: Երջանիկ ռաբունապետ Դաւթի» (ԺԴ, 150):

Փաստորեն Դավիթը Վերին Նորավանքում հիշվում է 1302, 1312, 1318 թվականներին: Իսկ ինչպես է մա հիշատակվում Գլաձորում:

1309 թ. Տիրատուր Կիլիկեցին գրում է. «Գրեցաւ սուրբ Աւետարանս... ի դպրատունս, որ կոչի Գալիձոր, ի վարժապետութեան մեծիս Եսայեայ եւ եռամեծին Դաւթայ...» (ԺԴ, 60): Հարկ է նշել, որ այդ թվականից առաջ և հետո Գլաձորում գրված տասնյակ հիշատակարաններում Դավթի անունը չի հիշվում, իսկ այստեղ միանգամից կոչվում է «եռամեծ», «մեծ» Եսայի ռաբունապետի կողքին:

1321 թ. Գլաձորում Կյուրիոն գրչի գրած հիշատակարանում մախ նշվում են Կիլիկիայում գահակալող թագավորն ու կաթողիկոսը, ապա Օրբելյան տնից սերող Սյունյաց զույգ եպիսկոպոսները, որից հետո Բուրթել Օրբելյանը և Ամիր Հասան Խաղբակյանը և վերջապես՝ «ի վարժապետութեան սուրբ եւ բազմերջանիկ Ռոնտորաց Հայոց՝ երկուց ամուլաց ճշմարիտ հաւատոյ մերոց՝ Դաւթի եւ Եսայեայ, ի Ռոչակատր եւ սուրբ մեծաստան համալսարանիս Գլաձորոյ, ընդ Ռովանեա Սուրբ Ստեփանոսի եւ աստուածընկալ վերասացեալ դպրապետացս» (ԺԴ, 166):

Նախորդ հիշատակարանի պես, այստեղ ևս զարմանալի է թվում Դավթի գերակա դիրքը, այն դեպքում, երբ մախորդ ու հետագա տարիներին Գլաձորում գրված տասնյակ հիշատակարաններում միայն անունն ընդհանրապես չի նշվում: Լ. Խաչերյանը Դավթի մասին գրում է, թե մա հանդիսացել է «համալսարանի ունկտոր Եսայի Նչեցուց հետո երկրորդ դեմքը» (Լ. Խաչերյան, Գլաձորի համալսարանը, Երևան, 1973, էջ 150): Բայց այդ որտե՞ղ է երկրորդ դեմքի անունն առաջին դեմքի անունից առաջ գրվում, կամ ինչո՞ւ ենք Դավթի անվան

Գլաձորում հանդիպում ընդամենը երկու անգամ՝ 1909 և 1921 թվականներին:

Մեր կարծիքով պատճառն այն է, որ Դավիթը մշտապես Գլաձորում չի եղել: Նա գլխավորել է Սյունյաց եպիսկոպոսարանի և Օրբելյանների հովանավորած Վերին Նորավանքի դպրոցը և ժամանակ առ ժամանակ այցելել Գլաձոր, ուր նրան ընդունել են մեծարանքով, ըստ պատշաճի, և վերը նշված երկու հիշատակարաններն էլ դրա վկայությունն են:

Հարկ է նշել, որ Գլաձորը վայելում էր նաև Օրբելյանների հովանավորությունը: Դրա վառ վկայությունն է 1323 թվականին, հենց Եսայի Նչեցու ձեռքով, Ներսես Մշեցու հիշատակին ստացած Ավետարանում գրված հիշատակարանը, ուր, գովերգելով Օրբելյան Բուրթել իշխանին, նրա կնոջն ու որդիներին, ավելացնում է. «ի ձեռն որոց հոլով շինութիւն և խաղաղութիւն գործեցաւ մեզ եւ ամենայն եկեղեցաց Քրիստոսի... եւ մեք մեր աշակերտաւք բազում եւ անթիւ գութս բարեաց գտաք ի սոցանէ, որ զաւտարութիւնս մեր ժողովեցին, եւ ընկալան զմեզ ոչ իբրև զաւտար, այլ իբրեւ յինքեանց հարազատ ծնեալ մանկունս, գթով եւ սիրով զմեր ստահակութիւնս ընկալան» (ԺԴ, 182-183): Նչեցին այնուհետև հիշատակում է Սյունյաց երկու եպիսկոպոսների՝ Հովհաննես Օրբելին և Ստեփանոս Տառայիճին, ակնարկում, որ ուսանել են Գլաձորում և երախտագիտությամբ նշում նրանց կողմից ստացած աջակցությունը (ԺԴ, 183, տե՛ս նաև Մխիթար Երզնկացու 1314 թ. հիշատակարանը՝ ԺԴ, 104):

Այսպիսով, Դավիթը, լինելով Օրբելյանների դպրոցի ուսումնապետը, դասախոսելու կամ այլ առիթով Գլաձոր այցելելու ժամանակ առանձնակի պատվով է ընդունվել այստեղ, և հնարավոր է, որ նման այցելությունների միջոցին, թերևս հենց Եսայի Նչեցու ցուցումով, Գլաձորի գրչատանն ավարտված մատյանների հիշատակարաններում Դավթի անունը նշվել է հատուկ մեծարանքով:

Դավիթ վարդապետի մահվան ստույգ թվականը հայտնի չէ, բայց գերեզմանը Վերին Նորավանքում է եղել: Դավթին հաջորդել է Գլաձորի շրջանավարտ Կյուրիոնը: Նրա պատվերով 1329 թ. Ստեփանոս գրչի ձեռքով Վերին Նորավանքում ընդօրինակված Մեկնությունների գրքում պահպանված հիշատակարանում Կյուրիոնը կոչվում է նաև «սպասաւոր սուրբ գերեզմանի ուսումնապետին Դավթի»: Հիշատակարանի առավել տեղեկաշատ հատվածը հետևյալն է. «Հրամանաւ եւ արդեամբք սուրբ ուսումնապետին Կիրիոնի, առաջնորդի մեծ մեծաստանիս Վերին Նորավանք կոչեցելոյ, ընդ հովանեաւ Մօրս Լուսոյ եւ Սրբոյ Սիոնի... արեւելեաց, ի գաւառիս որ կոչի Ձոր Վայոյ ի տերութեան տեղոյս եւ գաւառիս մեծահաւատ իշխանաց իշխանի պարոն Պուրթելի... եւ ի դիտապետութեան սուրբ եւ

արձիական գլխոյ տէր Ստեփանոսի, ի վարժապետութեան տանս արեւելեաց մեծարանաշնորհ հոետորի Եսաեայ, իոր եւ ուսուցչի վերասացեալ առնս Աստծոյ սուրբ ռաբունապետիս Կիրիոնի, սպասաւորի սուրբ գերեզմանի ռաբունապետին Դաւթի» (Ն. Պողարեան, Մայր Յուցակ ձեռագրաց Սրբոց Յակոբեանց, Բ. Բ, Երուսաղեմ, 1967, էջ 316):

ԶԵՌԱԳՐԵՐ ԵՎ ՀԻՇԱՏԱԿԱՐԱՆՆԵՐ ՎԵՐԻՆ ՆՈՐԱՎԱՆՔԻՑ

Կյուրիոնը 1339 թ. ձեռագիր է գրել «ի մեծաստանիս Վերին Նորավանս կոչեցելոյ, ընդ հովանեաւ Մորս Լուսոյ եւ Սուրբ Սիոնիս» (ԺԴ, 257): 1341 թ. Վերին Նորավանքում Հովհաննու Ավետարանի մեկնությունն է ընդօրինակել Ղուկաս քահանան. «Ղուկաս սոսկ անուամբ քահանայ եւ աշակերտ բանի ի մեծաստանս Նորավանս կոչեցեալ, ընդ հովանեաւ Սուրբ Սիոնի, առ ոտն սմին (Կիրիոն) երջանիկ ռաբունապետի» (Սմբատ Տեր-Ավետիսյան, Ձեռագիրք Նախավկայի վանաց Դարաշամբի, թիվ 115):

Վերին Նորավանքի մասին հետաքրքրական տեղեկություն է պահպանվել 1360 թ. Երուսաղեմում գրված մի «Մաշտոցի» հիշատակարանում: Այստեղ պատմվում է այն մասին, որ Վերին Նորավանքում Կյուրիոն ռաբունապետի մոտ կրթված Սարգիս վարդապետը Սյունյաց Ստեփանոս Սուլթանշահ արքեպիսկոպոսի ընկերակցությամբ (Ստեփանոս Սուլթանշահի անվան ամենավաղ հիշատակությունն է) եկել է Կիլիկիա, այստեղ Մեսրոպ Ա. (1359-1372) Կաթողիկոսի ձեռամբ եպիսկոպոս ձեռնադրվել, ապա ուխտի մեկնել Երուսաղեմ, ուր և ստացել է այդ մատյանը: Մեզ առավել հետաքրքրողը Վերին Նորավանքի հիշատակման ձևն է. «...տէր Սարգիս, սնեալ եւ վարժեալ յարեւելս ի մայրն իմաստից եւ յերկրորդ յԱթէն ի Վայոյ ձորն, ի հռչակաւոր եւ յաստուածաբնակ վանսն ի Սուրբ Սիոն Վերին Նորավանս, յառաջնորդութեան մեծին ռաբունոյն Կիրիոնին» (Ն. Պողարեան, Մայր Յուցակ ձեռագրաց Սրբոց Յակոբեանց, Բ. Է, Երուսաղեմ, 1974, էջ 218): Ինչպես հայտնի է, «մայր իմաստից, երկրորդ Աթենք» է կոչվել Գլաձորը: Սարգսի ուսումնառության վանքերը հիշատակվում են հոգնակի թվով «վանսն», որից կարող ենք եզրակացնել, թե նա ուսանել է ե՛ւ Գլաձորում, ե՛ւ Վերին Նորավանքում: Բայց քանի որ միայն Վերին Նորավանքի ու նրա առաջնորդի անունն է տալիս, հավանական է, որ հենց այստեղ է վարդապետական ձեռնադրություն ստացել: Այս հիշատակարանից հետո Կյուրիոնի անվանն այլևս չենք հանդիպում:

Վերին Նորավանքից հայտնի հաջորդ մի քանի ձեռագրերը ժեղարից են: Համառոտակի թվարկենք.

1456 թ. երեց Մաթեոս գրիչը Տոմական է ընդօրինակել «ի Վերի Նորավան» (Մատենադարան, թիվ 993): Մեծ տոհմի զավակ էր Մաթեոսը, հիշում է հորը՝ «ըզմեծն Սուլդան», հորեղբորը՝ «զհկիթ աղայն», մորը՝ «զպարոն Թուխթեմի», որոնց անունների հիշատակման ձևից երևում է գրչի պատկանելությունը բարձր դասին: Բացի այդ, նա հիշատակում է իր հոգևոր եղբայրներին՝ Իգմատիոս վանականին և «քանիքուն փիլիսոփա և անհաս նկարող» Եսայուն (ժեղարի հիշատակարաններ, մասն A, Երևան, 1958, էջ 65): 1473 թ. Մաթեոսը «ութումամեայ գոլով» մի Գանձարան է ընդօրինակել Եղեգիսում՝ «Գրեցաւ գիրքս յԵղեգիս... ի վայելումն հարազատացն իմ վանականաց կրօնատրաց՝ Իգմատիոսին, Եսայուն Նաղաշի...» (ժե. A, 347):

1470 թ. Օհաննես քահանան հիշատակարան է գրել «ի վանս որ կոչի Վերի Նորավան», նշում է «Մաշտոցի» գրիչ Հովհաննեսին, որը գրել է «ի վանս որ Մեղուս կոչի, ընդ հովանեաւ Լուսոյ Մայր Սուրբ Աստուածածնիս, առաջնորդութեան տեսոն Արիստակէսի» (ժե. A, 64-66):

1476 թ. Պողոս վարդապետն իր ընդօրինակած Ավետարանում հետևյալ տեղեկաշատ հիշատակարանն է թողել. «Եղև գրչագրութիւն սորայ ի գաւառիս Վայոց ձոր, որ է Եղեգեաց, սուրբ եւ ի հոչակաւոր մեծատառնիս Վերի Նորավանս կոչեցեալ... որ ճշմարիտ հար եւ մեան է վերին Երուսաղէմին, ընդ հովանեաւ Սուրբ Սիովնի, որ մայր ամենայն եկեղեցեաց եւ Լուսոյ Մօր Սուրբ Աստուածածնիս, եւ սուրբ ճշանացս, բազմահոյլ եւ բազմաժողով եւ սուրբ վարդապետաց մահատակաց Դաւիթ եւ Առաքալ...» (ժե. A, 399): Վերջին հատվածը համեմատելի է 1302 թ. հիշատակարանի «առ վարդապետն Դաւիթ եւ Արքայ» ձևակերպումին (որոնց մոտ էր եկել Հովհաննես Օրբելը): Արդյո՞ք Դավթի գործընկերը, ում անունն այլ աղբյուրներում չի հանդիպում, այս հիշատակարաններից մեկում չի շփոթված, մանավանդ, որ «Արքան» հոգևորականների շրջանում եզակի անուն է: Կամ եթե Առաքելն ու Արքան նույն մարդն է, արդյո՞ք երկրորդ անունը վարդապետի մականունը չէ: Արքա անվան «Արքայ» ձևն է պահպանվել Աշտարակի 1280 թվականի մի արձանագրության մեջ (Ս. Սաղումյան, Աշտարակ, Երևան, 1998, էջ 181):

Պողոս վարդապետը հիշատակարանի շարունակության մեջ նշում է, որ գրել է «Առ ոտս քաջ եւ արի ռաբունապետիս Դաւիթ վերակոչելոյ՝ խիստ ճգնազգեստ եւ առաքինի Մ (100) – ամեա ճգնելով, եւ ուսուցին իմոյ եւ հոգեւոր զիս անարժանս վերստին ծնաւորի Սարգիս արի եւ քաջ ռաբունապետին նայ եւ առաջնորդի սուրբ ուխտիս, որ

քաղում հոգաբարձութեամբ խնամող է վանիցս Շատիկ միայնակեցի» (ԺԵ, Բ, 399): Փաստորեն վերին Նորավանքի առաջնորդը եղել է նաև Շատիկ վանքի հոգաբարձուն:

1484 թ. Գրիգոր արքեպան Հովհաննես արքեպիսկոպոստով պատվերով Ավետարան է ընդօրինակել «ի երկնահամզե տ եւ մեծահոյակ սուրբ ուխտիս վերի Նորավանս» (ԺԵ դարի հիշատակարաններ, կազմեց՝ Լ. Խաչիկյան, մասն Գ, Երևան, 1967, էջ 57):

1490 թ. Աքրահամ գրիչը Ամանիա արքեպիսկոպոստով ընդօրինակել է Շարակնոց. «ի վանս որ կոչի վերի Նորավանս, ի սուրբ մեծաստանիս, ի դուրս Սուրբ Սիովնիս եւ Սուրբ Աստուածածնիս, եւ Սուրբ Գրիգորիս եւ այլ սրբութեանց... եւ դամբարանաց սուրբ վարժապետաց... եւ յարհնպիսկոպոստութեան մերոյս մահանգի տէր եղիշէի՝ յազգէ Բուրթլւանց...» (ԺԵ, Գ, 147):

1495 թ. Գրիգոր արքեպան «աստուածաբան և քաջ ռաբունապետ» Աքրահամի պատվերով Ավետարան է ընդօրինակել (Մատենադարան, թիվ 5303) «ի երկրիս վայայ ձորոյ, ի գաւառս Եղեգիս եւ սուրբ ուխտիս որ կոչի վերի Նորավանս, ընդ հովանեաւ Սուրբ Սիովնիս եւ Սուրբ Աստուածածնիս...» (ԺԵ, Գ, 214):

ՏԵՂԱԳՐԱԿԱՆ ՈՒՂԵՆՇՈՒՄ ՎԵՐԻՆ ՆՈՐԱՎԱՆՔԻ ՄԱՍԻՆ

Ժամանակին Գլաձորն ու վերին Նորավանքը գրեթե համագոր ուսումնական կենտրոններ են եղել, քայք Աղքերց վանք Գլաձորը շատ շուտ է հեռացել պատմական ասպարեզից: Ըիշտ է, համալսարանի գոյությունը շարունակվել է (Հերմոն, Որոտնավանք, Տաթև), սակայն բուն վանքը անջջացել է և Եսայի Նչեցուց հետո, փաստորեն, այլևս չի հիշատակվում: Այլ է վերին Նորավանքի պարագան, ուր, ինչպես տեսանք, քազմաթիվ մատյաններ են գրվել նաև ավելի ուշ շրջանում: Սակայն վերին Նորավանքն էլ տեղորոշման հարցում առայժմ Աղքերց վանքի քախտակիցն է: Այդ հարցը կարող է լուծվել վայոց ձորի համեմատաբար քիչ հետազոտված վանքերի հետազա ուսումնասիրությամբ:

Իսկ մինչ այդ, վկայաբերենք Մոմիկի մի արժեքավոր հիշատակարանի պարունակած տեղեկությունները, որոնք գուցե օգտակար լինեն վերին Նորավանքը որոնող մասնագետներին:

1331 թ. հիշատակարանում Մոմիկը պատմում է, որ Հովհաննես Օրբելու պատվերով եպիսկոպոսանիստ Նորավանքում՝ «ի հրեշտակերամ մեծաստանիս Նորավանից, ի դամբարանի մեծ եւ պատուաւոր իշխանացն Սմբատայ եւ Տարսայիճից», 1307 թ. սկսել է մի

Ավետարանի գրչություն, քայց չի կարողացել ավարտել տեսողության կորստի պատճառով: Գործն ավարտել են Մովսիկի գործընկերները՝ «Յոթանաս Գրիչ զթերին ելից. եւ Թորոս՝ զոսկեցկարսն»: Ձեռագիրը գրվել է «յաղագս փրկութեան Ռուսոյ եւ մարմնոյ եւ յարեւշատութիւն եւ պահպանութիւն մեծ եւ քաջագար իշխանաց իշխանին Բիւրթելին»: Մովսիկի Ռիշատակարանում փառաբանվում են նաև Բուրթելի կիներ՝ «արքայաշուք դշխոյափառն» Վախախը, որդիներ Բեշքեցն ու Իվանեն: Որոշ ժամանակ անց Մովսիկի տեսողությունը վերականգնվում է, և նոր եպիսկոպոս Ստեփանոս Տառսայիճը նրան հանձնարարում է գրել ձեռագրի Ռիշատակարանը, միաժամանակ՝ մատչանը կազմել է տալիս: Հենց կազմելու վայրի մասին Ռիշատակության մեջ է, որ նշվում է «մյուս» Նորավանքը, միաժամանակ հայտնվում է այստեղ Բուրթելի կառուցած նորաշեն եկեղեցու մասին: Մովսիկը գրում է. «Յուսովն որ առ Յիսուս զկնի սակաւ ամաց լոյս աչաց իմոց դարձաւ առ իս ի թուիս 22 (1331), եւ զիշատակարանս արարի եւ գրեցի հրամանաւ տէր Տառսայիճին մականուն, տէր Ստեփանոսի որդւոյ Զաւալին: Որ հրամանաւ եւ արդեամբք մեծ պարոմին Բիւրթելին յայսմ ամի զարդարեաց զԱւետարանս ոսկով եւ արծաթով ի մայրաքաղաքիս յԵղեգիս՝ ի Նորավանս, զոր իւրով ի նոր շինեալ եկեղեցի կատարեաց՝ յանուն սրբոյնոյ Աստուածածնին եւ սրբոյն Նիկողայոսի եւ Քրիստափորոյ սրբոյ» (Հ. Բիւրտեան, Դարձեալ Թորոս Տարոնացի, «Հազմավէպ», 1947, 9-10, էջ 216-217):

Այստեղ Ռիշված Նորավանքը երբեմն նույնացվել է եպիսկոպոսանիստ Նորավանքի, իսկ Ս. Աստվածածինը՝ Բուրթելաշեն դամբարան եկեղեցու հետ, որն ընդունելի չէ, թեկուզ միայն այն պատճառով, որ այդ վանքը շատ հեռու է Եղեգիսից (Բուրթելաշենը կառուցվել է 1339-ին և այլն): Մովսիկը գտնվում էր եպիսկոպոսանիստ Նորավանքում, այստեղ էլ գրել է Ռիշատակարանը, իսկ ձեռագիրը ոսկով և արծաթով զարդարվել, այսինքն՝ կազմվել է այլ տեղում՝ «ի մայրաքաղաքիս յԵղեգիս՝ ի Նորավանս»: Այստեղ կարող է երկու ենթադրություն լինել. կա՛մ խոսքը վերին Նորավանքի մասին է, կա՛մ Մովսիկը «Նորավանք» ասելով նկատի ունի նոր կառուցված վանք: Բայց առաջին տարբերակն ավելի հավանական է թվում, որովհետև, ինչպես ստորև կտեսնենք, այլ աղբյուրների վկայություններ ևս հավաստում են վերին Նորավանքի՝ Եղեգիս քաղաքին շատ մոտ գտնվելը: Բացի այդ, ձեռագիրը կազմելու չէին ուղարկի նորաշեն մի եկեղեցի, այլ այնպիսի տեղ, ուր կար մասնագիտացած գրչատուն: Ինչ վերաբերում է «Վերին» բառի բացակայությանը, ապա, ինչպես տեսանք, Մովսիկի ավագ ժամանակակիցը՝ Ստեփանոս Օրբելյանը, վանքը կոչում է «մյուս» Նորավանք:

Շատ կարևոր է Եղեգիսի Նորավանքում, Բուրթելի Բանձնարարությանը, Ստեփանոս Տարսայիճի 1331-ին ավարտած նորաշեն եկեղեցու մասին վկայությունը: Մեր կարծիքով այն կարող է նույնանալ, այսպես կոչված, «Զորաց» տաճարի հետ: Այն գտնվում է Եղեգիսի հյուսիսարևելյան ծայրամասում, քարձրադիր ու գեղատեսիլ վայրում, Ս. Աստվածածին անունը է կրում և արևելյան պատին ունի երեք արձանագրություն: Կենտրոնական լուսամուտի շուրջ գրված է. «Տէր Աստուած Յիսուս Քրիստոս աւօգէ Բիրթելից, Բէշքէից եւ Իվանէի» (*Դիվան հայ վիմագրության, էջ 108*): Պատի խորշերի կամարաձև կիսաշրջաններից ևս արձանագրություններ կան: Մեկում ասվում է՝ «Ես Տէր Ստեփանոս, որդի Զալալից, թոռն մեծի Տարսայիճից հիմնարկեալ շինեցի եկեղեցիս յանուն սրբուհոյ Աստուածածնայ...», մյուս արձանագրությունը հողմահարված է, ընթեռնելի է միայն այսքանը՝ «...յիշատակի եւ նվիրանի ուղերձ մեծ Էլիկումի, Բիրթել անուն քաջ...» (*Դիվան հայ վիմագրության, էջ 108*): Վիմագրական այս տվյալները միանգամայն համահունչ են Մոմիկի հիշատակարանի տեղեկություններին, ուստի կարող ենք ասել, որ հիշատակագրի խոսքը հենց այս եկեղեցու մասին է: Ինչ վերաբերում է եկեղեցու անվանը, ապա Մոմիկի ճշածը՝ «եկեղեցի կատարեաց՝ յանուն սրբուհոյ Աստուածածնին եւ սրբոյն Նիկողայոսի եւ Քրիստափորոյ սրբոյ», ամենայն հավանականությամբ վերաբերում է եռախորան այս եկեղեցու խորաններին. կենտրոնականն ու գլխավորը կոչվել է Ս. Աստվածածին, իսկ կողայինները՝ Ս. Նիկողայոս և Ս. Քրիստափոր: Եկեղեցիների խորանների առանձին անուն ունենալը սովորական երևույթ է եղել, իսկ որ Բուրթելի միջոցով Ստեփանոս Տարսայիճի կառուցածը հենց մեկ եկեղեցի էր, երևում է նույն հիշատակարանից՝ «ի նոր շինեալ եկեղեցի կատարեաց»:

Այսպիսով, կարծում ենք, որ Մոմիկի ճշած Նորավանքը Եղեգիսի ծայրամասում գտնվող «Զորաց» եկեղեցու մոտերքում է, ուր և 1331 թ. շքեղորեն կազմվել է նրա սկսած, Հովհաննես գրչի ու Թորոս Տարոնացու ավարտած ձեռագիրը: Կազմարարության տեղի ընտրությունը պատահական չէր, քարձրարվեստ, ոսկեգօծ կազմեր պատրաստվում էին խոշոր գրչատներում, իսկ վերին Նորավանքի գրչատունը հենց այդպիսին էր:

Վերին Նորավանքի ու Եղեգիսի մերձավորությունը է ակնարկվում Մաթեոս գրչի վերը ճշված 1456 և 1473 թթ. հիշատակարաններում, ինչպես և 1658 թ. մի հիշատակարանում, ուր ասվում է, որ ձեռագիրը նորոգվել է «ի յերկիրս Վայո ձորոյ, ի գեղաքաղաքիս յԵղեգիս, ի նահանգիս Շատիկոյ, Նորավանից սուրբ անապատիս» (*Վ. Հակոբյան, ԺԷ դարի հայերեն ձեռագրերի հիշատակարաններ, մասն Գ, Երևան, 1984, էջ 819*):

Վերին Նորավանքը բարձրաճախաց ու գեղեցիկ դիրք է ունեցել, ինչպես կարելի է ենթադրել Պողոս վարդապետի 1476 թ. Ռիշատակարանի քննության միջոցով՝ «Վերին Նորավան... որ ճշմարիտ հար եւ մահն է վերին Երուսաղէմին»:

ԵՊԻՍԿՈՊՈՍԱՆԻՍՏ ՆՈՐԱՎԱՆՔԸ ՆԱԵՎ «ՃԳՆՈՂԱԿԱՆ ՀԱՐԿ»

Նորավանքը, որպես եպիսկոպոսանիստ կենտրոն, ամկասկած ունեցել է հարուստ մատենադարան, դիվան, գրչատուն: Վանքի առաջնորդներից շատերը գիտական ու մշակութային հակումներ ունեցող, հաճախ՝ ժամանակի ամենաուսյալ մարդիկ էին, ինչպես, օրինակ, Ստեփանոս Օրբելյանը և նրան հաջորդած՝ Գլաձորի շրջանավարտներ Հովհաննես Օրբելն ու Ստեփանոս Տարսայիճը: Սակայն Նորավանքում գրված և մեր օրերը հասած ձեռագրերը փոքրաթիվ են (հայտնի են Նորավանքում գրված ստույգ տեղորոշված երեք ձեռագրեր՝ Մովսիկի ընդօրինակած 1292 թ. Ավետարանը, Մատենադարան, թիվ 2848, նույն գրչի սկսած 1307 թ. Ավետարանը, որ հետո կազմվել է Վերին Նորավանքում, և 1451 թ. ընդօրինակված մի «Մաշտոց», Մատենադարան, թիվ 6950): Սակայն, ինչպես վերը նշվեց, Նորավանքի եպիսկոպոսարանն այն առանձնահատկությունն ուներ, որ ամփոփված էր ընդգրկում էր ևս երկու վանքեր, Արատեսը՝ որպես ամսառային մատավայր՝ «Մատագախ», և Վերին Նորավանքը՝ որտեղ եղել է Նորավանքի եպիսկոպոսարանի դպրոցն ու գրչատունը:

Այնուամենայնիվ, քացի եկեղեցական վարչական կենտրոն լինելուց, Նորավանքին մահ մեկ այլ դեր էր վերապահված:

1414-ին Գրիգոր կրոնավորը Գրիգոր Տաթևացու Հարցմանց գրքի ընդօրինակությունը սկսել է Հերմոնի վանքում, որոշ ժամանակ եղել Նորավանքում, ապա գործն ավարտել Եղվարդում. «եղել սկիզբն... ի վանս Հերմոնի, առ ռոս մեծ ռարունոյն Յովաննէս հռետորի եւ միշայմոխ եղեալ ի ճգնողական յարկին Նորայվանս եւ աւարտ գրութեան սորա ի... յԵղիվարդ» (Լ. Խաչիկյան, *Ժեղարի հայերեն ձեռագրերի Ռիշատակարաններ*, մասն Ա, Երևան, 1955, էջ 163): Հետաքրքիր է, որ Նորավանքն այստեղ անվանվում է «ճգնողական հարկ»: 1486 թ. Վերին Նորավանքի գրիչ Մաթեոսի որդիներ Իգնատիոսն ու Ստեփանոսը իրենց հոր Գանձարանը նվիրել են Եղիշե արքեպիսկոպոսին՝ այն Նորավանքում պահելու համար: Հիշատակարանում գրում են. «տուաք զմեր հօր՝ տէր Մատթէոսի ձեռագրած Գանձատետրս ի ձեռն տէր Եղիշայ արհիեպիսկոպոսին, որ դնէ ի սուրբ ուխտն ի Նորավանս, անջիմջ յիշատակ մեզ... եւ մա խոստացաւ

ի ձեռն խարազն ճգնաւոր միաբանացն, որ ժողովին ի սուրբ ուխտն եւ զմեզ ի ժամ աղօթիցն յիշեն եւ «Աստուած ողորմի» ասեն եւ պատարագեն...», ըշվում է նաև Ավագ Սուրբ Նշանը՝ կասկած չթողնելով, որ խոսքը եպիսկոպոսանիստ Նորավանքի մասին է (ԺԵ, Գ, 85): Այս երկու հիշատակարաններում էլ ակնարկվում է Նորավանքի միաբանության խստակրոն վանական ճգնակեցությունը: Այստեղ հարկ է նաև հիշել, որ Նորավանքը ճգնակյացների թնակավայր է եղել եպիսկոպոսանիստ դառնալուց շատ ավելի վաղ ժամանակ: Դեռևս ԺԱ դարում Վահանավանքից այստեղ եկած Հովհաննես եպիսկոպոսն իր շուրջն է հավաքում «կրոնավոր ու ճգնակյաց» հոգևորականներ, ինքն էլ «ապրում էր մեծ ճգնություններով» (Ստեփանոս Օրբելյան, էջ 288-289): Վանական այս ավանդույթները, ինչպես տեսնում ենք, Նորավանքում հարատևել են:

Վանքը նաև Օրբելյանների տոհմի գերեզմաններն ամփոփող վայր էր, ուր եկեղեցիները շարունակաբար պիտի Ս. Պատարագ մատուցեին բարձրատոհմիկ հանգուցյալների հոգու փրկության համար: Պատահական չէ, որ հիշատակարաններում ու վիմագրերում վանքը, «փառաբանակ, հոյակապ, հոչակավոր» անվանվելու հետ մեկտեղ, կոչվում է նաև «դամբարան մեծ իշխանաց»: Հիրավի, Նորավանքի չորս եկեղեցիներից երկուսը եկեղեցի-դամբարաններ են (այդօրինակ դեր ունի նաև գավիթը): Տեղի միաբանները պարտավոր էին քարեխղճորեն կատարել սահմանված Պատարագներն ու այս կամ այն հանգուցյալի հոգեհանգստի ծեսը, ինչպես վիմագրերից մեկում Տարսայիճի կին Մինա խաթունն է պահանջում՝ «...հանդեսի արհմեսցեն զշիրիմս» (Դիվան հայ վիմագրության, էջ 238):

Վանքի վիմագրերը, կատարված քաղմաթիվ նվիրատվությունները վկայում են, որ այն մեծ ուխտավայր է եղել, ընդ որում եկել են թե՛ ունևորներ, թե՛ հասարակ մարդիկ ու կարոտյալներ, որոնց համար հատուկ հոգատարություն է ցուցաբերել Ստեփանոս Օրբելյանին նախորդած Սարգիս Բ եպիսկոպոսը: Նա Նորավանքի մոտ հյուրատուն է կառուցել («շինեցի զհիրատունս»), խոշոր նվիրատվություններ հատկացրել, որպեսզի «մուտքն (եկամուտը) ի հիւրերին պէտքն անցուցանեն, որ ատարքն եւ կարատեսալքն ուտեն, պարոնացն եւ երախտաւորացն աղաթք եւ «Աստուած ողորմեա» ասեն» (Դիվան հայ վիմագրության, էջ 246):

Փաստորեն Նորավանքի միաբաններն ապրել են ավելի շատ ճգնավորական, աղոթական կենցաղով, միաժամանակ ապահովել Օրբելյան քաղմաթիվ իշխանագույնների դամբարանների, նաև առաջնորդների ու մետրոպոլիտների հիշատակին նվիրված ծիսական արարողակարգը: Թերևս Նորավանքի միաբանների այսօրինակ զբաղվածությունն է նաև պատճառ դարձել, որ եպիսկոպոսարանը,

որպես դպրոց և գրչատուն, հովանավորել է մեկ այլ վանական կենտրոն՝ Վերին Նորավանքը:

Ամփոփելով, կարող ենք ասել, որ Օրբելյանների միտրոպոլիտական իշխանության շրջանում Նորավանքի գլխավորությամբ ստեղծվել է եպիսկոպոսարանի ինքնատիպ եռավանք համակարգ: Բնակլիմայական նկատառումներով Արատեսի բարձրադիր վանքը դարձել է միտրոպոլիտների ամառային նստավայր, իսկ կրթամշակութային նպատակների համար օգտագործվել ու հովանավորվել է Օրբելյան իշխանների նստավայր Եղեգիսի մոտ գտնվող Վերին Նորավանքն իր դպրոցով ու գրչատնով: Վերջինիս գործունեությունը ձգվում է մինչև ԺԷ դար:



ԼՈՒՅՍ ՏԵՍԱՎ Ն.Ս.Օ.Տ.Տ. ԳԱՐԵԳԻՆ Ա
ԱՍԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
«... ԵՎ ՕՐՈՐՎՈՒՄ Է ՆԱՎԸ ԱՆԻՔՆԵՐԻ ՎՐԱ» ԳԻՐՔԸ


Վերջերս Նյու Յորքում լույս տեսավ Ն. Ս. Օ. Տ. Տ. Գարեգին Ա Ամենայն Հայոց Վեհափառ Հայրապետի «...Եվ օրորվում է նավը ալիքների վրա» էսսեների անգլերեն ժողովածուն՝ Հայ Առաքելական Եկեղեցու Ամերիկայի Արևելյան թեմի առաջնորդ Տ. Խաժակ արքեպս. Պարսամյանի տնօրինությամբ և Զրիստափոր Հ. Ջաքյանի խմբագրությամբ: Ժողովածուն լույս տեսավ Եկեղեցիների Համաշխարհային Խորհրդի հիմնադրման 50-ամյա հոբելյանի, ինչպես նաև Հայաստանում Զրիստոնեության՝ որպես պետական կրոն հռչակման 1700-ամյա հոբելյանի առթիվ:

ԵՀԽ-ի ստեղծումը ողջ աշխարհին և Ընդհանրական Եկեղեցուն լավատեսություն մեղշնշող երեւույթ էր. Էկումենիկ շարժման համար կարեւոր առաջընթաց քայլ, և դրա հիմնադիրներն այն համոզմունքն ունեին, թե Խորհուրդը կհաստատի ավելի տեսական համախմբվածություն և համերաշխություն: Սակայն վերջին տարիներին թվում է, թե Խորհուրդն իր կեսդարյա գործունեությունը եզրափակում է՝ ենթարկվելով ճգնաժամի վտանգին: Ետ մայելով իր բազմաթիվ ուշագրավ նվաճումներին, այսօր ԵՀԽ-ը տեսնում է ինքնիրեն քշված՝ վեճերի ալիքների իտսանքի կողմից:

Նորին Սրբություն Վեհափառ Հայրապետի հոգեւոր սպասավորության ժամանակաշրջանը գործնականում գրեթե համընկել է ԵՀԽ-ի հիմնադրման և դրանից ի վեր ծավալած գործունեության ժամանակաշրջանի հետ, և պատահական չէ, որ Նորին Սրբության ելույթները տարբեր Էկումենիկ հավաքների ժամանակ հիացմունք են առաջ քերում իրենց դիմամիզմով ու պարզությամբ:

Եթե ուշադրություն դարձնենք գրքի ենթավերնագրին՝ «*Ճեպագրեր՝ արված էկումենիկ ճանապարհորդության ընթացքում*», ապա սույն ժողովածուում ընդգրկված էսսեներն իրոք, ըստ ժամանակագրական կարգի՝ գրի են առնում մի Էկումենիկ ճանապարհորդություն՝ երկու իմաստով. մի կողմից դրանք իրարա-հաջորդ կերպով մերկայացնում են վերջին տասնամյակների ընթացքում ԵՀԽ-ի իրադարձություններն ու շարժումները, և մյուս կողմից՝ ուղղագծում Վեհափառ Հայրապետի անցած ուղին, նրա մտածողության զարգացման և հասունացման ընթացքը՝ սկսած քահանայական ձեռնադրությունից մինչև գահակալության շրջանը՝ որպես Ամենայն Հայոց Կաթողիկոս:

Էսսեները, բացառությամբ առաջինի, գրքում մերկայացված են ըստ ժամանակագրական կարգի և համառոտ, սակայն քովանդակալից կերպով մեկնաբանված են առաջաքանի հեղինակ Զրիստափոր Հ. Ջաքյանի կողմից:



Առաջին էսսեն՝ «ԵՀՆ-ն իր նոր տարողության մեջ եւ Ուղղափառ Եկեղեցիները»։ Ժողովածուում գրավում է առաջին տեղը. քանի որ հող է նախապատրաստում սույն ժողովածուի հիմնահարցի ուսումնասիրման համար. այն է՝ ԵՀՆ-ի զարգացող, ծավալվող գործունեության շրջանակները եւ Ուղղափառ Եկեղեցիների տեղը խորհրդում։ Ստանձնելով միջնորդի դերը, Վեհափառ Հայրապետը քե՛ն խորհրդին եւ քե՛ն Ուղղափառ Եկեղեցիներին հորդորում է զնահատել ու ճանաչել իրենց ստացած եւ իրենց մատուցած օգուտները։ Ու քեւ այն գրված է ավելի քան 20 տարի առաջ՝ 1978 թվականին, դրանում արծարծված քեման առ այսօր արդիական է։

Երկրորդ էսսեն՝ «Էկումենիկ եիմնահարցը Բյուզանդական Քրիստոնեության մեջ» /1959 թ./, ամենից վաղ գրված աշխատությունն է։ Նրանում 27-ամյա Գարեգին աբեղա Սարգիսյանը վերլուծում է 5-րդ դարում տեղի ունեցած Եկեղեցու պառակտման երեւոյթը։ Թեւեւ դրանից հետո անցել է ավելի քան 1500 տարի, այնուամենայնիվ, այսպես կոչված քաղկեդոնյան հարցը մի խոց է, որը դեռեւս կարոտ է բուժման։ Այդ հարցի լուծման ուղին կարող է լույս սփռել Եկեղեցիների միջեւ համընդհանուր համաձայնության ձեռքբերման ճանապարհին։

«Քրիստոսի անձի վարդապետությունը Հայ Եկեղեցում» /1964 թ./ էսսեում, այժմ արդեն Գարեգին եպիսկոպոս Սարգիսյանը, վերջնական նպատակ ունենալով հաշտությունը, գտնում է, որ Եկեղեցիների միջեւ բացահայտ տարաձայնություններն ու վեճերը կարելի է հաղթահարել՝ հրավիրելով ստեղծելով հիմնավորք էկումենիկ ժողովներին համարժեք ժամանակակից մի մարմին։

«Նոթեր Եկեղեցիների քաղաքական պատասխանատվության շուրջ» /1967 թ./ էսսեում, հակիրճ խոսելով Եկեղեցու եւ հասարակության փոխհարաբերությանը նվիրված 1966 թ. հրավիրված համաշխարհային կոնֆերանսի մասին, Գարեգին եպիսկոպոս Սարգիսյանը մատնանշում է աճող քաղաքական երկճյուղավորումը Էկումենիկ շարժման մեջ եւ վաղորդը նախազգուշացնում ԵՀՆ-ի ներսում վերահաս ճգնաժամի մասին։

Հաջորդ՝ «Քրիստոնյա Եկեղեցիները եւ Պաղեստինցի փախստականների հիմնահարցը» /1970 թ./ էսսեում Գարեգին եպիսկոպոս Սարգիսյանը պնդում է, որ ԵՀՆ-ը կարող է եւ պետք է արդյունավետ դեր կատարի միջազգային թատերաբեմում, եւ մատնանշում Եկեղեցիների գործունեության որոշ ուղղություններ՝ մարդասիրական օգնության ու օժանդակության ապահովում, հակամարտող կողմերի միջեւ միջնորդ գործունեություն, մարդու իրավունքների պաշտպանություն։

«Անհամբերությունից խոնարհություն՝ բարեկամության մեր համձանառության մեջ» /1972 թ./ էսսեում պարզորեն ակնարկվում է այն եիասփափությունը, որ ճնշում էր ԵՀՆ-ին։ Գարեգին եպիսկոպոս Սարգիսյանն անկեղծորեն տարակուսում է, քե ինչպես կարելի է հաղթահարել «անեղանելի դրությունը եւ անզգայությունը... անհամբերությունը եւ հիասթափությունը»։ Գործելով շուրջ քառորդ դար, ԵՀՆ-ը նպաստել է քաղմաթիվ անձնական քարեկամական հարաբերությունների հաստատմանը՝ տարբեր Եկեղեցիների ներկայացուցիչների միջեւ եւ նույնիսկ հող նախապատրաստել՝ տեւականորեն ավելի սերտ համախմբման համար։ Սակայն Եկեղեցիներն իրենց պատրաստ չէին ավելի սերտ միության։ Գարեգին եպիսկոպոսը պնդում է, որ միասնությունը, բարեկամությունը առաջադիմության տրամաբանական եւ կարելի ուղի է եւ պետք է մնա Եկեղեցիների հեռահար նպատակը՝ չնայած էկումենիկ շարժման մեջ ժամանակավոր վայրկյաններին։

Քրիստոնեությունը սկիզբ առավ որպես հալածված կրոն, և շատ վայրերում հակաքրիստոնեական ուժերը դեռևս հալածում են դրա «հետեւորդներին» բացահայտ կամ գաղտնի կերպով: Ահա այս թեման է շոշափում Վեհափառ Հայրապետն իր «Կյանքի Քրիստոս տառապանքի և համբերության միջով» /1982 թ./ էսսեում: Բյուզանդական Եկեղեցիները մշանակ են այն իրողության, որ երբ ուժը չի կարող ինքնիրեն արտահայտել արտաքինապես, ապա կարող է դա անել ներքինապես՝ համբերատարությամբ, տոկունությամբ և հոգեւոր կյանքի միջոցով: Դիշտ ընկալվելիս՝ նման անգործությունը մի շնորհ է, որ «մենք չենք կարող փոխանակել որեւէ այլ ուժի հետ, որ աշխարհը կարող է մեզ առաջարկել»:

«Ինքնեքս մեզ հետ դեմ առ դեմ» /1997 թ./ էսսեով թեւակոխում ենք Նորին Սրբության հոգեւոր սպասավորության մի մոր փուլ՝ որպես Ամենայն Հայոց Կաթողիկոս, Վեհափառ Հայրապետի առաքելության ժամանակաշրջանը: Այստեղ Գարեգին Ա Կաթողիկոսը հանդես է գալիս արդեն որպես էկումենիկ շարժման փորձառու և վաստակավոր գործիչ: Մատնանշելով աշխարհը վերափոխող զարգացումներն ու իրադարձությունները, ազատության պոռթկումը ողջ աշխարհում, հասարակության հարաճույն աշխարհայնացումը, Գարեգին Ա Կաթողիկոսն ապացուցում է, որ աշխարհիկ մշակույթը շլացրել է էկումենիկ շարժումը: Պայքարը, վեճը կրոնական համայնքների միջև, ավելի են ամրապնդում հասարակության աշխարհիկ ուղղվածությունը, որին կարելի է հակազդել հաշտությամբ և միությանը:

«Էկումենիկ միտումները Հայ Եկեղեցում» /1998 թ./ էսսեում Վեհափառ Հայրապետը խոսում է 19-րդ դարում Գերմանիայում կրթված հայտնի հայ հոգեւորական-գիտնականներ Կարապետ եպիսկոպոս Տեր-Մկրտչյանի և Գարեգին Կաթողիկոս Հովսեփյանի մասին, որոնց որոշ ընդունումները, թեւ մրանց ողջության օրոք քննադատվել են, սակայն իրենց ազդեցությունն են թողել Հայ Եկեղեցու վրա: Այստեղ կա բացահայտ համամանություն այսօրվա էկումենիկ շարժման հետ, որը համբերության և ինքնազսպության դաս է՝ շարժման ժամանակակից սերնդի ղեկավարներին: Էսսեի սքանչելի յուրահատկությունն է Վեհափառ Հայրապետի մտորումն իր կյանքի անցած ճանապարհի շուրջ:

Վերջին երկու էսսեներում Վեհափառ Հայրապետին տեսնում ենք արդեն որպես հովվապետ՝ եկեղեցական կյանքի ճակատային գծում, Եկեղեցու գործուն առաջնորդ և ապա՝ ավելի լայն շարժման առաջնորդ: «Էկումենիկ մարտա-երավերն Արեւելյան Եվրոպայում» /1998 թ./ էսսեում Վեհափառ Հայրապետը հանդես է գալիս որպես իր հուրը գառան մորթի հագած գիշատիչներից պաշտպանող աշխուրդ, զգոն հովիվ: Խորհրդային Միության փլուզումը, իր և այլ ժողովուրդներին ազատություն բերելու հետ միասին, ուղեկցվեց նաեւ այդ երկրներ «քրիստոնյա և կեղծ-քրիստոնյա» աղանդների ներխուժմամբ: Ահա հենց այդ աղանդներն են այսօր «էկումենիկ մարտահրավեր» հանդիսանում:

Վերջապան հանդիսացող «Խոհեր Հայաստանի՝ դեպի Քրիստոնեություն դարձի 1700-ամյա հորեկյանի շուրջ» /1998 թ./ էսսեում դրսևորվում է Գարեգին Կաթողիկոսի հովվապետական գործունեության մյուս կողմը: Առաջնորդելով իր հոտին դեպի ուղենշային այդ հորեկյանը, Նորին Սրբությունը հրավիրում է ողջ աշխարհի քարեկամ և հավատակից քրիստոնյաներին՝ մասնակցել դրան ոչ թե որպես հանդիսատեսներ, այլ որպես մասնակիցներ՝ տոնելու Քրիստոնեության ընդհանուր պատմության մեջ երջանիկ մի իրադարձություն: Նրա եզրափակիչ

քառերը՝ ուղղված թե՛ էկոմենիկ շարժմանը եւ թե՛ իր ժողովրդին, կարող են նշանաբան հանդիսանալ Գարեգին Կաթողիկոսի ամբողջ առաքելության համար:

Էսսեների այս ժողովածուում անսասան է Վեհափառ Հայրապետի հավատն առ այն, որ Քրիստոնեությունը հավատացյալին ուսանում է երբեք չընկրկել եւ չերկնտել դժբախտության, ձախտրդության սպառնալիքի առջեւ:

Արտահայտելով հիացումնքն իր տառապյալ նախնիների ունեցած ոգեկան ուժի հանդեպ, Վեհափառ Հայրապետն ինքն իրեն հարց է տալիս. «Մեր ամենամտալ օրերին Քրիստոնեությունն ինչպե՞ս ծառայեց հույսի եւ տոկունության, հաստատակամության եւ վերանորոգման աղբյուր: Այս հարցին պատասխան տալու համար պետք է հետամուտ լինել խաչի իմաստին: Խաչը պետք է դիմագրավի Հարության ուժին»: Եվ եթե սա է մեզ քիկունք եղող ուժը, իրո՞ք կարող է այդքան դժվար լինել այսօր Եկեղեցուն վշտացնող տաքածայնությունների հաղթահարումը:

Այս ամենից զատ, Վեհափառ Հայրապետի աշխատությունները ցույց են տալիս, թե հիմնադրեց քրիստոնեկան մի ավանդույթ ինչպես կարող է իմաստություն հաղորդել եւ առաջնորդել ժամանակակից էկոմենիկ շարժումը:

ԼԱՐԻՍԱ ՆԱՎԱՍԻՐԳԵԱՆ

ԱՇՅՐ ԿԹՈՒՌՍ
ԵՎ ԽԵՆԿՈՒՄ



ՎԱՐԴԱՆԱՆՑ ՏՈՆԻՆ ՆՎԻՐՎԱԾ ՀԱՆԳԻՍՈՒԹՅՈՒՆ Ս. ԷԶՄԻԱՇՈՒՆ ԳԵՎՈՐԳՅԱՆ ՀՈԳԵՎՈՐ ԴԵՍԱՐԱՆՈՒՄ

Ծնորդարի 11-ին, Վարդանանց տոնի օրը, Մայր Տաճարում մատուցված Ս. Պատարանգով մեկ անգամ ես ոգեկոչվեց Ավարայրում մահաւոտակված հերոսների հիշատակը:

Ս. Պատարանգից հետո, ժամը 13.00-ին, Գետրոյան Հոգեւոր Դննարանում տեղի ունեցավ հանդիսություն՝ ի հիշատակ Վարդանանց, որին ներկա էին Մայր Աթոռի միաբանությունը՝ գերաշնորհ Ս. Ներսես արքեպիսկոպոս Պոգոսյանի գլխավորությամբ, Դննարանի դասախոսական կազմը, ուսանողությունը, Մայր Աթոռի պաշտոնեությունը և հրավիրյալ հավատացյալներ:

Հանդիսությունը բացվեց Տերուհական աղոթքով, այնուհետև հնչեցին ՀՀ Պետական հիմնը և Դննարանի քայլերգը: Բացման խոսքով հանդես եկավ Գետրոյան Հոգեւոր Դննարանի փոխտեսուչ Ս. Բաբկեն արքեպիսկոպոս Սաբիթյանը: Նա հակիրճ, բայց և թուլանդակալից խոսքով ընդգծեց Վարդանանց գոյամարտի կրոնա-քաղաքական, պատմական ու հայրենասիրական նշանակությունը և նշեց, որ բոլոր սերունդները միշտ երախտագիտության զգացումներով են ոգեկոչել Ս. Վարդանանց խնկելի հիշատակը: Հայր Սուրբի խոսքին հետևեց Ս. Ներսես Ընդհաղու «Նորանիշ» անգուգական շարականի երգեցողությունը, որից հետո «Վարդանանց պատերազմի դասերը» քանախոսությամբ հանդես եկավ պրոֆեսոր Սուրեն Դանիելյանը՝ առանձնակի նշելով.

«Գերաշնորհ Սրբազան Հայրեր, Հոգեշնորհ Հայրեր, սիրելի սաներ, դասախոսներ, հյուրեր: Այսօրն իսկապես մեր ժողովրդի մրահավաքության խորհուրդն ընդգծող սրբազան տոններից է և, եթե չեմ սխալվում, բոլորից տոնում տոնմ այն միաբանության, որին դարեր ի վեր մենք ձգտել, փափագել՝ որոնել և գտել ենք: Պատմությունը մեզն օրինակներ շատ է տալիս: Վարդանանց ուխտը իսկապես մեր Եկեղեցու միաբանության խորհուրդն է: Երջանկահիշատակ Վազգեն Ա Ամենայն Հայոց Կաթողիկոսն իր մի պատգամում այդ մասին ասաց, թե «Քրիստոնեությունը միայն երկնքի ու երկրի մարդկանց միջև հարաբերությունն է, ուխտ մը չէ, այլ մահ»՝ ապրելու կենսամեծ:

Քրիստոնեությունը երկրում մարդկանց միմյանց հետ հարաբերություններ վերաճելու, կարգավորելու ձև է: Այս խորհուրդը Վարդանանց պատերազմում առավել ես հաստատվեց: Այն ժամանակ, երբ կար քրիստոնեությունից հրաժարվելու սպառնալիքը, Հայոց աշխարհ հասած հրովարտակը, պարզապես, վտանգով հեղեղեց երկիրը: Մենք հասկացանք, որ քրիստոնեությունից հրաժարումը միայն կենսամեծից, ապրելամեծից հրաժարում չէ: Դա հրաժարում է մահու ազգային գիտակցությունից, ընդհանրապես մարդ լինելու գաղափարից, որովհետև եթե մարդ ես, ունես քո գաղափարները, ապրելու փիլիսոփայությունը, պարտավոր ես տեր կանգնել մահու այդ գաղափարներին: Այդ օրերին Եկեղեցին էր, որ կարողացավ համախմբել բոլորին:

Միանգամայն ճիշտ է այն խորհուրդը, թե Վարդանանց կոնիլ, մեզ համար լինելության կոնիլ լինելուց գատ, մահու կյանքի ճշմարտությունը քացահայտելու

փիլիսոփայություն է: Եվ խոր իմաստ կա, արդեն, Վարդանի ճառի վերջին հատվածում, երբ նշում է, թե վախը թերահավատության նշան է:

Պատմության ուր հատվածում էլ փորձում ենք քննել մեր ժողովրդի կեցության ու պայքարի խորհուրդները, գտնում ենք, որ հաղթանակն այնտեղ է հասել, որտեղ մենք կարողացել ենք մեր միջից հանել վախը:

Ծերենցը մի հետաքրքիր խոսք ունի: Նա ասում է. «Պատմության ուր հատվածում էլ ուզեմաս մաքառել թշնամու դեմ, Վարդաններ կգտնվեն, մեկը չէ՝ տասը, քայց պատերազմ չափելու համար դու պարտավոր ես Ղևոնդ ունենալ»:

Այսօր մեր ժամանակները նույնքան հերոսական են, որքան Վարդանանց ժամանակները: Երբեմն ասության մեջ մենք այդ հերոսականությունը չենք զգում, նաեւ հպարտանանք, որ այսօր ունենք մեր ոգու առաջնորդը, մեր Ամենայն Հայոց Կաթողիկոսը, մեր Գարեգին Ա Վեհափառ Հայրապետը, որ թերեւս այնտեղ՝ հեռավոր Նյու Յորքում, վախը թերահավատության հետ չպարտում է մի կողմ, հաղթահարելով հիվանդությունը:

Թերեւս այս խորհրդով, այս հավատով էլ եզրափակեմ իմ խոսքը եւ նշեմ ամենագլխավոր պատգամն ու դասը, այն, որ Վարդանանց պատերազմը շարունակական է, երբեք միայն պատմության մեկ էջը չէ մեր ժողովրդի կյանքում:

Այնուհետեւ երգչախմբի կատարմամբ հնչեց Մակար Եկմայանի «Երգ մեռնող հայրենասերի»-ն: Վահան Թեքեյանի «Խորհուրդ Վարդանանց» քանաստեղծությունը կարդաց Բ լսարանի սան Արման Սիմոնյանը: Դեմարանում կատարվող հանդիսությունների ամփոփական մաս են կազմում նաեւ երաժշտական համարները: Կոմիտասի «Կռունկ» ստեղծագործությունը կատարեցին Ա լսարանի սան Զոհրապ Կարապետյանն ու Բ լսարանի սան Վասիլ Շահբաղյանը: Բանախոսությամբ հանդես եկավ նաեւ Գեորգ Մակարյանը: Նա իր խոսքում մեկ անգամ եւս շեշտեց, «Հերոսությունը ծնվում է ոչ թե անհրաժեշտությունից, այլ համարձակների քաջագործությունից: Բազմաթիվ մարդիկ են ապրում, քայց նրանցից հերոսանում են միայն քչերը: Սակայն պատմության մեջ եղավ մի պահ, երբ նախալնանությունը որոշեց խախտել այդ օրինաչափությունը, եւ հայ ժողովրդի սրբության ու հերոսության ծառը միանգամից պտղաբերեց, մենք ունեցանք բազում Սրբեր ու հազար երեսունվեց հերոս-մահապալկներ, որոնք կոչվեցին Վարդանանք»:

Վարդանանց առերես ուրացումը չի կարելի ուրացում համարել այդ քառի բուն իմաստով: Քրիստոս ասում է. «Ով ինձ ուրանա մարդկանց առաջ, Ես էլ նրան կուրանամ Իմ երկնավոր Հոր եւ սուրբ հրեշտակների առաջ» /Մատթ. Ժ 33, Դուկ. ԺԲ 9/: Սակայն Վարդանանց այս քայլն ավելի շուտ մի քաղաքականություն էր, եւ Վարդան Մամիկոնյանն էլ այդպես էր համարում, որովհետեւ իր ճառում ասում է. «Մանավանդ ես չեմ մոռացել եւ հիշում եմ, թե ինչպես ես եւ ձեզանից ոմանք այն ժամանակ անօրեն իշխանին խաբեցինք, մղձրեցրինք, ինչպես մի անպիտան մանուկ տղայի, երբ երեսանց նրա անբարիշտ կամքն իբր կատարեցինք: Բայց Տերն Ինքը վկա է մեզ, թե ծածուկ մտադրություններով ինչպես անբաժան ենք մնացել նրանից»:

Գիտակցված մահն անմահությունն է, սակայն այս արտահայտությունը որոշ լրացումներ է պահանջում: Վեհ գաղափարների համար գիտակցված մահն է անմահությունը: Ոսկերեքանն իր գործերից մեկում ցույց է տալիս, որ Հին Կտակարանում հիշվող մեծ մարդիկ սարսափել են մահից: Սակայն Պողոս

առաքյալն ասում է. «Մարմնից դուրս գալը եւ Զրիստոսի հետ լինելն ավելի չափ է» /Փիլիպ. Ա 23/: Զրիստոս Իր մահը մկրտություն է համարում. որովհետեւ Ջեքեղեոսի որդիների հետ խոսելիս ասում է. «Իմ բաժակը կխմեք, եւ այն մկրտությամբ, որով ես մկրտվում եմ. կմկրտվեք» /Մատթ. Ի 23/:

Վարդանանք իրենց անձերը զոհեցին Զրիստոսի եւ հավատի համար. հերոսաբար պայքարեցին եւ նահատակվեցին՝ իրենց օրինակով ցույց տալով, որ ոչ թե ուժը, այլ բարձրագույն զգացումների տեսականությունն է ստեղծում բարձրագույն մարդկանց»:

Այնուհետեւ Ճեմարանի երգչախումբը երգեց «Արեգակն Արդարութեան» շարականը: Եղիշի «Վասն Վարդանայ եւ Հայոց պատերազմին» գրքից «Որոց ոգիքն թուլացեալ են յերկնատըր առաքինութենէն» հատվածն արտասանեց Ա լսարանի սան Անդրանիկ Հակոբյանը: Գ լսարանի սան Դավիթ Մարգարյանը կարդաց Ղեւոնդ Ալիշանի «Պլպտվն Ավարայրի» բանաստեղծությունը: Կոմիտասի «Շողեր ջան»-ը կատարեց Արման Բեգլարյանը /Ա լսարան/, իսկ Ա լսարանի սան Էդիկ Հակոբյանն արտասանեց Ներսես Վանականի «Ոգով Վարդանանց» բանաստեղծությունը:

Գեղարվեստական հայտագիրն ավարտվեց երգչախմբի կատարմամբ հեռաձայնային Մակար Եվսայանի «Լոնց» երգով /մեմակատար՝ Հարություն Տերտերյան, Դ լսարան/:

Ապա գերաշնորհ Տ. Ներսես արքեպս, Պոգոպալյանն իր օրհնության խոսքը հղեց ներկաներին.

«Միրելի հոգեւոր եղբայրներ, Գեորգյան Հոգեւոր Ճեմարանի դասախոսներ, սաներ եւ հանդիսականներ:

Տարին մեկ անգամ Վարդանանց տոնակատարության այս առիթը, կարծում եմ, այնքան քիչ է, քանի որ տարվա երեք հարյուր վաթսուհինգ օրերում էլ կարիք ունենք այսպիսի հանդիսության մերկա լինելու, հոգեպես խանդավառվելու եւ Վարդանանց ոգով մեր կյանքը շարունակելու:

Այս օրը մեր կյանքում բնորոշվում է Ս. Պատարագով եւ հանդիսությամբ: Թե՛նւ նահատակության առիթով ենք հավաքվում, բայց մեր հոգիները լցվում են ուրախությամբ եւ հպարտությամբ: Հպարտությամբ եմ ասում, որովհետեւ Վարդանանց պատերազմի խորքում տեսնում եմ հավատքի գործությունը, հավատքի ուժը, որ մեցուկ դարձավ մարտնչող զինվորներին, հոգեւոր դասին եւ պատերազմի բոլոր մասնակիցներին, որպեսզի նրանք հաղթանակեն: Հակառակ որ իրենց գորավարը՝ Վարդանը, ընկավ պատերազմի դաշտում, բայց բարոյական հաղթանակը, իսկական հաղթանակը մնաց հայ ժողովրդին ոչ միայն պատերազմի շրջանին, այլեւ մեր ողջ պատմության ընթացքում:

Ինչ համար միշտ խորհրդավոր են եղել «Տէր յերկնիցի»՝ այսօրվա շարականի, երկու տողերը, որոնք ասում են. «Հրոյ հոգւոյն շիջուցին զբոց զկրակապաշոյ Պարսիցն» (Հոգու հրով մարեցին կրակապաշտների կրակը):

Տեսնու՞մ եք, կրակը հակադրվում է կրակին: Պարսիկների հավատքի խորհրդանիշը, այն կրակը, որ պաշտամունքի համար քերվում էր Հայաստան, եւ հավանաբար մեր նախնիները պաշտել են կրակը, բայց նոր հավատքի՝ Սուրբ Հոգու կրակն այնքան ուժեղ էր, այնքան ամբողջական, այնքան տիեզերական եւ

այնքան համոզիչ, որ Մուրթ Հոգու տված այդ հավատքի կրակով կարողացան պարսիկների հավատքի կրակը հանգցնել:

Ի՞նչ է նշանակում այդպիսի հավատքի կրակ ունենալ: Դա նշանակում է՝ Վարդանանց պատերազմը հաղթանակով պսակել:

Հայ ժողովուրդը, միշտ է, քրիստոնեությունը Թադեոս և Բարդուղիմեոս Ստաշյանների օրերից ընդունեց մասամբ, սակայն երեք հարյուր տարի քրիստոնեությունը հալածվեց Հայաստանում և միայն Ս. Գրիգոր Լուսավորչի ջանքերով, Տրդատ Թագավորի դարձով է, որ այն Հայաստանում պետական կրոն հռչակվեց, և դեռ որոշ ժամանակ քարոզչության կարիք կար Հայաստան աշխարհում, որպեսզի մեր ժողովուրդն ամբողջությամբ իր հոգին քացե՛ր այս նոր հավատքի լույսի ճառագայթի առջև: Ե՛վ Ս. Սահակը, և՛ Ս. Մեսրոպը չսխալվեցին՝ Հայոց Եկեղեցուն ազգային դրոշմ հաղորդելով հայկական ոգով, հայկական շնչով՝ այրուքների սրելով ունով և Հայաստանում գրի ու գրականության փարածումով:

451 թ., քրիստոնեությունը պետական կրոն հռչակումից միշտ 150 տարի հետո, այդ 150 տարիների ընթացքում քրիստոնեությունն այնպես արմատավորվեց մեր մեջ, որ քաղաքական որևէ ժանր վիճակ երբեք որևէ ազդեցություն չունեցավ հայ ժողովրդի վրա: Եվ մենք որպես զգեստ չհագանք քրիստոնեությունը, այլ այն արյուն ու ոսկոր դարձավ մեզ համար, տեսիլք դարձավ, պաշտամունք, մեզ համար հոգի դարձավ, և այդ հոգուց բաժանվելն անհնար էր: Հովսեփ Կաթողիկոսի սրտագրությամբ Պարսկաստան ուղարկված նամակում շատ բնորոշ կերպով նկարագրվում է քրիստոնեության էությունը, մենք չենք կարող այդ հավատքից հեռանալ: Ո՛չ հուրը և ո՛չ սուրը մեզ չեն կարող կտրել այն նշմարության ակունքից, որ մերը դարձավ, սեփականացվեց հայ ժողովրդի կողմից:

Ես շնորհավորում եմ Գեորգյան Հոգևոր Ծննդարանի տեսչությանը և մանավանդ ուսանողությանը, որ այնքան զեղեցկորեն պատրաստել էին այսօրվա ծրագիրը, այնքան ամբողջական և այնքան սրտահույզ: Ընդհակառակը չէր, Դանիելյանին, նաև ուսանող Մակարյանին, ովքեր կարողացան ներկայացնել Վարդանանց պատերազմի ամբողջ էությունը: Նաև այն խոսնակին, որ իր խոսքերով համեմուն էր հանդիսությունը՝ յուրաքանչյուրին ելույթ ունենալու հրավիրելիս: Ընդհակառակը չէր Վալերյան Հայր Արշակին, որ Գեորգյան Հոգևոր Ծննդարանի կյանքում շարականի սերն ու ոգին է ավելացնում, նաև պրն Եարաթյանին, որ Վարդանանց տոնին նվիրված այս ազգային երգերով գալիս է մեկ անգամ ևս մեր հոգիները փոթորկելու և մեզ փոխադրելու մի այլ՝ զեղեցիկ, վարդազույն աշխարհ, որտեղ մեր նահապտակները երևում են շարքով՝ իրենի հաղթական մարտիկները:

Այս օրն այնքան ուրախալի է և ամբողջական, որ քոլորս՝ ուսանողներ, հոգևորականներ, աշխարհիկ հյուրեր, միասին, միասիրտ և միահոգի դարձած, այս պահն ենք ըմբռնում: Միշտ հիշում ենք նաև մեր Վեհափառ Հայրապետին, որ Նյու Յորքում վերջերս նորից փրաքուժական գործողության ենթարկվեց: Մեր քույրի մաղթանքն ու աղոթքն է, Վարդանանց տոնի առիթով Աստված առողջություն պարգևի Վեհափառ Հայրապետին և շուրջ ուղարկի Մայր Աթոռ, որպեսզի մենք, իրենի նրա զավակներ, մեզ երբեք որք չզգանք, այլ զգանք, որ մեր հայրը մեզ հետ է:

Թող Վարդանանց հոգին միշտ կենդանի մնա մեր մեջ:

Բոլոր ժամանակներում Վարդանանց պարերազմը ներկա է մեր կյանքում: Եթե ուզում եք Վարդանանց հոգուց շնորհվել և այլ ուղությամբ գնալ՝ հեղինակներ ենք, ովքեր աղանդավորի խաբանն առած, քակում են յեր դոները, քայց Հայաստանյայց Եկեղեցու ավանդությունը, պատմությունը և սրբություններն այնքան զեղեցիկ են, սրբազարավ, հուզիչ, որ երբեք ես չեմ կամենա, որ չեզանհից որեւէ մեկն աղանդավոր դառնա և հետանա այս Եկեղեցու պաշտամունքից, Սուրբերի հեթ հաղորդությունից և այս Եկեղեցու շնորհների սրացումից:

Այսօրվա պատարագի Հայր Սուրբն իր քարոզում ասաց, որ անւարարությունն է մեր այսօրվա մեղքը, անւարարությունը՝ մեր այսօրվա հոգեւոր կյանքի հանդեպ: Այնն օր մենք մտածում ենք սնվելու մասին, և երբ սնունդը պակասում է, անհանգստանում ենք, իսկ ինչո՞ւ չենք մտախոհվում հոգու սննդի մասին, երբ հոգեւոր սնունդը պակասում է, ինչո՞ւ չենք անհանգստանում, ինչո՞ւ հարեւանի դուռը չենք ծեծում և ասում, «Հավարքի հացից մի քիչ էլ մեզ տրու, որովհետեւ հավարքով սոված ենք»:

Այս գիտակցությամբ պետք է ապրել, և երբեք չի դոները չբացիք աղանդավորների առջև: Հայաստանյայց Եկեղեցու հավատարիմ զավակներ մնացեք և տեր եղեք այն ավանդությանը, որոնց տերը միայն հոգեւոր դասը չէ, մենք բոլորս ենք՝ միասին, համերաշխությամբ և միասնությամբ:

Օրհնված լինեք Վարդանանց նվիրումով:

ՀՐԱՆՏ ԿՈՍՏԱՆՅԱՆ

Գեորգյան Հոգեւոր Ծննդարանի
Ե յաարանի սան

ՏՅԱՌՆԵՐԴԱՌԱՋԻ ԽԱՐՈՒՅԿ

ՄԱՅՐ ԱԹՈՌՈՒՄ

Հայաստանյայց Առաքելական Սուրբ Եկեղեցին, հավատարիմ մնալով հնավանդ սովորությանը, Տյառնընդառաջը տոնակատարում է փետրվարի 14-ին, Քրիստոսի Ծննդյան 40-րդ օրը:

Գեղեցիկ ավանդություններից է Տյառնընդառաջի տոնի նախօրեին, երեկոյան ժամերգությունից հետո, խարույկ վառելը: Սկզբում այս սովորությունը կապված է եղել հեթանոսական կրակի և Արեգակի յաստված Միհրի հետ, որը սակայն վերափոխատարվել և կցվել է « Տիրոջ Քառասնօրյա Տաճար գալստյան» տոնին:

Այս տարի էլ, Գետրգյան Հոգեւոր Դեմարանի սաների ջանքերով, Մայր Աթոռում վառվեց Տյառնընդառաջի խարույկը:

Տոնակատարությանը ներկա էին Մայր Աթոռի դիվանապետ Ս. Ներսես արքեպս. Պողոսյանը, Դեմարանի տեսչությունը՝ գլխավորությամբ Ս. Հայկազուն Ծ. Վրդ. Նաջարյանի, միաբան հայրեր, Դեմարանի սաներն ու շուրջ հարյուրից ավելի հյուրեր:

Խարույկը վառելուց հետո ճեմարանականները ներկայացրեցին իրենց պատրաստած ծրագիրը: Այն սկսվեց Դեմարանի օրհներգով, ապա երգչախումբը կատարեց «Ազնիվ ընկեր» և «Զեյթունցիներ» երգերը: Դրանց հաջորդեց Կոմիտասի երգերի շարքը /«Էս առում ջուր է գալիս», «Հոյ մազան», «Ֆիդան յար»/: Երգերի կատարումը հաճախ ընդմիջվում էր բանաստեղծությունների արտասանությամբ:

Տոնակատարությունը շարունակվեց մինչ ուշ երեկո: Կրակի վերջին բոցերի հետ ներկաները հեռացան հոգեճորտոգ ու բարձր տրամադրությամբ:

ՀՐԱՆՏ ԿՈՍՏԱՆՅԱՆ

Գետրգյան Հոգեւոր Դեմարանի
Ե յաարանի սան

ՏՅԱՌՆԵՐԴԱՌԱՋԸ ՀԱՄԱՔԱՂԱՔԱՅԻՆ ՏՈՐ ՀԱՐԵՆՑԱՎԱՐՈՒՄ

Ամեն անգամ, երբ տեսնում ես, թե ինչպես են եկեղեցական տոները դառնում ժողովրդական հանդիսություններ, հոգեւոր մեծ ցնծություն ես ապրում ու փառք տալիս Աստծուն, որ վերադարձան անկաշկանդ ու աներկյուղ աղոթելու օրերը. որոնցից տարիներ շարունակ զրկված էինք: Այսպես, Տյառնընդատաջը Կոտայքի մարզի Չարենցավան քաղաքի բնակիչների համար, թեմակալ առաջնորդ գերաշնորհ Տ. Առաքել եպս. Զարամյանի եւ քաղաքապետ պրն. Այվազյանի ջանքերով, վերածվել էր համաքաղաքային մեծաշուք տոնակատարության: Այստեղ էին եկել Երեւանի Պետական համալսարանի Աստվածաբանական ֆակուլտետի դեկան գերաշնորհ Տ. Շահն արքեպս. Ամենյանը ֆակուլտետի երկու եաքյուր ուսանողներով ու դասախոսական կազմով, Հայաստանում քրիստոնեության ընդունման 1700-ամյակի գրասենյակի վարիչ-քարտուղար գերաշնորհ Տ. Մեսրոպ արքեպս. Աշնյանն ու գերաշնորհ Տ. Տաթև արքեպս. Սարգիսյանը, գերաշնորհ Տ. Գրիգորիս արքեպս. Բունիաթյանն ու Հյուսիսային Կովկասի թեմի առաջնորդ գերաշնորհ Տ. Եզնիկ եպս. Պետրոսյանը, թեմակալ առաջնորդ Սրբազան Հայրն ու Մայր Աթոռ Սուրբ Էջմիածնի միաբան հոգեշնորհ Տ. Մակար արքեպս. Հովհաննիսյանը:

Քաղաքում կառուցվելիք եկեղեցու հիմքերի մոտ սկսվեց երեկոյան ժամերգություն՝ հանդիսադրությամբ Շահն Սրբազանի: Ժամերգության վերջում կատարվելիք նախատոնակը վերածվեց մեծաշուք թափոռի՝ կազմված Աստվածաբանական ֆակուլտետի ուսանողներից, Ջրվեժի ՀԵՆՄ-ի անդամներից, տեղի կիրակնօրյա դպրոցի սաներից ու պարի համույթներից: Հարկ է նշել, որ իրենց երգեցողությամբ ու կազմակերպչական աշխատանքով մեծ ծառայություն ունեցան Աստվածաբանական ֆակուլտետի դասախոս պրն. Խորեն Պալյանը, քաղաքի Գեորգ սրկ. Դուրյանն ու Մայր Աթոռ Սուրբ Էջմիածնից եկած Արթուր սրկ. Հայրապետյանը:

Թափոռը, «Քրիստոս փառաց թագաւոր» տաղի երգեցողությամբ, շարժվեց դեպի քաղաքի կենտրոնական հրապարակ: Դամապարհին, հասնելով քաղաքում տեղադրված խաչքար-հուշարձանի մոտ, կանգ առավ, եւ գերաշնորհ Սրբազան Հայրերն օրհնեցին աշխարհի չորս կողմերը, ապա թափոռը շարժվեց առաջ:

Հրապարակում թափոռին դիմավորեց հավատացյալների հոծ բազմությունը: Հասնելով հարթակին՝ հավաքվածներին դիմեց քաղաքապետ պրն. Այվազյանը՝ շնորհավորելով բոլոր ներկաներին այս մեծ ու լուսավոր տոնի կապակցությամբ եւ խոսքը տվեց թեմակալ առաջնորդ Առաքել Սրբազանին:

Գերաշնորհ Սրբազան Հայրը պատմեց քառասնօրյա Տիրոջ Տաճար ընծայման պատմությունը եւ ապա անդրադարձավ տոնի հեթանոսական ակունքներին ու քացատրեց նրա նոր՝ քրիստոնեական խորհուրդը: Առաքել Սրբազանը շնորհակալությամբ հայտնեց քաղաքապետի հոգեւոր Հայրերին՝ հրավերն ընդունելու եւ իրենց ներկայությամբ տոնին առավել շուք տալու համար:

Այնուհետեւ խոսեց գերաշնորհ Տ. Տաթև արքեպս. Սարգիսյանը՝ անդրադառ-

մալով Հայ Առաքելական Եկեղեցու՝ հայ ժողովրդի կյանքում ունեցած դերին ու նշանակությանը, հայ մանուկներին հայեցի դաստիարակություն տալու կարևորությանը:

Ելույթներից հետո ներկա յոթ նորապսակ զույգերի համդիսավորարար հանձնվեցին ամուսնության վկայականներ, որից հետո գերաշնորհ Տ. Շահեն Սրբազանն օրհնեց նորապսակներին՝ նրանց հանձնելով մեկական ոսկյա մատանի ու հեռուստացույց:

Նվերների բաշխումից հետո գերաշնորհ Տ. Առաքել եպս. Քարամյանն ու քաղաքապետը մտնեցան հրապարակի մեծ խարույկին ու այն վառեցին կանթեղի լույսից, որը խորհրդանշում է հավատավորների հոգու սուրբ լույսը, որ է՝ Հիսուս Քրիստոս:

Այնուհետև սկսվեց տոնակատարության ժողովրդական մասը:

Տա Աստված, որ մեման միջոցառումները դառնան ավանդական, լինեն օրինակելի թե՛ Կոտայքի մարզի եւ թե՛ այլ մարզերի քաղաքների համար: Նաեւ մաղթենք առողջություն, ուժ ու եռանդ Կոտայքի թեմի բարեխնամ առաջնորդ Տ. Առաքել եպս. Քարամյանին՝ հետագայում եւս մեման միջոցառումներ կազմակերպելու համար:

ՎԱՀԵ ԴՊԻՐ ԲԵԳՈՅԱՆ

«Ս. ՍԱՀԱԿ-Ս. ՄԵՍՐՈՊ» ԾՔԱՆԺԱՆ՝ ՀՈՎՀԱՆՆԵՍ ՉԵՔԻՋՅԱՆԻՆ

Երեսուցուք տարի առաջ էր: Երջանկափառական Վազգեն Ա Ամենայն Հայոց Կաթողիկոսի երազներով Կոստանդնուպոլսից Հայաստան եկավ մանստրոն Եւփորձեց, պետական ակադեմիական երգչախմբի միջոցով, մոր որակ ու կատարելություն հաղորդել հայ երգչախմբային արվեստին:

Դժվարին, քայց եւ երախտաշատ գործը շատով տվեց իր անդրանիկ պտուղները: Այսօր արդեն այսպես կարելի է խոսել վաստակաշատ մանստրոն Հովհաննես Չեքիջյանի մասին. ավելի քան երեք հազար համերգներ Հայրենիքում, նախկին Խորհրդային Միության շատ ու շատ քաղաքներում եւ արտասահմանյան երկրներում: Այսպիսին է խմբավար եւ դիրիժոր, ժողովրդական արտիստ, պետական մրցանակի դափնեկիր Հովհաննես Չեքիջյանի ստեղծագործական վաստակը:

Շուրջ չորս տասնամյակ առաջ, 1961 թվականին, ստանձնելով Հայաստանի պետական երգչախմբի ղեկավարությունը, մեծ ջանքեր գործադրեց՝ երգչախմբի կատարողական մակարդակը միջազգային չափանիշներին հասցնելու, երգացանկը հարստացնելու համար: Գեղարվեստական ուրույն մտածողության, կատարողական բարձր վարպետության շնորհիվ Հայաստանի պետական ակադեմիական երգչախումբն ստեղծագործական մեծ նվաճումների հասավ՝ ամենուր տարածելով Կոմիտասյան հարմուստ ավանդներով սրբագործված հայկական երգարվեստի համբավը:

Վաստակաշատ երաժիշտն ու քաղաքացին այսօր բոլորել է իր կյանքի 70-ամյակը: Երախտագետ ժողովուրդն ի պատշաճի նշեց այդ տարեդարձը: Նախ մայրաքաղաքի «Արամ Խաչատրյան» համերգասրահում տեղի ունեցավ հորեկյարին նվիրված մեծ հանդիսություն, ուր, մեծաթիվ արվեստասերների ներկայությամբ, Մայր Աթոռ Սուրբ Էջմիածնի միաբան հոգեշնորհ Ս. Արտակ արքեպ Տիգրանյանն ընթերցեց Ն.Ս.Օ.Տ.Տ. Գարեգին Ա Ամենայն Հայոց Կաթողիկոսի սրբատառ կոնդակը՝ երախտաշատ արվեստագետին Մայր Եկեղեցու կողմից յուրավի շնորհավորելու եւ գնահատելու մասին:

Հիրավի, Հայ Առաքելական Եկեղեցին առանձնակի արձագանքեց հայ երգարվեստի երախտավոր հորեկյարին: Վեհափառ Հայրապետի կոնդակով հայկական երաժշտական արվեստին մատուցած նշանակալից ծառայությունների համար եւ ծննդյան 70-ամյակի ուրախ առիթով Հովհաննես Չեքիջյանին շնորհվեց Ամենայն Հայոց Կաթողիկոսության քարձրագույն պարգևներից մեկը՝ «Սուրբ Սահակ-Սուրբ Մեսրոպ» շքանշանը:

Փետրվարի 14-ին, Տյառնընդառաջի օրը, հավարտ Սուրբ եւ անմահ Պատարագի, Մայր Աթոռի Վեհաքառում, ներկայությամբ հոգեւորականաց դասի, մեծաթիվ երաժիշտների, գրողների, նկարիչների, ինչպես նաեւ մշակույթի այլ գործիչների ու երավիրյալների, տեղի ունեցավ շքանշանի հանձնման շնորհանդեսը: Հոգեշնորհ Ս. Արտակ արքեպ Տիգրանյանի կողմից հանդիսավորաբար մեկ անգամ եւս ընթերցվեց Հայրապետական կոնդակը եւ ապա, ձեռամբ Մայր Աթոռ Սուրբ

Էջմիածնի դիվանապետ գերաշնորհ Տ. Ներսես արքեպս. Պողապալյանի, մանստրոյին հանձնվեց Հայոց Եկեղեցու պատվավոր շքանշանը: Սրբազան Հայրը, շնորհավորելով Հովհաննես Չեքիջյանին, միաժամանակ նշեց այն մեծ ավանդը, որ ներդրել է մա հայ երգի պանծացման, երգարվեստի հարստացման ու զարգացման գործում:

Հոբելյարին ի սրտե շնորհավորեցին եւ ստեղծագործական հետագա մորանոր հաջողություններ մադթեցին Մայր Աթոռի միաբան գերաշնորհ Տ. Գրիգորիս արքեպս. Բունիաթյանը, Գերագույն Հոգեւոր Խորհրդի անդամ, ժողովրդական նկարիչ, ակադեմիկոս Գրիգոր Խանջյանը:

Շնորհակալանքի ու երախտիքի խոսք ուղղելով ներկաներին՝ երգարվեստին նվիրաբերած իր գործունեությունն այդքան քարձր գնահատելու համար, մանստրո Չեքիջյանը քարեմադթանքներ հղեց Ամենայն Հայոց Կաթողիկոսին՝ խնդրելով ներկաներին համատեղ աղոթել Նորին Սրբության շուտափույթ ապաքինման եւ Մայր Հայրենիք վերադառնալու համար:

Շնորհանդեսի վերջում, ի պատիվ Հովհաննես Չեքիջյանի, Վեհարանի հյուրասրահում տեղի ունեցավ մաե պաշտոնական ընդունելություն:

ՄԱՐԻՍՄ ՎԱՐԴԱՆՅԱՆ

ԿՅԱՆՔԻ ԿՈՉՎԵՅ ՆՈՐ՝ ՀՈՎՎԱԿԱՆ ԳՈՐԾՈՒՆԵՈՒԹՅՈՒՆԸ ՀԱՄԱԿԱՐԳՈՂ ԳՐԱՍԵՆՅԱԿԸ

Ս. Ծննդյան տոներից հետո, ակտիվ քարոզչական գործունեություն ծավալելու նպատակով, Կաթողիկոսական Ընդհանուր Փոխանորդ գերաշնորհ Ս. Գարեգին արքեպս. Ներսիսյանի կողմից կյանքի կոչվեց Հովվական Գործունեության Համակարգող Գրասենյակը (ՀԳՀԳ):

Գրասենյակի գործունեության նպատակն է՝ թեմերում ծավալել ակտիվ քարոզչություն եւ, որպես քարոզիչ-օժանդակողներ, ներգրավել Մայր Աթոռի միաբաններին: Գրասենյակի տնօրեն է նշանակվել Ս. Արշեն արքեպ. Սանտսյանը:

Գրասենյակի գործունեության ոլորտն է հանդիսանում հովիվ-հոտ, հոգեւորական-ժողովուրդ հարաբերության սերտացումը, քարոզչական օրինական բոլոր միջոցների օգտագործումը եւ հանրակրթական դպրոցներում Հայ Եկեղեցու պատմության եւ քրիստոնեական վարդապետության դասավանդման կազմակերպումը:

Գրասենյակի խնդիրներից մեկն էլ խիստ կարիքավոր ընտանիքներին օգնություն եւ նպաստ տրամադրելն է:

Ուժերն առավել նպատակային օգտագործելու համար կազմակերպվեցին խմբեր, որոնց պայմանականորեն տրվեցին հետեւյալ անունները.

Մայր Աթոռ (սմբի ղեկավար՝ Ս. Միքայել ծ. վրդ. Աջապահյան, անդամներ՝ Ս. Արտակ արքեպ. Տիգրանյան, Ս. Աշոտ արքեպ. Մնացականյան, Ս. Արշակ արքեպ. Խաչատրյան),

Գետրոյան Հոգեւոր Դեմարան (ղեկավար՝ Ս. Հայկազուն ծ. վրդ. Նաջարյան, անդամներ՝ Ս. Բաբկեն արքեպ. Սարգիսյան եւ Հոգեւոր Դեմարանի սարկավագներ),

ԶԴԶԿ (ղեկավար՝ Ս. Վազգեն վրդ. Միրզախանյան, անդամներ՝ Ս. Զարեհ արքեպ. Կաբադյան եւ ԶԴԶԿ-ում աշխատող սարկավագներ),

Արարատյան Հայրապետական թեմ (ղեկավար՝ Ս. Թորգոմ արքեպ. Տոնիկյան, անդամներ՝ թեմի քահանաներ եւ սարկավագներ),

Արմավիրի թեմ (ղեկավար՝ Ս. Խորեն քհն. Մարության, անդամներ՝ թեմի քահանաներ եւ սարկավագներ):

Այս խմբերն ամեն կիրակի քարոզչական աշխատանքներ են ծավալում Արմավիր, Մեծամոր քաղաքներում, Ջանֆիդա, Մրգաշատ եւ Նոր Արմավիր գյուղերում: Տեղերում կազմակերպվում են հանդիպումներ ժողովրդի հետ, ներկայացվում Հայ Առաքելական Եկեղեցու պատմությունը, մեր ժողովրդի ավանդությունները, քննարկվում են ժողովրդին հուզող բազմաթիվ հարցեր, բաժանվում հոգեւոր գրականություն՝ Աստվածաշունչ Մատյան, ԶԴԶԿ-ի կողմից հրատարակված պարզ, բացատրական թերթիկներ ու գրքույկներ, ինչպես նաեւ այլ հրատարակչությունների կողմից լույս ընծայված գրքեր թե՛ մեծահասակների եւ թե՛ մանուկների համար:

Մրգաշատ գյուղի եկեղեցում ամեն կիրակի եւ տոն օրերին մատուցվում է Ս. Պատարագ, իսկ մյուս վայրերում, ուր չկան եկեղեցիներ, կատարվում են

ժամերգություններ, ընդհանրական աղոթքներ: Զարոգյական մպատակներով ցուցադրվում են հոգեւոր թեմաներով տեսաֆիլմեր: Կազմակերպվում են մաեւ համերգներ՝ Արարատյան Հայրապետական թեմի Հայրորդաց տների գեղարվեստական, երգի-պարի համույթների մասնակցությամբ: Տեղերում ստեղծվում են երգի եւ պարի խմբեր:

Հանդիպումներ են կազմակերպվում մաեւ աղանդավորական տարրեր խմբերի հետ:

Մարգային իշխանությունների գիտությամբ եւ անմիջական օգնությամբ, հանրակրթական դպրոցներում կդասավանդվի Հայ Եկեղեցււ պատմություն, որը կիրականացնեն ԶԴԶԿ-ի կողմից վերապատրաստված կրոնի շուրջ 45 ուսուցիչներ:

Զարոգյական մպատակներով գրասենյակը համագործակցում է մաեւ մարգի լրատվական միջոցների, հատկապես՝ Արմավիրի «Ալտ» եւ Էջմիածնի «Էջմիածին» հեռուստաընկերությունների, ինչպես մաեւ մարգային «Արմավիր» թերթի եւ մարգայեւտարանի լրատվական բաժնի հետ:

ԱՐՇԵՆ ԱՐԵՂՍ ՍՄԵՈՍՅԱՆ

ՈՒՍԱՆԵԼԻ ՆԱԽԱԶԵՌՆՈՒԹՅՈՒՆ

Հայաստանյայց Առաքելական Եկեղեցին միշտ գրկաբաց է ընդունում իր մոլորյալ զավակներին, ավելին, զանազան միջոցառումներ կազմակերպում՝ նրանց իրենց արմատներին մտանցեցնելու համար: Նմանատիպ նպատակ էր հետապնդում հերթական այցելությունն Արմավիրի մարզի Ջանֆիդա գյուղ:

Փետրվարի 28-ին, առավոտյան, Արարատյան Հայրապետական թեմի Նորքի «Հայդդաց տան» սաները, ինչպես նաև մի խումբ ճեմարանականներ, գլխավորությամբ հոգեշնորհ Տ. Արշակ արքեպիսկոպոստի, ուղեւորվեցին Ջանֆիդա: Չեռնարկի իրագործմանը մեծապես աջակցել էին գյուղապետ Ղուկաս Սրեյանը և փոխգնդապետ Սմբատ Սրեյանը: Գյուղապետարանը հյուրերին էր տրամադրել մշակույթի տունը, որի դահլիճը բազմամարդ էր:

Գյուղ հասնելուն պես, ճեմարանականները, գլխավորությամբ Հայր Արշակի, կատարվեց «Արեւագալի» ժամերգություն, հավարտ որի Հայր Սուրբը խոսեց «Արեւագալի» խորհրդի մասին՝ խոստանալով ավելի հաճախակի դարձնել այցելությունները:

Այնուհետև ելույթներ ունեցան «Հայդդաց տան» շնորհաշատ սաները: Փոքրիկներն իրենց ծրագիրն սկսեցին «Տոնական» պարով, որին հաջորդեցին «Չեռնածու» կրկեսային համարները, ինչպես նաև երգերի ու պարերի այլկատարումները: Երեխաների պատրաստած գեղարվեստական հայտագիրն ավարտվեց Ռոբերտ Ամիրխանյանի «Հայաստան» երգով:

Հավարտ գեղարվեստական մասի, բեմ հրավիրվեց Տ. Արշակ արքեպիսկոպոստը: Նա իր խոսքում մասնավորապես անդրադարձավ Առաքելական Եկեղեցու դերին ու կարեւորությանը: Հայր Սուրբը խոսեց հայ ժողովրդի անցած պատմական տալու մասին, այնուհետև բացատրեց փրկագործության խորհուրդը և խոսքն ավարտեց յուրահատուկ ուխտով. «Ուխտում ենք այսուհետ ամեն կիրակի գալ այստեղ՝ միասիրտ աղոթելու, պաշտամունք մատուցելու և դրանից հետո միայն զբաղվելու մեր մյուս հոգսերով»:

1700-ԱՄՅԱԿԻՆ ԸՆԴԱՌԱՋ

ՈՒՍՏԱԳՆԱՅՈՒԹՅՈՒՆԸ 1700-ԱՄՅԱԿԻ ԾՐԱԳՐՈՒՄ

ԱՅՅԵԼՈՒԹՅՈՒՆՆԵՐ ՍՓՅՈՒՌԻ ԹԵՄԵՐ ԵՎ ՀԱՅԱՍՏԱՆ

Քրիստոնեությունը Հայաստանում պետական կրոն հռչակման 1700-ամյակի ծրագրով նախատեսված ուխտագնացությունների կազմակերպման մի շարք հարցեր ընմարկելու նպատակով 1700-ամյակի ուխտագնացությունների հանձնախմբի ատենապետ, Հայ Առաքելական Եկեղեցու Կանադայի թեմի առաջնորդ գերշ. Տ. Հովման արքեպս. Տերոսեյանն իր Երուսաղեմ-Հայաստան ուղևորության (հունվարի 28-փետրվարի 7) ընթացքում այցելեց Սփյուռքի մի շարք գաղթօջախներ: Սրբազան Հոր այցելությունը մասնավորապես վերաբերում էր 1999 թվականի ապրիլին Երուսաղեմ մեծ ուխտագնացության, 2001 թվականի երիտասարդական ուխտագնացության նախապատրաստման, ինչպես նաև 1700-ամյակի տոնակատարություններին առնչվող մի շարք այլ հարցերի: Ուղևորության առաջին հանգրվանը Երուսաղեմն էր: Այստեղ իր երկօրյա այցելության ընթացքում Սրբազանը, բացի 1700-ամյակին առնչվող հանդիպումներից, հնարավորություն ունեցավ ծանոթանալու նաև Ճեմարանի /դպրեվանքի/ օաներին:

Երուսաղեմում Հովման Սրբազանը հանդիպումներ ունեցավ Հայոց Պատրիարք Ամենապատիվ Տ. Թորգոմ արքեպս. Մամուկյանի, գերաշնորհ Տ. Արիս եպիսկոպոս Ըիրվանյանի և 1700-ամյակի Երուսաղեմի հանձնախմբի անդամների հետ՝ ընմարկելով հետևյալ հարցերը.

1. 1999 թվականի ապրիլին Երուսաղեմ կատարվելիք ուխտագնացությունը՝ իր մանրամասնություններով.

2. 1700-ամյակի առթիվ երիտասարդական ուխտագնացության հետ կապված կազմակերպչական խնդիրները.

3. Երուսաղեմի Սրբոց Հակոբյանց վանքում Հիսուսի Ծննդյան 2000-ամյակի առթիվ կատարվելիք տոնակատարությունների նախապատրաստական աշխատանքների ընթացքը:

Երուսաղեմից Սրբազան Հայրն ուղևորվեց Լիոն, ուր նախատեսված էին հանդիպումներ 1700-ամյակի տոնակատարությունների Ֆրանսիայի հանձնախմբի հետ: Այստեղ նա մասնակցեց հայրապետական պատվիրակի փոխանորդ Նորվան արքեպս. Ջաքարյանի հրավիրած 1700-ամյակի տոնակատարությունների Ֆրանսիայի հանձնախմբի ժողովին, որին մասնակցում էին նաև հոգեշնորհ Տ. Տաթև վարդապետը և Տ. Կարապետ արքեպս.:

Ժողովի ընթացքում ընմարկվեցին՝ 1700-ամյակի տոնակատարությունների ֆրանսահայ հանձնախմբի կազմը, 1999 թ. ապրիլին Երուսաղեմ-Հայաստան ուխտագնացությանը ֆրանսահայերի մասնակցությունը, 2001 թ. երիտասարդական ուխտագնացությանը ֆրանսահայ երիտասարդների մասնակցությունը, հանձնախմբերի կազմավորումը Փարիզում և Մարսելում, 1999 թ. փետրվարի 3-4 ուխտա-

զնաքության կենտրոնական վարչության և փետրվարի 5-7-ը միջբնական մերկայացուցչական ժողովների հետ կապված մի շարք խնդիրներ:

Ժողովի ընթացքում Նորվան եպիսկոպոսի գլխավորությամբ ստեղծված միջին Ֆրանսիայի հանձնախումբը մերկայացրեց 1700-ամյակի առթիվ կազմած իր մի շարք ծրագրերը, որոնք ամփոփում են Լիոնում մախատեսված Հայ Եկեղեցու վարագույրների ցուցահանդեսը, 2001 թվականի գիտաժողովը Սորբոնում և մի շարք այլ մախաձեռնություններ:

1700-ամյակի ուխտագնացությունների հարցերով պատասխանատու Սրբազան Հայրը Լիոնից այցելեց Լոնդոն, ուր հանդիպեց Անգլիայի հայրապետական պատվիրակ գերշ. Տ. Եղիշե արքեպս. Կիզիլյանի գլխավորած 1700-ամյակի ուխտագնացությունների հանձնախմբի հետ: Այստեղ եւս, հրավիրված ժողովի ընթացքում, քննարկվեցին 1999 թ. ապրիլին և 2001 թվականին կազմակերպվելիք ուխտագնացությունների և կենտրոնական վարչության ու միջբնական մերկայացուցչական մարմնի ժողովների հետ կապված մի շարք հարցեր:

Անգլիայից Գերմանիա ուղևորված Սրբազան Հայրը, Գերմանիայի քեմի առաջնորդ գերաշնորհ Տ. Գարեգին արքեպս. Բեքչյանի հրավերով, Ս. Պատարագ մատուցեց Բյոլնի առաջնորդամիստ եկեղեցում: Ս. Պատարագի ավարտին իր քարոզում մա կրկին անդրադարձավ 1700-ամյակի առթիվ կազմակերպվելիք ուխտագնացություններին՝ կարևորելով երիտասարդության մասնակցությունն այդ նվիրական իրադարձություններին:

Սրբազան Հայրն ուղևորության վերջին հանգրվան՝ Հայաստան, այցելելու ճանապարհին հանդիպում ունեցավ Հայ Առաքելական Սուրբ Եկեղեցու Եվրոպայի հայրապետական պատվիրակ և Փարիզի առաջնորդ գերշ. Տ. Գյուտ արքեպս. Նազաշյանի հետ: Հանդիպման ընթացքում քննարկվեցին 1700-ամյակի Փարիզի հանձնախմբի կազմակերպման հետ առնչվող մի շարք հարցեր:

Փարիզից Հոլման Սրբազանն ուղևորվեց Հայաստան, ուր մասնակցեց 1700-ամյակի ուխտագնացությունների կենտրոնական մարմնի (փետրվարի 3-4) և միջբնական մարմնի (փետրվար 5-7) ժողովներին: Նա ունեցավ մի շարք հանդիպումներ 1700-ամյակի տոնակատարությունների եկեղեցական հանձնախմբի, քննական առաջնորդների, «Հայկազուններ» պատանեկան կազմակերպության անդամների և նրանց ծնողների, Էջմիածնի Գետրոյան Հոգևոր Ճեմարանի և Մեռանի Վազգենյան դպրանոցի սաների հետ, հավուր պատշաճի քարոզ խոսեց Մայր Տաճարում:

Մամլո Դիվան 1700-ամյակի

ՀԱՄԱԺՈՂՈՎ ՄԱՅՐ ԱԹՈՌ ՍՈՒԲԲ ԷԶՄԻԱԾՈՒՄ

Քրիստոնեությունը Հայաստանում պետական կրոն հռչակման 1700-ամյակի տոնակատարությունների կենտրոնական մարմնի նախաձեռնությամբ փետրվարի 5-7-ը Մայր Աթոռ Սուրբ Էջմիածնում հրավիրվեց միջթեմական համաժողով՝ նախագահությամբ գործադիր մարմնի վարիչ-քարտուղար գերաշնորհ Ս. Մեսրոպ արքեպս. Աշճյանի և Կանադայի թեմի առաջնորդ, 1700-ամյակի ուխտագնացությունների կենտրոնական մարմնի ատենապետ գերաշնորհ Ս. Հովնան արքեպս. Տերտեղյանի, որն էլ վարում էր համաժողովի նիստերը:

Համաժողովին մասնակցում էին Հայ Առաքելական Սուրբ Եկեղեցու Հայաստանի և Սփյուռքի թեմերի (Երուսաղեմ, ԱՄՆ, Կանադա, Գերմանիա, Արգենտինա, Բրազիլիա, Ուրուգվայ, Ֆրանսիա, Իրան, Սիրիա, Իտալիա, Վենեսուելա, Զուվեյթ) առաջնորդներ, հոգեւոր և աշխարհական մերկայացուցիչներ, Հայ Եկեղեցու երիտասարդաց և ուսանողական միությունների անդամներ:

Անդրանիկ նիստն սկսվեց աղոթքով, որից հետո, հանուն Վեհափառ Հայրապետի և Կաթողիկոսական Ընդհանուր Փոխանորդի, բացման խոսքով հանդես եկավ Մայր Աթոռի դիվանապետ գերաշնորհ Ս. Ներսես արքեպս. Պողոսյալյանը: Մինչ անդրանիկ նիստի աշխատանքներն սկսելը, ժողովականները ռդջույնի նամակ կազմեցին՝ ուղղված ԱՄՆ-ում ապաքինվող Ամենայն Հայոց Գարեգին Առաջին Կաթողիկոսին:

Համաժողովի մասնակիցներին ողջույնի խոսքով դիմեց Մեսրոպ արքեպս. Աշճյանը: Սրբազան Հայրը հակիրճ ներկայացրեց 1700-ամյակի ծրագրով նախատեսված միջոցառումների նախապատրաստության ընթացքը, առանձնապես կարևորեց ուխտագնացության դերը՝ որպես մեր հավատի ակունքների վերադառնալու իրողություն, ուխտը եյամարելով մեր սրբազան դաշինքը Աստծու հետ:

«1700-ամյակը, ըստ Վեհափառ Հայրապետի, մեր Հոգեգալուստ է: Այդ խոհերով էլ ես արժեւորում եմ Չեր առաքելությունը», - իր խոսքն այդպես ավարտեց Սրբազան Հայրը:

Համաժողովի ընթացքում քննարկվեցին 1700-ամյակի տոնակատարությունների ծրագրի և ուխտագնացությունների կազմակերպման հետ կապված մի շարք կարևոր հարցեր: Այնուհետև ՀՀ հուշարձանների պահպանության վարչության կողմից Հակոբ Միմոնյանը ներկայացրեց 2001 թվականին Հայաստանում և Արցախում չորս երթուղիներով կազմակերպվելիք ուխտագնացություններն ընդգրկող բնակավայրերը տանող ճանապարհների հաղթահարման հետ կապված մի շարք խնդիրներ ու դժվարություններ: Որոշվեց դրանց անդրադառնալ ուխտագնացության կենտրոնական մարմնի հատուկ նիստերում:

Առանձնապես բուռն քննարկում ծավալվեց Հովնան արքեպս. Տերտեղյանի ներկայացրած 2001 թ. երիտասարդական ուխտագնացության նախագծի շուրջ: Ամենայն մանրամասնությամբ քննարկվեցին այդ միջոցառումների հետ կապված բոլոր խնդիրները: Եղան մի շարք հետաքրքիր առաջարկություններ, կատարվեցին լրացումներ, որոնք արձանագրվեցին՝ հետագայում վերանայելու մտադրությամբ:

Կարևորվեց մի շարք հրատարակությունների դերը, որոնք պետք է ոչ միայն ուղեցույց հանդիսանան ուխտավորների համար, այլև օժանդակեն նրանց՝ ուխտագնացության ընթացքում քարոզչական գործունեություն ծավալելուն: Եղան նաև քարոզչական գրականության հրատարակության հետ կապված այլ առաջարկություններ:

Երոստադեմի Հայոց Պատրիարքության ներկայացուցիչը՝ հոգեշնորհ Տ. Բագրատ արեղան, հանդես եկավ հատուկ հայտարարությամբ՝ ներկայացնելով Երոստադեմի Հայոց Պատրիարքի՝ Ամենապատիվ Տ. Թորգոմ արքեպս. Մանուկ-յանի պատրաստակամությունը՝ հոգալու 1999 թ. ապրիլի 7-14-ը դեպի Երոստադեմ կատարվելիք ուխտագնացության հայաստանցի մասնակիցների կեցության ու սննդի հետ կապված բոլոր ծախսերը: Հայր Բագրատն անդրադարձավ նաեւ 2000 թվականի Ս. Ծննդյան տոներին դեպի Երոստադեմ կատարվելիք ուխտագնացությանը:

Համաժողովում 1700-ամյակի տոնակատարություններին հայ երիտասարդության մասնակցության ծրագրին ներկաների ուշադրությունը հրավիրեց Հայ Եկեղեցու ռուսաճողական միության ներկայացուցիչ Արեգ Թադեոսյանը: Նա, անդրադառնալով իրենց կազմակերպության դերին ու աշխատանքներին, նշեց, որ 1700-ամյակը մի հրաշալի առիթ է՝ իրենց գործունեությունն առավել նպատակաւոր ծավալելու համար, որի նպատակը հայ երիտասարդին դեպի Եկեղեցի առաջնորդելը պիտի լինի:

Այնուհետեւ զբոսաշրջիկության հայկական ընկերակցության ներկայացուցիչ Արթուր Ոսկանյանը հանդես եկավ մի ծրագրով, որով առաջարկվեց, հովանավորների նյութական աջակցությամբ, կազմել երիտասարդական կամավորների խմբեր՝ քարեկարգելու եւ մաքրելու համար պատմական հուշարձանների հարակից տարածքները, որպեսզի 1700-ամյակի առթիվ Հայաստան ժամանած քաղաքիկ հյուրերին կարողանանք դրանք պատշաճորեն ներկայացնել: Այս հարցի առթիվ եւս եղան առաջարկություններ:


Ժողովի եզրափակիչ միստից առաջ Մեսրոպ արքեպս. Աշխանը համաժողովի քննարկմանը ներկայացրեց երկու ծրագրեր: Դրանցից առաջինը վերաբերում էր «Մշո Սուրբ Կարապետ» ընկերակցության ստեղծմանը, որի նպատակն է լինելու 1700-ամյակի առթիվ ուխտագնացության ոգին վերակենդանացնել մեր ժողովրդի կյանքում: Երկրորդը վերաբերում էր 1700-ամյակին առնչվող մի այլ կարևոր եւ նպատակային միջոցառման՝ Խոր Վիրապի շրջակայքում ծառատունկին եւ Տրդատ քաղաքի անունով անտառի ստեղծմանը:

Ներկայացվեց նաեւ ուխտավորի անձնագրի մոտիվը, որի շուրջ եղան առաջարկություններ:

Հայ Եկեղեցու Ուսանողական եւ Երիտասարդաց Միությունների միացյալ հայտարարությունից եւ Գեղարքունյաց թեմի առաջնորդ Ամանիա արքեպս. Արաքսյանի կողմից 1999 թվականի սեպտեմբերին թեմի եկեղեցիներ եւ ուխտավարեր կատարվելիք ուխտագնացության ծրագիրը ներկայացնելուց հետո, ավարտվեցին համաժողովի միստերը:

Վիրապի օրը, փետրվարի 7-ին, համաժողովի մասնակիցները ներկա էին Մայր Տաճարում մատուցված Սուրբ Պատարագին: Պատարագիչն էր գերաշնորհ Տ. Հովման արքեպս. Տերտեռյանը: Նա իր քարոզում նույնպես անդրադարձավ ուխտագնացությունների սրբազան ավանդույթի վերականգնման անհրաժեշտությանը՝ որպես հայ երիտասարդության հայեցի եւ հոգեւոր դաստիարակության լավագույն միջոց:

Համաժողովի եզրափակիչ հանգրվանը Խոր Վիրապն էր, ուր, Սրբազան Պատարագից հետո մասնակիցները ուխտի մեկնեցին:



ԵԿԵՂԵՑԱԿԱՆ ԲԵՄ. ԼՈՒՐԵՐ

Փետրվարի 1-ին, երկուշաբթի.- Սրբոց Աստվածանց զօրավարացն:

Այսօր Մայր Աթոռ Ս. Էջմիածին ժամանեցին Կանադայի հայոց թեմի առաջնորդ Ս. Հովնան արքեպս. Տերտերյանը, ինչպես նաև Բելոյիմի և Հյուսիսային Գերմանիայի հայոց հոգևոր հովիվ հոգեշնորհ Ս. Սերովբե վրդ. Իսախանյանը:

Փետրվարի 3-ին, չորեքշաբթի.- Պահք:

Այսօր, երեկոյան, վեհաբանում տեղի ունեցավ Միաբանական ժողով, որի ընթացքում Ս. Միքայել ծ. վրդ. Աջապահյանը ներկայացրեց Մոսկվայում կայացած Ուղղափառ Եկեղեցիների համաժողովում քննարկված խնդիրները: Ժողովում Հայ Եկեղեցին ներկայացնում էր Ս. Միքայել ծ. վրդ. Աջապահյանը:

Միաբանները քննարկեցին Արմավիրի թեմում տարվող քարոզչական աշխատանքների ընթացքը:

Փետրվարի 4-ին, հինգշաբթի.- Սրբոց Ոսկեանց քահանայիցն:

Այսօր ԱՄՆ՝ Նյու Յորք մեկնեց Կաթողիկոսական Ընդհանուր Փոխանորդ գերշ. Ս. Գարեգին արքեպս. Ներսիսյանը՝ տեսակցելու Ն.Ս.Օ.Տ.Տ. Գարեգին Ա Ամենայն Հայոց Կաթողիկոսի հետ:

Նույն օրը Մայր Աթոռ Ս. Էջմիածին ժամանեց Արգենտինայի հայոց թեմի առաջնորդ Տ. Գիսակ արքեպս. Մուրադյանը:

Փետրվարի 5-ին, ուրբաթ.- Պահք:

Այսօր Մայր Աթոռ Ս. Էջմիածին ժամանեց Քուվեյթի հայոց թեմի առաջնորդ Տ. Սեպուհ եպս. Սարգիսյանը:

Փետրվարի 7-ին, կիրակի.- Դ կիրակի զկնի Մենդեան:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Կանադայի հայոց թեմի առաջնորդ Տ. Հովնան արքեպս. Տերտերյանը: «Հայր մեր»-ից առաջ հավուր պատշաճի քարոզ խոսեց պատարագիչ Սրբազանը (Տես էջ 18):

Քարոզի վերջում Սրբազան Հայրը, Մայր Տաճարի լուսարարապետ Տ. Հուսիկ արքեպս. Սանթուրյանի խնդրանքով, հավատացյալ ժողովրդին տեղեկություններ հաղորդեց Վեհափառ Հայրապետի առողջության մասին:

Փետրվարի 8-ին, երկուշաբթի.- Սրբոցն Մարկոսի եպիսկոպոսին, Պիոնի քահանային, Կիրղի եւ Բենիամինի սարկաւազացն եւ սրբոց վկայիցն Արդլմսեհի, Որմզդանայ եւ Սայենի:

Այսօր Կանադա մեկնեց ուխտավորաբար Մայր Աթոռ Ս. Էջմիածին ժամանած Կանադայի հայոց թեմի առաջնորդ Տ. Հովնան արքեպս. Տերտերյանը:

Փետրվարի 9-ին, երեքշաբթի.- Սրբոց Ղեռնդեանց քահանայիցն:

Այսօր Գերմանիա մեկնեց ուխտավորաբար Մայր Աթոռ Ս. Էջմիածին ժամանած Բեռլինի և Հյուսիսային Գերմանիայի հայոց հոգևոր հովիվ հոգեշնորհ Տ. Սերովքե վրդ. Իսախանյանը:

Փետրվարի 11-ին, հինգշաբթի.- Սրբոց Վարդանանց զօրավարացն մերոց՝ հազար երեսուն եւ վեց վկայիցն, որք կատարեցան ի մեծի պատերազմին:

Այսօր Մայր Տաճարում, Իջման Ս. Սեդանի վրա, Ս. Պատարագ մատուցեց Մայր Աթոռի միաբան Տ. Արշակ արքեպս Խաչատրյանը: «Հայր մեր»-ից առաջ քարոզ խոսեց պատարագիչ Հայր Սուրբը՝ «Յալսմ հաւատոց մեզ ո՛չ ոք կարէ խախտել, ո՛չ հրեշտակք եւ ո՛չ մարդիկ, ո՛չ սուր եւ ո՛չ հուր, եւ ոչ զինչ եւ եւն դառն հարուածք» (Եղիշե) բնաբանով:

Պատարագի ընթացքում կատարվեց հոգեհանգիստ՝ «վասն համօրէն անջնջելոց ազգիս Հայոց»:

Հավարտ Ս. Պատարագի կատարվեց Հայրապետական մատթանը:

Փետրվարի 12-ին, ուրբաթ. Պահք:

Այսօր Քուվեյթ մեկնեց ուխտավորաբար Մայր Աթոռ Ս. Էջմիածին այցելած Քուվեյթի հայոց թեմի առաջնորդ Տ. Սեպուհ եպս. Սարգիսյանը:

Փետրվարի 14-ին, կիրակի.- Բուն Բարեկենդան: Տեառնընդառաջ:
Տօն քառասնօրեայ գալստեանն Քրիստոսի ի Տաճարն:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Մայր Աթոռի դիվանապետ գերաշնորհ Տ. Ներսես արքեպս. Պողպատյանը: «Հայր մեր»-ից առաջ պատարագիչ Սրբազան Հայրը քարոզ խոսեց՝ «Արդ արձակես զծառայս քո, Տէր, ըստ քանի քում ի խաղաղութիւն, զի տեսին այք իմ զփրկութիւն քո, զոր պատրաստեցեր առաջի ամենայն ժողովրդոց» (Ղուկաս Բ 29-31) քնարանով (Տես էջ 16):

Փետրվարի 15-ին, երկուշաբթի.- Ա օր մեծի Պահոց:

Այսօր Արգենտինա մեկնեց ուխտավորաբար Մայր Աթոռ Ս. Էջմիածին ժամանած Արգենտինայի հայոց թեմի առաջնորդ Տ. Գիսակ արքեպս. Մուրադյանը:

Փետրվարի 18-ին, հինգշաբթի.- Դ օր մեծի Պահոց:

Այսօր Նյու Յորքից Մայր Աթոռ Ս. Էջմիածին վերադարձավ Կաթողիկոսական Ընդհանուր Փոխանորդ Գարեգին արքեպս. Ներսիսյանը:

Փետրվարի 19-ին, ուրբաթ.- Ե օր մեծի Պահոց:

Այսօր, երեկոյան, Վեհաբանում տեղի ունեցավ Միաբանական ժողով, որի ընթացքում Կաթողիկոսական Ընդհանուր Փոխանորդ Գարեգին արքեպս. Ներսիսյանը միաբաններին տեղեկացրեց Նյու Յորքում Վեհափառ Հայրապետի ունեցած վիրաբուժական գործողության հաջող արդյունքների մասին: Սրբազան Հայրը հավաստիացրեց, որ Ամենայն Հայոց Կաթողիկոսը շուտով, ապաքինվելուն պես, կվերադառնա Մայր Աթոռ: Վերջում միաբաններն իրենց աղոթքը վերադարձրին առ Աստված՝ հայցելով Բարձրալից Վեհափառ Հայրապետին շութափույթ ապաքինում և քաջատոգչություն:

Փետրվարի 20-ին, շաբաթ.- Զ օր մեծի Պառնոց: Սրբոյն Թէոդորոսի զօրավարին:

Այսօր Մայր Աթոռ Ս. Էջմիածին ժամանեց Ռուսիանիայի և Բուլղարիայի հայոց միացյալ թեմերի առաջնորդ Տ. Տիրայր արքեպս. Մարտիկյանը:

Փետրվարի 21-ին, կիրակի.- Բ կիրակի Քառասնորդական Պառնոց (Արտաքսման):

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Մայր Աթոռի միաբան Տ. Տիրայր քհն. Գրիգորյանը: «Հայր մեր»-ից առաջ քարոզ խոսեց ՔԴՔԿ Վարիչ-տնօրեն Տ. Վազգեն վրդ. Միրզախանյանը՝ «Եւ մի՛ կերպարանիք կերպարանօք աշխարհիս այստորիկ, այլ մորազեցարուք ի մորոգութիւն մտաց ձերոց» (Հոով. ԺԲ 2) քննադանով (Տես էջ 24):

Փետրվարի 22-ին, երկուշաբթի.- Ը օր Մեծի Պառնոց:

Այսօր Մայր Աթոռ Ս. Էջմիածին այցելեց Հայաստանում Ռուսիանիայի մոր նշանակված դեսպան Պավել Պլատոնան՝ Ռուսիանիայի հայոց առաջնորդ գերշ. Տ. Տիրայր արքեպս. Մարտիկյանի ուղեկցությամբ:

Համում Ամենայն Հայոց Կաթողիկոսի դեսպանին ընդունեց Կաթողիկոսական Ընդհանուր Փոխանորդ գերշ. Տ. Գարեգին արքեպս. Ներսիսյանը: Սրբազան Հայրն իր ուրախությունը հայտնեց Հայաստանում Ռուսիանիայի դեսպանատան բացման առթիվ՝ նշելով, որ այն մեծապես կարող է նպաստել հայ և ռուսին ժողովուրդների հետագա մերձեցմանը:

Սրբազան Հայրը փաստեց, որ ռուսինահայ համայնքի շուրջ 800 տարվա պատմության ընթացքում արդեն իսկ ձևավորված են սերտ հարաբերություններ երկու ժողովուրդների միջև: Սրբազան Հայրը նշեց, որ Ռուսիանիայում հայերն ունեն իրենց նվիրական սրբավայրերը, որտեղից երկու տարի առաջ սկսվեցին Հայաստանում քրիստոնեության պետական կրոն հռչակման 1700-ամյակի առիթով կազմակերպված ուխտագնացությունները: Ռուսիանիայից էր մաս երջանկահիշատակ Վազգեն Ա Կաթողիկոսը:

Պարոն Պլատոնան իր հերթին նշեց, որ հայերը Ռուսիանիայում հայտնի են որպես աշխատասեր և բարեպաշտ քրիստոնյաներ, որոնք կարևոր դիրքեր են զբաղեցնում մաս երկրի պետական իշխանության բարձրագույն օղակներում:

Օմորհակալություն հայտնելով ընդունելության համար, դեսպանը խնդեց մաս իր բարեմաղթանքը հայտնել Ն.Ս.Օ.Տ.Տ. Գարեգին Ա Ամենայն Հայոց Կաթողիկոսին՝ ցանկանալով Վեհափառ Հայրապետին շուտափույթ ապաքինում:

Փետրվարի 23-ին, երեքշաբթի.- Թ օր Մեծի Պահոց:

Այսօր, երեկոյան, Վեհարանում տեղի ունեցավ եպիսկոպոսական ժողով:

Փետրվարի 24-ին, չորեքշաբթի.- Ժ օր Մեծի Պահոց:

Այսօր, երեկոյան, Վեհարանում տեղի ունեցավ Միաբանական ժողով, որի ղեկավարում Արմավիրի թեմում տարվող քարոզչության ղեկավարի մասին իրենց կարծիքները միաբանների հետ կիսեցին Ս. Վազգեն վրդ. Միրզախանյանը, Ս. Բաբկեն արքեպ. Սալբիյանը և Ս. Թորգոմ արքեպ. Տոնիկյանը:

Փետրվարի 26-ին, ուրբաթ.- ԺԲ օր Մեծի Պահոց:

Այսօր Ռուսիանիա մեկնեց ուխտավորաբար Մայր Աթոռ Ս. Էջմիածին ժամանած Ս. Տիրայր արքեպ. Մարտիկյանը:

Փետրվարի 28-ին, կիրակի.- Գ կիրակի Քառասնորդական պահոց:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Մայր Աթոռի միաբան Ս. Բաբկեն արքեպ. Սալբիյանը: «Հայր մեր»-ից առաջ քարոզ խոսեց Գևորգյան Հոգևոր Ընտարանի տեսուչ Ս. Հայկազուն ծ. վրդ. Նաջարյանը՝ «Հայր, մեղա յերկինս եւ առաջի քո, ոչ եւս եմ արժանի կոչել որդի քո» (Ղուկաս ԺԵ 21) բնաբանով (Տե՛ս էջ 27):

“ЭЧМИАДЗИН”

ОФИЦИАЛЬНЫЙ ЖУРНАЛ ЭЧМИАДЗИНСКОГО КАТОЛИКОСАТА
(ФЕВРАЛЬ 1999)

1. РЕДАКЦИОННАЯ: Пост - победа над грехом (стр. 3-6).

ОФИЦИАЛЬНЫЙ ОТДЕЛ

2. 5 февраля 1999 г. в Нью-Йорке повторно оперирован Католикос Всех Армян Гарегин I (стр. 8-9).
3. Приветственные послания Католикосу Всех Армян Гарегину I (от Католикоса Киликийского Домна Арама I, Армянского Патриарха Иерусалима архиеп. Торгома Манукяна, Армянского Патриарха Константинополя архиеп. Месропа Мутафяна, Главы Католической церкви Папы Иоанна - Павла II, Главы Русской Православной церкви Патриарха Московского и Всея Руси Алексия II, Президента Республики Армения Роберта Кочаряна, Председателя Национального Собрания Республики Армения Хосрова Арутюняна, Президента Нагорно-Карабахской Республики Аркадия Гукасяна, других официальных лиц) - (стр. 10).
4. Поздравительная телеграмма архиеп. Нерсеса Попапаляна Католикосу Всех Армян Гарегину I в связи с праздником Вартапедов, 11 февраля 1999 г. (стр. 11).
5. Поздравительная телеграмма канцлера Первопрестольного Эчмиадзина архиеп. Нерсеса Попапаляна Патриарху Московскому и Всея Руси Алексию II в связи с 70-летием (от имени Католикоса Всех Армян Гарегина I и Эчмиадзинской братии), 16 февраля 1999 г. (стр. 12).
6. Встреча Президента Республики Армения Роберта Кочаряна с Патриархом Викарием архиеп. Гарегином Нерсесяном, 19 февраля 1999 г. (стр. 13).
7. Поздравительная телеграмма архиеп. Нерсеса Попапаляна архиеп. Торгому Манукяну в связи с 80-летием и 60-летием иерейского служения, 17 февраля 1999 г. (стр. 14).

РЕЛИГИОЗНЫЙ ОТДЕЛ

8. Проповедь архиеп. Нерсеса Попапаляна в Кафедральном Соборе Св. Эчмиадзина на Сретенье Господне, 14 февраля 1999 г. (стр. 16-17).
9. Проповедь Предстоятеля Армянской Апостольской церкви в Канаде архиеп. Овнана Тертеряна в Кафедральном Соборе Св. Эчмиадзина, 7 февраля 1999 г. (стр. 18-19).
10. Проповедь протоархимандрита Микаэла Ачапагяна в храме св. Рипсимс, 21 февраля 1999 г. (стр. 20-23).
11. Проповедь архимандрита Ваггеса Мирзахяна в Кафедральном Соборе Св. Эчмиадзина, 21 февраля 1999 г. (стр. 24-26).
12. Проповедь протоархимандрита Айказуна Наджаряна в Кафедральном Соборе Св. Эчмиадзина, 28 февраля 1999 г. (стр. 27-30).
13. ПРОТОАРХИМАНДРИТ МИКАЭЛ АЧАПАГЯН. Историческая основа Великого Поста (исследование) - (стр. 31-34).

14. ЧТЕЦ АРТУР КАРАПЕТЯН. Костер на Сретенья Господнем (исследование) - (стр. 35-37).
15. БАБКЕН НАНЯН. Свойства Божественных Лиц Пресвятой Троицы в системе догматических понятий (исследование) - (стр. 38-42).
16. ФРАНЦИСК САЛЫСКИЙ. Руководство к благочестивой жизни, часть IV (перевод с русского Архиеп. Павеля) - (стр. 43-52).

АРМЕНОВЕДЧЕСКИЙ ОТДЕЛ

17. ПИОН АКОПЯН. Епископские престолы во времена Григория Лусаворича (исследование) - (стр. 54-64).
18. Г. МАРТИРОСЯН. Первые церковные учреждения в Армении по Певтингеровой карте (исследование) - (стр. 65-70).
19. КАРЕН МАТЕВОСЯН. Новые страницы из истории Епископского престола в Нораванке (исследование) - (стр. 71-86).
20. ЛАРИСА НАВАСАРДЯН. Рецензия на книгу Католикоса Всех Армян Гарегина I "... И качается лодка на волнах" (стр. 87-90).

В ПЕРВОПРЕСТОЛЬНОМ ЭЧМИАДЗИНЕ И ЕПАРХИЯХ

21. ГРАИГ КОСТАНЯН. Торжество в Эчмиадзинской Духовной Академии, посвященное празднику Вартапедов, 11 февраля 1999 г. (стр. 92-96).
22. ГРАНТ КОСТАНЯН. Сретенский костер в Первопрестольном Эчмиадзине, 14 февраля 1999 г. (стр. 97).
23. ЧТЕЦ ВАГЕ БИГЮЯН. Сретенье Господне - общегородской праздник в г. Чарепцанане, 14 февраля 1999 г. (стр. 98-99).
24. МАРИАМ ВАРДАНЯН. Вручение ордена "Св. Свак-Св. Месроп" Ованесу Ческиджяну в Резиденции Католикоса, 14 февраля 1999 г. (стр. 100-101).
25. ИЕРОМОПАХ АРШЕН САНОСЯН. Образование нового Отдела по управлению пастырской деятельности (стр. 102-103).
26. Поучительная инициатива (духовно-культурное мероприятие, проведенное в селе Джанфида Армавирской губернии усилиями Норкского Дворца юношества Араратской епархии совместно с группой учащихся Эчмиадзинской Духовной Академии, 28 февраля 1999 г.) - (стр. 104).

Павстречу 1700-летию провозглашения христианства государственной религией в Армении

27. Паломничество в программе 1700-летия. О посещении Предстоятелем Армянской Апостольской церкви в Канаде архиепископом Овнаном Тертеряном армянских епархий за рубежом и в Армении с 28 января по 7 февраля 1999 г. (стр. 105-106).
28. Заседание в Первопрестольном Эчмиадзине под председательством архиеп. Месропа Ачяняна, исполнительного секретаря по 1700-летию и архиеп. Ованна Тертеряна, председателя комиссии по организации паломничества в связи с 1700-летием, 5-7 февраля 1999 г. (стр. 107-108).
29. Церковная хроника за февраль месяц. (стр. 109-113).

“ETCHMIADZIN”
OFFICIAL MONTHLY OF HOLY ETCHMIADZIN
(FEBRUARY 1999)

1. **EDITORIAL:** Fasting - victory over the sin (pp. 3-6).

OFFICIAL

2. His Holiness KAREKIN I Catholicos of All Armenians underwent a new surgical intervention and is recovering in New-York (February 5, 1999) - (pp. 8-9).
3. Good wishes to His Holiness KAREKIN I Catholicos of All Armenians (Aram I Catholicos of Cilicia, Armenian Patriarch of Jerusalem Torkom Manukyan, Armenian Patriarch of Constantinople Mesrop Mutafyan, Pope John-Paul II, Alexi II Patriarch of Russia, President of Republic of Armenia Robert Kocharyan, Speaker of Armenian Parliament Khosrov Harutyunyan, President of Nagorno-Karabagh Arkadi Ghukasyan, other officials) - (p. 10).
4. Telegram of congratulation of Archbishop Nerses Bozabalyan to His Holiness KAREKIN I Catholicos of All Armenians on occasion of St. Vardanants feast, February 11, 1999 (p. 11).
5. Telegram of congratulation of Archbishop Nerses Bozabalyan to Alexi II Patriarch of Moscow and All Russia on occasion of 70th anniversary (in the name of His Holiness KAREKIN I and Armenian Church), February 16, 1999 (p. 12).
6. President of Republic of Armenia received the Vicar General, Archbishop Karekin Nersisyan, February 19, 1999 (p. 13).
7. Telegram of congratulation of Archbishop Nerses Bozabalyan to Patriarch Torkom Manukyan on occasion of 80th birthday and 60th anniversary of ordination, February 17, 1999 (p. 14).

RELIGIOUS

8. Sermon of Archbishop Nerses Bozabalyan delivered in the Cathedral on the feast of Presentation of Lord to the Temple, February 14, 1999 (pp. 16-17).
9. Sermon of Archbishop Hovnan Terteryan delivered in the Cathedral, February 7, 1999 (pp. 18-19).
10. Sermon of Archimandrite Mikael Ajapahyan delivered in St. Hripsime Church, February 21, 1999 (pp. 20-23).
11. Sermon of V. Rev. Fr. Vasken Mirzakhanyan delivered in the Cathedral, February 21, 1999 (pp. 24-26).
12. Sermon of Archimandrite Haykazun Najaryan in the Cathedral, February 28, 1999 (pp. 27-30).
13. **ARCHIMANDRITE MIKAEL AJAPAHYAN** - Historic basis of Great Lent (pp. 31-34).
14. **ARTHUR KARAPETYAN** - Fire of “Tyamendaraj” (pp. 35-37).
15. **BABKEN NANYAN** - The properties of Persons of Holy Trinity in dogmatic struc-

ture (pp. 38-42).

16. FRANCIS of SALES - Introduction to the Devout Life. part IV (translation from Russian by Arpine Papayan) - (pp. 43-52).

ARMENOLOGICAL

17. PION HAKOPYAN - Episcopal sees during St. Gregory the Illuminator (pp. 54-64).
 18. H. MARTIROSYAN - First ecclesial institutions in Armenia according the map of Pevtinger (pp. 65-70).
 19. KAREN MATEVOSYAN - New pages of the history of Episcopal see of Noravank (pp. 71-86).
 20. LARISSA NAVASARDYAN - The book of His Holiness KAREKIN I "...And the Boat Moves on the Waters" is published (pp. 87-90).

IN THE MOTHER SEE & DIOCESE

21. HRANT KOSTANYAN - Ceremony in Gevorgyan Seminary dedicated to St. Vardanank feast. February 11. 1999 (pp. 92-96).
 22. HRANT KOSTANYAN - Fire of "Tyamendaraj" in the Mother See. February 14, 1999 (p. 97).
 23. VAHE BEGOYAN - The feast of Presentation of the Lord in Charentsavan, February 14. 1999 (pp. 98-99).
 24. MARIAM VARDANYAN - Presentation of "SS. Sahak- Mesrop" order to Hovhannes Chekijyan in the Mother See, February 14, 1999 (pp. 100-101).
 25. HIEROMONK ARSHEN SANOSYAN - A new Office for Coordination of Pastoral Work is established (pp. 102-103).
 26. Instructing initiative (spiritual-cultural event in Janfida village of Armavir organized by students of "Cultural Center" of Nork in Ararat diocese and by some seminarists). February 28. 1999 (p. 104).

TOWARDS THE 1700TH ANNIVERSARY

27. Pilgrimage in project of 1700th anniversary: visits to dioceses in Diaspora and Armenia (visits of Archbishop Hovnan Terteryan to some dioceses in Diaspora from January 28 to February 7) - (pp. 105-106).
 28. Conference in the Mother See for 1700th anniversary, February 5-7, 1999 (pp. 107-108).
 29. Church pulpit: News - The description of celebrated Holy Liturgies and delivered sermons in the Cathedral and other ceremonies in the Mother See on February (pp. 109-113).

"ETCHMIADZINE"
ORGANE OFFICIEL DU SAINT-SIEGE D'ETCHMIADZINE
(FEVRIER 1999)

1. *Editorial*: Le saint temps de carême-pénitence des péchés (pp. 3-6).

INFORMATIONS OFFICIELLES

2. Sa Sainteté le Catholikos de tous les Arméniens Karékine I^{er} a subi une nouvelle opération chirurgicale (5 février 1999) et passe actuellement la période de sa convalescence à New York (pp. 8-9).
3. Souhaits de prompt guérison au Catholikos de tous les Arméniens de la part de Sa Sainteté Aram I^{er}, Catholikos de la Grande Maison de Cilicie, de Sa Béatitude l'archevêque Torgom Manoukian, Patriarche des Arméniens de Jérusalem, de Sa Béatitude l'archevêque Mesrop Moutafian, Patriarche des Arméniens de Constantinople, de Sa Sainteté le Pape Jean-Paul II, Souverain Pontif de l'Eglise catholique romaine, de Sa Sainteté Alexi II, Patriarche de l'Eglise orthodoxe russe, de Son Excellence Robert Kotcharian, Président de la République d'Arménie, de Monsieur Khosrov Haroutiounian, Président du Conseil Nationale de la République d'Arménie, de Son Excellence Arcadi Ghoukassian, Président de la République du Haut-Karabagh et d'autres personnalités officielles (p. 10).
4. Télégramme de félicitations de l'archevêque Nersès Bozabalian adressé à Sa Sainteté Karékine I^{er} à l'occasion de la fête de Saint Vartan (11 février 1999) - (p. 11).
5. Télégramme de félicitations de l'archevêque Nersès Bozabalian adressé au nom de Sa Sainteté Karékine I^{er} et au nom du clergé du Saint-Siège d'Etchmiadzine à Sa Sainteté Alexi II, Patriarche de Moscou et de toutes les Russies, à l'occasion du 70^e anniversaire de sa naissance (16 février 1999) - (p. 12).
6. Rencontre entre le Président de la République d'Arménie et l'archevêque Garéguine Nersissian, vicaire patriarcal de l'Eglise apostolique arménienne (19 février 1999) - (p. 13).
7. Télégramme de félicitations de l'archevêque Nersès Bozabalian, chancelier du Saint-Siège d'Etchmiadzine, adressé à Sa Béatitude Torgom Manoukian à l'occasion du 80^e anniversaire de sa naissance et du 60^e anniversaire de son ordination sacerdotale (17 février 1999) - (p. 14).

VIE RELIGIEUSE

8. Sermon de l'archevêque Nersès Bozabalian prononcé le 14 février 1999 dans la cathédrale de Saint-Etchmiadzine à l'occasion de la fête de la Chandeleur (pp. 16-17).
9. Sermon de l'archevêque Hovnan Terterian, prélat du diocèse des Arméniens du Canada, prononcé le 7 février 1999 dans la cathédrale de Saint-Etchmiadzine (pp. 18-19).

10. Sermon du Père Mikael Atchapahian prononcé le 21 février 1999 dans l'église de Sainte Hripsimée (pp. 20-23).
11. Sermon du Père Vazgen Mirzakhanian prononcé le 21 février 1999 dans la cathédrale de Saint-Etchmiadzine (pp. 24-26).
12. Sermon du Père Haïkazoun Nadjarian prononcé le 28 février 1999 dans la cathédrale de Saint-Etchmiadzine (pp. 27-30).
13. PERE MIKAEL ATCHAPAHIAN. "L'origine historique du Carême" (étude) - (pp. 31-34).
14. ARTHUR KARAPETIAN. "La tradition du feu de la Chandelur" (étude) - (pp. 35-37).
15. BABKEN NANIAN. "Les caractères des trois personnes de la sainte Trinité dans l'ordre confessionnel" (étude) - (pp. 38-42).
16. SAINT FRANÇOIS DE SALES. "Introduction à la vie dévote" (IV partie). Traduit du russe par Arpinée Papayan (pp. 43-52).

ETUDES ARMENOLOGIQUES

17. PION HAKOBIAN. "Les sièges épiscopaux à l'époque de Saint Grégoire l'Illuminateur" (pp. 54-64).
18. H. MARTIROSSIAN. "Les premiers établissements ecclésiastiques en Arménie d'après la carte Peutinger" (pp. 65-70).
19. KAREN MATEVOSSIAN. "Nouvelles pages concernant l'histoire du siège épiscopal de Noravank" (pp. 71-86).
20. LARISSA NAVASSARTIAN. La parution du livre de Sa Sainteté Karékine I^{er} intitulé "...et le bateau flotte sur les vagues" (compte rendu) - (pp. 87-90).

NOUVELLES DU SAINT-SIEGE ET DES DIOCESES DE L'EGLISE ARMENIENNE

21. HRANT KOSTANIAN. Festivités au séminaire théologique du Saint-Siège d'Etchmiadzine consacrées à la fête de Saint Vartan (11 février 1999) - (pp. 92-96).
22. HRANT KOSTANIAN. Le feu de la Chandelur au Saint-Siège d'Etchmiadzine (14 février 1999) - (p. 97).
23. VAHE BEGOYAN. La fête de la Chandelur à Tcharentsavan (14 février 1999) - (pp. 98-99).
24. MARIAME VARTAVIAN. Cérémonie de la remise de l'Ordre "Saint Sahak-Saint Mesrop" à Monsieur Hovhannès Tchékidjian, chef de la chorale académique de la République d'Arménie (14 février 1999) - (pp. 100-101).
25. PERE ARCHEN SANOSSIAN. La création d'un nouveau bureau coordinateur d'activité pastorale (pp. 102-103).
26. Une initiative exemplaire concernant l'organisation d'une manifestation spirituelle et culturelle qui a eu lieu dans le village Djanfida de la région d'Armavir avec la participation des élèves de la "Maison d'enfants arméniens" (diocèse patriarcal d'Ararat) et d'un groupe de séminaristes (28 février 1999) - (p. 104).

**AU-DEVANT DU 17^e CENTENAIRE DE LA
CHRISTIANISATION DE L'ARMENIE**

27. Pèlerinage dans le cadre du 17^e centenaire de la christianisation de l'Arménie. Visites aux diocèses arméniens de la Diaspora (l'archevêque Hovnan Tertérian, prélat du diocèse des Arméniens du Canada, a rendu visite à quelques colonies arméniennes de la Diaspora du 28 janvier au 7 février 1999) - (pp. 105-106).
28. Réunion au Saint-Siège d'Etchmiadzine tenue du 5 au 7 février 1999 sous la présidence de l'archevêque Mesrop Achdjian, directeur général du conseil exécutif pour les célébrations du 17^e centenaire de la christianisation de l'Arménie, et de l'archevêque Hovnan Tertérian, président du comité central pour les pèlerinages (pp. 107-108).
29. Brèves informations concernant la célébration de saintes messes, les sermons prononcés à cette occasion et d'autres cérémonies et solennités religieuses qui ont eu lieu dans la cathédrale de Saint Etchmiadzine et au Saint-Siège au cours du mois de février 1999 (pp. 109-113).

ԽՄԲԱԳՐԻ ՊԱՇՏՈՆԱԿԱՏԱՐ՝ ՄԱՐԻԱՄ ՎԱՐԴԱՆՅԱՆ

ԽՄԲԱԳՐՈՒԹՅԱՆ ՀԱՍՑԵՆ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ, ԷՉՄԻԱԾԻՆ

«ԷՉՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Республика Армения, Эчмиадзин. Редакция журнала «Эчмиадзин».

Rédaction de la revue «Etchmiadzine», Etchmiadzine, Arménie.

ԴԱՍԻՉ՝ 77764

ՄԱՅՐ ԱԹՈՒ Ս. ԷՉՄԻԱԾՆԻ ՏՊԱՐԱՆ